

PL
248
M457Z53
1914


Memduh, Mehmed
Bedayi'-i asar

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

2661

8a/199



Digitized by the Internet Archive
in 2009 with funding from
Ontario Council of University Libraries

Memduh, Mehmed, Paşa

بدایع آثار

Bedāyī' - i āsār

ناشری :

داخلیه نظارتندن مستغنی

ح . م

محمد ممدوح

استانبول

۱۳۳۰


[مطبعة خیریه و شرکائی]

PL
248
M457 Z53
1914

دور سلطان عبدالعزيز خانیده، مایین هایون کتابتیه معارف
و صدارت و مالیه مکتوبجیلقلرنده و مدت مدیده شورای دولت
اعضایغیه و الیکلرده واک صوڭ اون اوچ سنه داخلیه نظارتنده
بولنش و فن شعروانشاده دخی قدرت کامله سنی طایتیدیرمش اولان
مدوح پاشا حضرتلرینک احبا و اوداسنه یازدقلى بعض مکاتیب
خصوصیه که کتابت عثمانیه مرکز، درجات تکملنه عائد برر نمونه
بهترین و حسیات نزهة قلبیه نک ترجمان بهینی اولمسیله صورتلری
و قتیله طرف عاجزانه مدن اخذ و حفظ ایدلمشیدی بو آثار بدیعه نک
پریشان بر حالده قالمقدن ایسه قیمت سنجان ادب انظارینه وضعی
مناسب کوره رک (بدایع آثار) نامی آلتنده و بر مجموعه شککنده
طبع و نشرینه وساطت ایلدم.

ل ۱۰ رجب سنه ۳۳۲

ع ۰۲



— تېرىك غزايى متضمن بر مضبطه —

۴۰۰

۱۲۹۳

آفتاب توفيق خداى منان، پيشانى شرف نشان صفدريلرنده
لامع و درخشان اولديغندن فضاي فسيح يمن بر زمان يمن قدوم
داوريلريلاه همحل وادى ايمن اولدى. مؤخرأ قره طاغ بلاسى
ظهوره كلكله همت رجال قلع جبال ايتكم اقتدارنده اولديغنى
تدابير تقدير فرماى فخيانهلرى بالدفعات اثبات ايلديكندن صمصام
خضم التقام حيدريلريلاه. قره طاغلر اكثر محله جزاي سزاسنى
بولدى. جنودجوشن شفاف دولت عليه ملكدن ازاله مصائب و بليّه
امر اهنه اشتغال و شردمه عصاتى استيصال ايتديكى آوانده روسيه نك
حربه تمايلاتى اوزرينه ذات بسالت سمات مشيرانه لرى مثللو بر رستم
داستانك معركه كاهده ميانه سپاه سطوت پناهده مهابت بخش رخس
اقبال اولسى طليعه طالع ملتى تأمينه مدار عد ايلديكنه بناء
= سيف نصرت دريمن - وفيض و رفعت در يسار = بشارت متابعه سپاه
اناطولى اردوى هايوننه وقوع عزيزت عليه وزيرانه لرندن قلوب

مصادقت مصحوب مؤمنین انبساط تام ایله مالی و السنه صغار و کبار
دعوات موفقیت آیات سنیہ لرینی تالی اولمشیدی . وقتا کہ دشمن
مشئوم، غایت غرور و نہایت شر و شور ایله ملک محروس عثمانیہ
خطوہ انداز هجوم اولدقده جنود بسالت نمود تاجدارینک ہر فردینی
بر مرد شیر صولت و اول کروه پر شکوہی اداره ایدن وزیر دلیری
ارد شیر منقبت بولدیغندن اعدانک پای رعوتی متزلزل و بین الدول
شہرت کاذبہ مکتبی متزلزل اولمشدر . قائل کریمہ (نصر من اللہ) زرین
علم عالم آرای اسلامی موازیؔ مہر و ماہ ایسیلہ برید نصرت نوید
مسامع جہانیانندہ غلغلہؔ غالبیتی تجدید ایتدجکہ بتون اوروپا سر تابیا
اسلامک قوتنہ حیران و عدو بد مرا مک ہزیمتہ نکران اولدینی
حین فرح رھیندہ صواعق و برق ظلماتی خرق ایدرجہ سنہ بر کیجہ
دشمنک کدکگر اردوسی پایمال سیول خیول غزات موحدین اولدینی
خبر خیر برابری واصل صماخ مفخرت اولدی . شو فوز عظیمی
تبشیر ایدن تلغرافنامہ نامی، افتد، صدق انتمای انامی نصل لبریز نشاط
ایلز کہ جیوش شجاعت موصوف نعرہ زن (الجنۃ تحت ظلال السیوف)
اولوب دشمن روسیہ اوستنہ مردانہ و بر مرادانہ اقتحام ایله جملہ سنی
تارمار و مظهر (فریق فی السعیر) اولان قوماندانلرینہ وارنجہ
انداختہ سوارخ قہر و دمار ایتمشدر . حضرت رب مجید ہر روز
فیروزی ہمپرتو صباح عید بیورسون . شہنشاہ مظفر و پادشاہ
عسکر پرور افندمرک افکار قدسیت آثار خلافتناہیلری خصم دینی
تدمیر ایتمک اولدیغندن لطف جلیل خدای ودود و امداد روحانیت
حضرت نبی مودود، شام و سحر عسکر اسلامہ یاور اولمقدہ در .
ان شاء اللہ تعالیٰ لوای سعادت التوای عثمانی، قریباً برقات دھا کنکرہ

کردونه اعتلا ایلله جکی حقنده امید عاجزانه من قوی و متین اولمسنه
 مبنی محاربه نك نتیجه منجیه سنی دخی تبریکه موفقیت من الطاف مخصوصه
 صمدانیه دن تضرع اولمغله برابر شمذیلک تسعید غزای غرای
 مشیر اکرمیلرینه مسارعت قلندینی رهین علم عالی آصفانه لری
 بیورلدقده قاطبه احوالده امر و فرمان حضرت من له الامر کدر .

(بر جواننامه)

(بشنو از فی چون حکایت میکند از جداییها شکایت میکنند)

مادامکه بو عالمده سکون مطلق تصور اولنه من. ذرات موهومه الوجود
 بیله بر بهانه ایلله یکدیگرندن دور و مهجور قالور. حرارت شمس
 آواره، ذره بی انبساط هوا نامیله ایستدیکی محله سوق ایدرده یه
 ذره نك میل طبعیسی شمس تابانه طوغریدر . ارسال بیوریلان
 کرمنامه عالیرنده شرف صحبت علیه لرندن دور اوله لی مقدماتیلله
 تلطف عاجزانه مه رغبت بیورلمش اولدیغدن مخلصلریده کتاب
 مثنویدن استمداد و جناب مولانا نك حضرت شمس اولان تحسرنی
 یاد ایلسم موافق حال اولور. من غیر لیاقه نائل اولدیغم عاطفت سنیه نك
 تسعیدینه دأر اولان التفات کریمانه لری ایسه بنده لر نجه بر بشقه شرف
 اولمغله عرض تشکراته ابتدار ایلدم . توجهات علیه لرینک دوام و بقای
 جمله تمنا یندن اولدیغنه مبنی هر حالده امر و فرمان

(جوابنامه)

عنیزم اقدام

قلعہ سلطانیہ حصول حسن وصول مرشدانہ لری تبشیر
وکام مرا می لذت چشیدہ شکر و شیر ایدن کرمنامہ لری آلام .
بر حفیدہ لری قدم نہادہ مهد وجود اولدیغی بیان بیورلمشدر .
قدومنی تبریک و دست سرور ایله کھواره سنی تحریک ایدرم .
بو طفل نوآمده، عالم بالادن هنوز پیچده قماط بروز اولدیغندن حقایقه
وقوفی درکاردر . سلامت امت حقنده لسان حالتدن بر خبر شیرین
حسن اولندی می؟ خندا میدر، کریا میدر؟ شکر خندا ایدر؛ زیر احلاوت
سر بزم قدس حالا دماغنده در . کریه ناک اولور چونکه دایه دهر
قوجاغنده در . دهانی پسته کبی آچامش پستان آرار . اما چه سود
مرضه ایامده اثر وفا مفقود اولدیغی بیلمز . جناب وهاب آنی
وجله مزی نائل نعمت یی حساب بیورسون آمین . توجهات بارقه
قدسیه لری ظلمت شکن قلب قاسی اولدیغنه مبنی او مطلع الانواردن
اقتباس ایتمکده بولندیغمی عرض ایدرم باقی .

(تبریک غزا)

معروض بنده لریدر

جنود نجوم، ظلمات روسیه اوستنه هجوم ایلدکجه جناب خداوند

حبيب قائل كريمه (نصر من الله وفتح قريب) تحت لواى ميامن
التواى آصفانه لرنده تحشد ايدن جيوش موحدى هزبر آجام
بسالت و دشمن دين و دولتى قرين قهر و خيت بيورسون آمين
بحرمة نبى الامين. طاغليلرك تنكيلى له الحمد حسن ختام بولمش اولديغندن
نوبت استيصال، عدوى روبه احتياله كالديكى جهتله درجك اول
بونده دخى صدمه صفدريلريه عساكر فوز نشان كسب ظفر و شان
ايلدى. خدمات مبروره دولتلى تزيين محاييف روز كار ايدى چكى
حيثيتيله مآثر جليله مشيريلرى تعداد ايتك محال بولنديغندن قلب
مصادقت اوب عاجزانه مك اجبارينه مبنى تبريك موفقيت عليه داووريلرينه
ابتدار و دعوات دوام غالييت صفدرانه لرى تكرار قلنديغى رهين
علم عاليلرى بيورلدقده اولبايده.

(خلوصه دائر)

جناب آدم، خالق ارضين و سماواتك دارالسلامندن و بنده لرى
افندمرك التفات و سلامندن محروميتله دوچار اكدار اولمش ايكي مبتلا
عداونه بيلوروز. اما اوبر پيغمبر عظيم الاقتدار و بوعبد عاجز ذليل
و بى اعتبار در. حضرت ابوالبشر، عارف اسرار خير و شر اولديغندن
مولاسنى تهليلدن و چاكر كمينه لرى دخى ذات فخامت سمانلرينك
دعوات صادق سنى ترتيبدن فراغت ايلدى؛ ميل تلاوت دعا، قلب
بى نشانى اويله برزمانده استيلا ايدر كه عرش و رحمان اصحاب نياز
انفلاق صبح ايله باب رحمت آچشدر. ارباب هوا ايسده، او وقت

میر و کده جملةٔ سرببالین و اسیر خواب نوشین اولور لر (قلم اینجا رسید و سربشکست) . مقصود عافیت وجود آصفاندلری اولدینی ایچون مژدهٔ جهان قیمت صحت فخیانهلرینی استبشاردن خالی دکلم . فقط حلاوت حضور ، شرف ظهور عالیلری حالا و حالا صفا بخش عبد بی نوا اولدیغی سدن او عالمی ، او بزم محترمی یاد و نعمت نوازش چاکر پروریلرینی تعداد ایله مباہی اولمقده بولندیغمه بناءً غلبهٔ شوق عبودیت شو عریضه‌نی تقدیمهٔ جسارت و یردی قاطبهٔ احوالده امر و فرمان

(بر خالصتنامه)

معروض بندۂ قدیملریدر که

بر اخوت خالصه که مدت دوامی اوتوز اوچ سنه یه منتیدر ؛ آنی کمال صفوت بال ایله محافظه یه موفق اولان البته مفتخر و مباہیدر . مخلص قدیملری شو جهتله فخر عظیمه مالک اولدقدن بشقه اوتوز اوچ ییلدنبرو توجهات سنیه لرینه مظهریت متمادیه ایله دخی افتخار ایدرم . حظوظات دنیویه یی تعداد و تجدید ایده بیلیمک نه درجه متعسر ایسه دنیاده دوست ایله کچن ایامده صفای روح اثباتی او قدر سهل و آساندر . بیچاره انسان اذواق و اشواقه نکران ایکن سودیکندن مهجور و احوال هجرانی عرض ایتمک ایچون ضعیف بر قلمله قلبی کی رقیق بر کاغذ پارچه سنی استعماله مجبور اولور . بندۂ التفات شرمند دلری اطه صیفیه سندن نقل خانه ایله سردیٔ سرمای بزم

کرما کرم کریمانه لرنده امرار و تحصیل شرف مسار اینک خواهشنده
بولندیغ حالده مجلس الفتدن دور و محروم قالدیم. بناءً علیه (کلدک
در سعادت نه یاری کورمدک = کیردک بهشته حیف که دیداری کورمدک.)
مالی شمدی ورد زبانم و دعوات عافیت علیه لری پیرایه لسان اخلاص
بیانمدر. اسنانبولده شدت شتا حکمنی اجرا ایتمکده اولدیغندن
بوعریضه یی یازدیغ صروده اشیانه های همت اولان دولته خانه لری
کوزمک اوکنده اولوب محله مزه دخی قوش باشی قار دوشمکده
ایدی باقی ذوق صحت و سرور و بهجت، ولی نعمت افندمر .

(تشکر نامه)

معروض بنده مستدیملریدر که
توجهات مخصوصه دولترلرینک آثار التفات نشارندن اولمق اوزره
کچنلرده زیتون و بودفعه دخی عرق الماس کون احسان بیورلدی
لطف و تلطف آصفانه لری آن بآن صور عدیده و جدیده ایله نمایان
اولدیغندن زبان شکران بیان محامد دولترلریله مزیندر . رمضان
شریف تقرب ایتمکده اولمسی جهته زیتون وقت افطارده بنده لرینه
نخسین غذا و لسان خصوصیت از سر نو مشغول خیر دعا اوله جنی
در کار ایسه ده عرق مصفای صفالر کلدی دیه رک سویندم. زیرا هر مغموم،
انکله دفع او هام و هموم ایدر. مواقع مستحکمه نك جواب اربعه سی
حجوم دشمندن صو ایله محافظه ایدلیدی کی انسانه خار جدن کلان
اکداره قارشو اشته شوبیاض صو سدسید اولور. بنابراین
(انا المسموم یا غندی بتریاق و لاراقی ادر کأسا و ناو لیا الا یا ایهالسا قی)
دمدمه سیله ترک آن و این ایتمکده ها مناسبدر. غم چکیله جکمه قدح

چکرز. مادامکہ سیای سہا، سہاجب کشیف ایہ ظلمت نما اولادہ
شمشک چاقور! فضای نامتہای تعبیر اولن ان محلدہ بیہ تحولات
وتمايلات کوریلنجہ عاجز لری مثللو تنک حوصلہ، چاقش اولسہ
تعیب ایڈیہ میہ جکندن سلاف، صاف التفات جلیہ لریہ نشود مند
اولہرق تقدیم عربضہ محمدتکاری یہ مبادرت قلندی

تبریک جوانی

معروض چا کرلیدر

بہارستان عالمہ ایکی جای خرم، ریاضین بخش روح بنی آدم
اولور. آنک بری بوی پراهن حضرت یوسفہ محل انتشار، دیکری
مشام آرای حبیب رب غفار اولدیغندن (انی لاجد نفس الرحمن
من جانب الیمین) بیورلدی. چونکہ یمن جولانکاه جناب ویس القرندر.
نکھت حقیقت دایما او جانبدن هبوب وتفریح قلوب ایدر. دل صدق
موئل، فوایح مدایح داورا کرملرینہ مائل اولقلہ برابر صبا صفا
افزادن روائح صحت وجود دولترینی استشمام ایلکده ایکن، برقطعه
عاطفت نامہ افخمیلری کل ورق بہاری کبی عطر پاش موقع تعظیم
اولدی. بونک مضمون شرف مشحونی وتبریک مأموریت بندکانه مه
دائر اولان ہر تعبیر عنایت مقرونی کمال کرم وعلو ہم آصفانہ لری
جلال دلانلندن معدود اولغلہ، لسان عبودیت داستان ایفای شکر
وشایہ عجز صحیحی اتیان ایتکده بیہ عاجز قالدیغنه مبنی ادعیہ

لازم التادیه دوام عمر و اقبال عالیه تزیین دیباجه مصادقت ایلدیکم
رهین علم خدیویلی بیورلدقده اولسایده امر وفرمان حضرت
ولی الامر کدر.

(بر جوابنامه)

معروض محب قدیملریدرکه

دوستان وفاداستان، یکدیگری نیک احوالی دایما تفقد و شو و سیله
جمله ایله اساس ممتنع الاندراس مودت ازسرنو تا کد ایدر. تقویه
محبت و اسطه فیوضات باسطه، تحریر ایدر. واقعا کمال صفوته یازیلان
مکتوب ید محبده صاف بر مرآتدر. نظر اولند قجه جمال دوست آندن
نمایان ونور حضور عیان اولور. اشته هر نه زمان احساننامه لرینه
مظهر اولسم بزم قدیم موانستک حالاتی چشم فرقت بینمده اظهار
آثار ایلر. تقدیم عریضه ده قصور می معترف ایسه مده بلیات متوالیه
بو قصوره سبب اولدی؛ ابتدا مادر مهربانندن و صکره ملک منظر بر
ولد دلستاندن آیرلق نقدر کوچ شیدر؛ شمدیده درمائی متعسر
خسته ایله اوغراشلق انسانک راحتنی سلب ایتمی؛ تعداد اولنان
مصائب سکز طقوز آی ایچنده بر برینی متعاقب اولورسه البته صبر
و تحمل فالز وقوعات مؤله ایله برابریاران قدیمک تفحص احوالنده
بطائت و ترک خدمت ایدم. درگاه شریفه عائد خصوص، طرف
رشاد پناهیلرندن آلدیغم امر مخصوص اوزرینه بر وفق دلخواه

تسویه پذیر اولدیغی کبی بعض حدنا سانسارک تزویرلرندن عبارت اوله رق مقاماته کلان محرات دخی آنلرک منوی ضمیرلری وجهله نتیجه حاصل ایدمه مکله حق کریمانلرنده استعمال دسایس ایدنلر بالاخره خائب وخاسر قالمش اولسه لر کرکدر . اطباب درمکله دوست خوشترست . مفادی بالجمله اهل فوادی ذوقیاب ایلله جکی حسبیله مخلص پیرالریده استجلاب توجهات علیه لرینه بوزمین تازه بی انتخاب ایلدم .

(برتذکره)

بر مدتنبیرو خسته حال وبی مجال اولدیغمدن تبدیل آب وهوا احتیاجی گاه آطه لرده وگاه یاقه حق طاغنده آرام وقراره اجبار ایتمکه حضور معالی نسور آصفانه لرندن دور ، اما التفات واستفسار دنده مهجور اولدم . حتی کچن کون... افندی بنده لرینه دخی ابراز تأثر قلندی . حسن خصال مکارم اشتمال دولترینک اسیری ونواله نوازش منعیمیلرینک دلگیری اولدیغم ایچون بر آز ستم ایتمکه حق اولدقن ماعدا دره اکیلل شکوه وشان ، سلطان مرحمت عنوان افندمن حضر تلرینک عتبه علیه لرینه عبودیت قدیمه عاجزانهم حسبیله سرای معالی داوریلرینک امکداری بولمق شرفی ینه ستم نازلغه جرأت ویرر . حال بویله ایکن قلب ملول ، خصوصیت سنیه لرندن اصلا عدول ایتمز . اختیار عزلت وقبول قناعت ایلله ابواب اکبر دولتی دیده عبرت دیده مه له الحمد مسدود ویدسود عد ایلدیکم حالده بیله

در عاطفت مقر خدیو یلرندن انفکاک کی کندمه محنت دیکر ییلوب
 عرض غرام زمین مخصوصنده بر طرز نوین اوزره تنظیم قلنان قصیده
 انما تقدیم قلندی. شهنامه ده قصه محمود وایار معلوم عالیلری ایسه ده
 تأدباً ایازدن بحث ایدلما مشدر. او وادی به کیدلما مشدر. ولی النعماء،
 شعرای ایران سویلدکاری قصائدی شاه مواجهه سنده قرائت ایدر لر.
 شو عادت واقعا شایان است حساسندر که ناظم مظهر تلطیف واکرام
 اولور امانه چاره طالع. شوکادخی مانع اولمغله دولت حضور عالیدن
 محروم قالدیم. ضعف وجود بندکانه م حمداً لله عافیه تبدل امارات
 قویه سنی کوستر مکده اولدیغندن بمنه الکریم قریباً شرف خاکبوسی
 داور بلیدنائل فیض عظیم اوله جغه اشتباه ایلم (بزمکده پر یلر اوله
 ساقی. باقی اوله سن جهانده باقی) امر وفرمان حضرت ولی الامر کدر.

(برتذکره)

(آهم ایلر ترانه پردازی بخت ناساز کاردن فریاد) نشیده
 ناشیده سنی ایراد ایلم بجادر. سرود و آهنگ، تزئید صفا و تبعید
 الم ایچون اولدینی بدیهی بولنوب بزمگاه مکارم کار یلر نده ایسه
 له الحمد صفا صف بر صف و بو شناخوان کبی ایکد خورده قهر
 و دهر اولئر مبتلای الم واسف اولمسيله. نوای نی وعود و صفای
 می و سرود انلرک غمی تخفیف، افند مزک شوق و طربی تضعیف
 ایدر. اشته کچن بازار سایه دولت لرنده استماع صوت حسن و دفع
 حزن و محن ایتک امیدنده ایکن اوله برانجمن انجم طرازه داخل،

زیرا سائر بندگان آصفیلری مثللو خطاب مخصوص داوریلریله
 دعوتہ نائل اوله مدم . سرفرازان بزم کرم کرم منعیمیلری اکرچه
 ذوقیاب خوان الوان الحان اولدی . بو عبد عاجزک قلبی دخی ینه
 دعوات دولتلیله طولدی کوبه بخشای نجوم زاهره سما شبچراغ
 اجلال ولی النعمیلرینی دایما پرتوما بیورسون . (شمع اقبالک اولور
 دست دعا فانوسی .) شبستانده استجلاب ادعیه صافیه بیورلمق
 نیت خالصه سی ملفوف پوصله نک تقدیمه بادی اولمشدر . رمضان
 کثیر الفیضان گلش اولدیغندن قلوب قدسیه اصحابی مشغول دعوات
 دولتلی ایلمک آرزو ایدرسه مدد قبول نیاز خصوصنده علیه الشان
 اقدمزک دخی غیرت سنیله لری خاطر کذار بندء مصادقت مداردر .
 خدا بیلور بو ذوات مجلای تجلیات اولوب جلب قلبلری بی ریب
 ورین ، واسطه حصول سعادت دارین ایدو کندن و هر سنه الدن
 کلدیکی مقدار خدمت اولندیغی حالده معزولیت بوییل قولمک زجه
 مانع اعانه اولدیغندن براز شی عطا بیورلمسی بکرمه تعالی موجب
 خیر عظیم اولورظننده یم ینه امر و فرمان حضرت من له الامر کدر .

(تبریک سال)

انسان کندی عمرینی بر آب روانه تشبیه ایتمک موافق
 نفس الامردر . چونکه انسان حیات ایله قائم اولدیغندن (ومن الماء
 کل شیء حی) مضمون منیفی بوتشیه وجهده دخی جاری اوله بیلور .
 آب روان ، صفوت اوزره جریان ایتدکجه ، آنک هر موج صفا فوجی

نشاط افراى روح اولدينى كې دوستان وفا داستان اره سنده محبتله
 گذران ايدن شهور وسنيك تذكر و تحطرى سبب شادمانى اولمق
 امور طيعيه دن بولنديغى جهتله مصادقت سنيه لرياه مفتح اولديغى
 زماندنبرو حق عاجزانه مده ترقيدار اولان التفات مكارمكاريلرينى
 تصور ايتدكجه كچوب كيدن ييللر زمانلر نظر ابتهاجده بشقه بشقه
 كاستانلر تشكيل ايلككده در . سنه مقيمهنك حلولى ايسه توجهات
 عاليه و تلطيفات متواليه كريمانه لرينه نائليه بر مبداء جديد فيض بديد
 اولدينى ايچون بارگاه ايزد متعاليه فرش جبين و دوام عمر و اقبال
 عاليلرى دعوات خيريه سيله لسان عبوديتى تزيين ايلدم اولبابده
 امر و فرمان .

(تشكر نامه)

حق نامستحق احقرانه مده الطاف و اعطاف عاليه جناب
 فخامتپناهى شاملى ايكي قطعه فرماننامه جليل ولى نعميلرى
 نور انداز فرق تعظيم و مفاهيم سنيه سى مدركه پيراي عبد رقيت
 وسيم اولمشدر . يكديكرينى متعاقب نجم ثاقب كې پرتوباش چشم
 عبوديت ملوكانه اولان انوار التفات ذره پرورانه، شب ديجور
 مهجورى اسيرى از قدم تابقدمه انوار فيضا فيض احسانه مستغرق
 اتمكه قلب صادق، مواظبت صحيحه سنده بولنديغى دعوات
 عمر و اقبال عاليى لسان محمدتله ناطقدرد . امر باهر المعانى
 فخميانه لرينك اجر اسنه اكرچه حكم قدر سپر اولمش ايسه ده

صدور ارادات سنیه آصفانه لری ظلام آلام آره سنده مصباح
صباح عید مثللو تنویر جان، و تبشیر توجهات جلیله دفع خلجان
ایتدیکندن (خیری بوقدر نعمته شکر ایتمک کوچ) مصرعی زینت
زبان مصادقت اولدی . جناب مفتاح الابواب در عاطفت مدار داور
افخمیلرینی مطلع آفتاب و بو ستاره سیاهی عتبه بلند کوکبه
ولی النعمیلرندن همیشه مکتسب فروتاب بیورسون آمین هر حالده
امرو فرمان .

(تبریک سال)

معروض چا کرلیدرکه

دعوات صادق سیله سنه جدیده جناب آصفانه لری تسعید
و بنیان شامخ الارکان رقیتمی نشید ایتدیکم ایچون خداوند
عمیم الاحسانه شکر فراوانه مشغول اولمقده بولندیغمدن ظل محدود
توجهات دولتری شو عبد مغمومه حوالی کلبه مظلومه فیض انداز
عاطفت اولسیله قلب ملالت مدارینه سرمایه مند مسارددر . کچن
بیلمک ایامی شمشیر کردنیکیرک نیامی کبی لکهدار خون، و احوال
اسف اشمال مؤمنینی مشاهده ایدن عیون عین جیجون اولدیغندن
کرم رب مجید، سال نوا حکامنی سعید بیورسون (جهانده نیجه
سر وارددر بیلمنمز! بیلمنک اولسه ده فرضادینلمز) . بعدما دخی
توالی تعطفات اصدقوازیلری باینده امر و فرمان حضرت
ولی الامر کدر .

(مخالفتنامه)

حضور دولترنده گذران ایدن ایامی شوق و عرام و کمال احترام
ایله یاد ایتمکدهیم : مجلس عالیترینک نظیرینی تصور ایتمک ممکن
اولورسه انجق او بزم لطیفک در و دیوارینی تزین ایدن مرأت
مصفادن مشاهده ایلیدر . آینه‌یی ایجاد موفق اولان کندی
هنرینی مرتبهٔ اعجازده ابراز ایتمشدر دیه حکم کلیور . بنده کیزک
نظرمدده مرأت، مثلی نایاب بولنان شیئک وجودینی علی قدرالامکان
ارائه ایتمک، ینه او شیئک وجودینه محتاج بولندیغنی اثبات ایچون
اختراع اولتمشدر . مجلس حکمت طراز دولترلیه، دائما تشرفه
آلشمش اولان بو مخلص خالص، آرتق نه ایله تسلی بوله بیلور که او بزم
عرفاندن مهجور و دور اولدی . بر وقتلر کاه مجلسک رونق
وصفا سنه و کاه جدار شرف قرارینه آویخته، مرایانک انعکاس
وانجلا سنه حیران اولدیغ حالده محرومیه مبتلا اولمق آسان دکادر .
مجلس لطیف، صاحب ذیشانی ککالات انسانیه ایله معنون بردارالانس،
شمیدی خالی کوریلنجه اسکی دملر البته حسرتله، حرمتله تحظر
اولنور . واقعا اخبار مسرت آثار عافیت سینه لرینی هر بار آلمقده
ایسه مده بوندن تلمذایدن سامعه اولوب، باصره، دیدار مشتاقی
وبناء علیه حسرت دله باقیدر . سعادتلو... اقدی سلام دولترینی
مکرر آتیشیر ایتدی . التفات جلیله دن منتدار اولدیغ مثللو توجهات
آصفانه لرینک دوامندن دخی مطمئن بولتمقله برابر شو عریضه می
تقدیم ایلیم . معروضاتده قصورمی اعتراف ایدرم . فقط استانبول

خارجنده بولندقلری زمان، مکاتبهیه رغبت موافق طور حکمت
سینه‌لری اولدیغنی مقدا لسان داوریلردن تلقی ایتیش اولدیغ
جهتله مراعاة‌للاذب ورقپاره اختصاصکاری عرضندن مجتنب
اولمشیدم. خاندان سامیلرینک دوام عمر و سحتلری تمنیاتیه ترین
مقال قلم‌مقدده بولندیغنی معلوم آصفانه‌لری بیورلدقدده امر و فرمان

(برتذکره)

خزینة هایونده، مالشکاه جباه موحدین اولان خرقة پاك، بر
شاعر شعرا منزلته نعت شریف جائزه سی اوله رق احسان پادشاه
سریر لولا کدر. اوصاف سلوک سلاطین داستان ملوک پیشین
شعراى سحر آرانک همتلرینه قالمشدر.

فتوحات و سنوحت محایف روزکاری نه خوش ترین ایتیش ؛
(دمبدم آب حیات سخن باقیدر. حشره‌دک زنده قالان نام سلیمان
خانی.) بویه اولمه قصه محمود و ایاز عاشق و معشوق میاننده اولان
ناز و نیاز بیلنمزدی. شعرا نك ا کابره ایتدکاری خدمت پک بیوک
اکبرک لطفلری ایسه کندى بیوکا مکارینه نسبتله کوچو کدر.
معلوم والالریدر که محامد علیالری هنر آن زیور زبانم اولان دولتلو
پاشا حضر تلرینک بیلیم نه صورتله اولدیده خلق جمیللرینی یاد ایلدیکم
صره‌ده بزم ... بکه خطاباً، آتازه شاعر بر قصیده بهاریه تنظیمنه
غیرت ایله، بنده تقدیمنه مسارعت ایدیم دیدیکمده لطف و احسانه

مظاهر اولوریم جوانی ویرمشیدی . سوزی اوزایمه لم قصیده
 بهاریه ختامپذیر ولطافتیه برروضه ارم نظیر اولدیغندن درحال
 عریضه مله مشارالیه تقدیم ایلدم . کنج شاعرهنوز عنایت آصفانه
 نائل اولدمامش کورینیور . محله لری شو ایشده ایکی صورتیه
 محجوب اولدم . بری تنظیم دیکری تقدیم خصوصنده اولان
 اقدامدندر . جانم برادر ، کیفیتی خاکیا یلرینه عرض ایدرک بر نتیجه
 حسنه استحصانه چالیشکز . زیر ابار حجب بنده کزه تأثیر ایتمکده در .
 بوور قپاره مک جوانی مطلقا بکلرم . کوندلر ایسه منکسر اولورم .

(بر مکتوب)

غنچه لر آچدی بهار کجیور ؛ اما کوناز آچلیمور محنت دوران
 ایسه کجیور . غنچه لری خندان ایدن فیض شبنم و تأثیر نسیم
 صبحدم ایتمش . الله الله بنم اشک چشمم آه سردم یوقیدر ؛ کوکلم
 نه ایچون آچلمز بیلیم ؟ نظر کا همده حقیقه کل طراز و طراوت
 پرواز عالی لری ترین با صرد ایلیه جنت صورتده لطیف والصف اولمقه
 برابر اوکاستاندن شمدیلک ارزو ایتدیکم رایحه مژده عافیت و صحت
 سنیه لریدر . له الحمد بونی استشمام الیمکدن خالی دکم . بر محله ده
 ساکن بولمادیغندن ... بنده لرینی کورمکده و خبر مسرت اثر
 کریمانه لرینی المقدهیم . کندوسی سلام سامیلرینی تبشیر ایدیور .
 البته قولکیزک عبودیتی دخی افندمه عرض ایتمکده در . صاغ
 اولمده ان شاء الله ینه بر کون شرف حضور بو مخلص مهجوری

مسرور ایدر. مادامکه قلب اخلاص نشانمده حقوق اخوت و نور محبت
برقرار و لامعه نثار در . آنک مکانات معنویه سی اولان توجهات
و التفات کر مکاریلیرینه نائل اوله جغم آشکار در . باقی امر و فرمان .

تذکره

سپاه سعاده سردار، حضرت منصور بردار، صیحه دهشت فزای
انا الحق ظهورینه خدایه فدا اولدیغندن جسد مصلوب سعادت
مصحوبینه خلق عالم طاشلر یاغدر دینی حین حنین اندازده، جناب
ولایت مأب شبلی دخی، برکل خوشبو آتمسیله، ولی منصور اللوا
درون جکردن آسرد چکوب بی، شبلیک کالی اسیر و اوایلایلدی
بیور مشدر . ولی النعما، مکارم شیما! اصابت مصیبتله پرداغ و هجوم
همو مدن منزلم راغ فراغ اولوب شو ایامده برغم کسار، استفسار
ایتمامش ایکن قلب ملوله قسوت کلدیکی خالده جانب سنی المناقب
سماحتیناهیلرندن مهجور التبات اولوق بالاده افاده اولنان قصه
عبرت حصه درجه سنده دل حزینه اثر بخش ملال اولدی؛ بیلیم
نه حال اولدی . باقی امر و فرمان حضرت ولی الامر کور .

(بر مکتوب)

معروض عاجزانه مدر .

ارباب دانش و اصحاب بینش نظر لرنده مستور اولمدینی وجهله

یوتکننای فنا (لا تحزن ان الله معنا) معناسنی تأمل و روحانیه
توسل ایچون بر چله کاهدر . اما شو حقیقه اهل ابتداء آگاهدر .
حظام دنیا، وسیله سعادت عقبا اولسه ، جناب صدیق حصیر
بدوش ، (اناراضی من ربی) نداسیله حضور فیض ظهور سیدالانبیاده
صف شکن سروش اولمزدی . درگاه شریفده خدمت فقزایی قبول
بیوردقلینه دائر تحریرات علیه لری ، مسلك عوامدن طریق
خواصه دخول کریمانه لری اثبات ایدر . جناب حق موفق و پدر
محترم لری نك روح روانی مظهر (حافین من حول العرش) اولان
ملکک و شمسه مقابل دو نمکده اولان فلکک کبی نوره مستغرق
بیورسون . مقام عالیرینی تسعید ایله برابر حق عاجزانه مده
توجهات کریمانه لری درویشانه نیاز ایدرم . باقی امر و فرمان
افندمکدر .

(بر مکتوب)

(ان اه خلق آدم علی صورت الرحمن) جوامر حکمتی ، خزانه
خلقت خدیویلرنده نمایان اولدیغندن ، رحم و شفقت ، خصیصه
ذات سروشی سیرت آصف اکرمیلری اولغله بوشان جلیلی اظهار
وعاجزلری منللو فلک فلاکت ستاره سیاهیلرینک احوال دیگر
کوتنی استفسار ضمننده ، هر حرف مکارد ظریفی ، حرز امان مصادقت
مندان اطلاقه شایان بر قطعه عاطفت نامه نامی احسان بیورشددر .
نیجه نامه نامیه طراز کلزار آفرینش ، طراوت بخشای بهارستان

بینش اولوب مطالعه مدلول محاسن شمولی چاگر عجز مداره
 سرمایه فخر فراوان اولمسیله اول و آخر محجوب و مستداری
 بولندیغ عطایای التفات ولی النعمیلری ینه بر طرز جدید احیا
 کستریده اثبات آثار مراحم پروری ایلدی و بناءً علیه لسان
 ستایش بیان، ادای ثنای و تحمیدده ابکم و لال و زبان عبودیت
 داستان، ایفای تشکرده بی مجال اولدی. چونکه مضموره معزولیت
 کتماننی یاده خرابه زار آباد ایتیمکه مثیل و شیمه افتاده نوازی اخلاق
 الهیه ایه تخلقه دلیل ایدو کندن حق بندکانه مده توجهات فیوضات
 آیات داوریلرینک درجه حقیقه سنی شمده تمام ادراک و اعتلای کوکب
 کوکبه کریمانه لری دعای مخصوصنی بخلوص البال ایصال بارگاه خالق
 ارضین و افلاک ایلدم... افندینک احوالی بختنه کلنجه بو آدم
 مأموریتنی حسن ایفا ایلیمه مدیکی مثلورضای فیض اقتضای
 آصفانه لارینی دخی تحصیل ایده مامش اولدیغنه تأسفله ایلدم. کرم
 و سر دروزکاری کور میانلر نعمت قدری بیلمد کار یچون، نهایت کرفتار
 ملالت و ملامت اولورلر. مومی الیهک پدریه حقوق ثابته
 اولدیغندن کندوسی حقنده الطاف جلیله دولترینی اولجه استدعا
 ایلشیدیم. شو حالده هیچ بر شینه دیلم واریمه جفی جهته شرمساری
 و حجاب، عذار اعتذاره نقاب اوله رق تقدیم عریضه عبودیت فریضه یه
 مسارعت و فرق بندکانه مده توالی معالی تعطفات خدیو یلری
 تیازینه مجاسرت قلندی باقی امر و فرمان.

(تبریک عید)

(عالمی باد سحر خیز که جولان ایلر = ایرسه ملک یمنه هر نفس

جان ایلر . (نه یمن فیض فضا سیله وزان اولسه نسیم = نشر بوی
دم جانپرور رحمان ایلر .) شعرای سخن آراء یمن خطه فیسیحه سنات
توصیف و تعریفده اطرائیش اولدقلرندن ، سهیل یمانی دیلدرده
داستان اولوب فقط بحکم قاهر و قادر ، انک تأثیری عقیقه منحصردرکه
بو جوهر لطیف اولسه اولسه آرایش قبضه شمشیر جوهر نشان
ویا خودنکین شکننده زینت بناندر . اما یمن قدوم داوریلری یمن ایچون
بر لطف عظیم اولدیغندن شمدی اواقلیمک هر جهتی کوکب کوکبه نمود
وجود آصفانه لریله مستیر اولسنه کوره اهالی یمن آرتق میل سهیل ایتمکدن
وارسته اوله رق هرودشت پیماقطع منارلده نگاه افکن انجم سما اولدیغی
مثللوبونلر دخی طریق ترقیده ذات ستوده سمات کریمانه لرینه حصر
نظر ایتمکله شادمان و قاطبه امورده موفقیت سینه لری مشاهده ایلدکجه
مسعودیت احوال دن طولانی کافه سی یکدیگری تهریک خصوصنده
برزده دامن اولورلر . سرور و سعادت توالی ایدن بر محامده جستجوی
وسائل تسعید ، آسانتر ایسه ده کلامده اطناب مخالف آداب و مقصد
اصلی توجهات جلیله دولترینی استجلاب اولمغله مبانی عبودیتی
از سرنو تمهید ، وصولیه تشرف اولنان عید فطری تسعید ضامننده
تقدیم عریضه یه ابتدار ایلدم امر و فرمان .

(بر مخالفه صتامه)

معروض بنده دیرینه لریدرکه
والد کثیر المحامد اصفانه لرندن مشهود وجانب جلیل کرم دلیل

داوریلرندن اثر نمود اولان تعطفات مخصوصه، عبد کمینه بی وایه متد
مفاخر و ابتهاج وحقا که جهتین و حدتمداردن فیضان و فوران ایدن رود
حیاة ردیف تلطف، اشیر اب معنای (هَذَا عَذَابٌ قُرْآنٌ وَ هَذَا مِلْحٌ
أُجَاعٌ) ایلدی. والد ماجد دولترنده مکنوز بولنان خصائل علویت
نصاب، مشرق الانوار طبع معانی نبع عالیلرنده کمالیه پرتو پاش ظهور
اولدیغندن، بوسر حکمت ماب، خاوردن آفتاب و آفتابده تاب دلائلی
اکتساب ایش ایلسمه بناء لسان عبودیت دعوات فزونی عمر و دولت
داوریلرله زینت بولسلیله تقدیم عریضه محمد تشعاری به مسارعت
وباره صداقت ستاره عاجزانه مده نیر نهار افروز و صباحت بروز
آصفانه لرینک دوامی رجاسنه مبادرت قلندینی رهین علم عالیلری
بیورلدقده هر حالده امر و فرمان حضرت من له الامر کدر .

انطاکیه مفتیسی عاکف افندی به

نوع بشر، کرفتاردوشاخه خیر و شر اولدیغندن فردا فردا،
حصه یاب غم امروز و فردا در. افسوس افسوس، رایحه ریحان روح
استشمامندن، لای خم لاهوتک جام صفا انجمندن محروم و جدادر.
ورقاء و جگاہ بقاء هزار دستا نسرای لانه لقا اولان انسان حقیقتده طیور
اولی اجنحه شاخستان ملکوتیه سایه رسان اولوب (طوبی لهم و حسن
مأب) دمدمه سندن نصاب علویت اکتساب ایلدیکی حالده نشر نراز
ناسوتده عصفایر صغیر فرماکی عقاب عقب کیر هوا پنجه سنک زبونی
اولمش ؛ (ذلك تقدير العزيز العليم)

صقن بوجیفه دنیا به قونمه کر کمی وار بلند همت اولوب قانع اولمه مال غنا
شو آیتک سگامضمونی رزقه ضامنندن اراد ربك ان یبلغا اشد ها

روشن دلان صباح معرفت نزدنده کالشمس فی وسط السماء جلی
ورونمادرکه، منقوش جراید جفون و معین معنای (ماهذه التماثيل التي
اتم لها عا کفون) اولان بواشکال خردبند، خیره ساز دیده هر هوشمند
اوله جغندن ارباب بصیرت و اصحاب عبرت، دائرة دیر دنیانک هیا کل
نظر فریب خیالاتنه تأمل تمایلدن دامن کشیده و مجلای جنانی
غبار غیردن زدوده و اوصاف و حلیه محموده ایله اتصاف ایدرک جناب
عیسا آسا مقام تجریده رسیده در .

انلرکه معصیتدن زجر ایلدوبده نفس دیوان حقه صف طاعات ایدر لر ارجا
مولا قسم بیورمش قرآنده اول گروهه والصفات صفاً فالزاجرات زجرا

باخصوص قلت ایام ایله تمغا یافته نصوص بولان عمر انسانی، تلف
کرده هوا جس نفسانی اوله جق مرتبه ده دور و دراز کور نمیدیکندن
بر صاحب عقل سلیم دشمنی دوش روز کاره تسلیم ایلسه، عاقبت آنی
رو ببالین این بولور. اما مقصد اصلی، تحصیل صفای ازلی اولمق
حسیله مرآت مصفای مصافند تعدیل افکار، بهترین همه کار کورند بکنه
مبنی آدمه محبتدن اوزکه نشیمن حضور اولمدیغی ایچون، حدیقه
حقوقک ازهار و اثمار یله اراسته و کاورق رنگینی بوی بهار مخاندندن
نوخاسته، نامه نکات نمای نحریرانه لرندن دسته دسته، ریاحین مسرت
بر چیده ایلدم. ذات معارف مندیلمی حائل فضائل حقیقه ایله مزین، کتابه
صفات صافیلری معانی مقدسه انسانیه ایله معنون اولمسیله جانب شرف
جالب سعادت لری نه انجذاب درون و میل ورکون مستمندانام، سائر دقیاس

ایدلمیه حکى نزد والالرنده بدیهی و روشن و اولبابده کردن کلاک براعت
 نکاره تقلید مقالید مقال عبثله اشتغال اولنوب قطع کالانه کلام احسندر؛
 چونکه ذات فضیلت مابلریله تا کدایدن مسائل حقوق، مقید سبجل
 وثوق اولدیغندن، آخرک زیوف مفسدتی، کالای والای حب وولانک
 تدنی قیمتی امرینه مصروف اولسه دخی، بوفکر فاسد متاع کاسدکی
 کشده کوشه نسیان اوله جغنده استباه بیورلنز هر حالده همت و کرم
 افندمکدر.

کل آصدم هر سرمویه	یاقوب صدداغ پهلویه
طولاشمه تار کیسویه	حذر ای طالب دیدار
سن آل مینای مینویه	تجلی قلب صاف ایستر
باقک آهویه تیهویه	نفس هاء هویتدر

رجوعم حقه در (مدوح)
 کلان حیدن کیدر هویه

(بر جوابنامه)

مکة مبارکده حصول حسن و ضول هاشمانه لری بشارتنه و حق
 عاجزانده مده مخصوص بولنان توجهات جلیله لرینک دوامی اشارتنه
 دائر، احساننامه معالی مظاهر منعمیلری اصابع آرای توقیر و مدلول
 مکارم شمولی معلوم بنده مخالصت سمیر اولدی. ذات سیادت
 سمات کریمانه لرندن کوردیکم مروت و وفا، بحق مروءه عمره سورر
 برصفا ایکن مالشکاه خبایه جمیع مؤمنین و مطایف حمایه عرش برین
 اولان کعبه الله العلیام و اوجه سنده دخی نام عاجزانده مک تخطری دلیل

جلیل عنایت اولدیغندن، لسان محمدت بیان قلب مصادقت مشحونه
ترجمان اوله رق، مناقب مسعوده عالیلری تکرار علی التکرار وشو
ذریعه بدیعه ایله استبقای تعطفات سینه لری رجاسنه ابتدار قلندیغی
رهین علم سیادت لری بیورلدقده .

(بودخی)

جوابنامه نامی سر تعظیمه تاج اولدی. بو کتاب لطیفک کلماتنده
حروف عالیات مندرج، عباراتنده ظروف سموات مندج اولوب
تحیفه صفا صفتندن (الصبح اذا تنفس) انواری مقتبسدرد. حق
عاجزانه مده روز بروز، اشعریز بروز اولان آفتاب توجها تئویر
درون ایلمکده بولنسیله زبان شکر شعاری ولسان سپاسکاری ادا
نماده بی مجال و قلم دخی ابکم ولال اولدیغندن فم و قلم حرکاتنده
توأمدر. جناب حق و فیاض مطلق جناح نباح اتمای قدسیلیری
مفارق مستمندانه سایه رسان و مشکلات عبادی انامل کرامت
حامل رشادت پناهیلریله آسان بیورسون اولاباده امر و فرمان

(بودخی)

صباح الخیر خبر رشادت پناهیلری بیاض تحیفه سندن هویدا
ونور مشکاة ظهوری پر نوپاش ساحه سویدا اولان نامه نامی، مثل

خمسۀ نظامی انامل ارای تجین اولدی. بو وسیلہ ایلہ ایلہ فائز اولدیغ
 التفات، خلق کریم رحمانہ لری برکات کایہ سندن اولمسیلہ تمہید مفاد
 (عادات السادات سادات العادات) ایلدیکن سندن شاهد سنبل لباس وسندس
 التباس احسان، قصر صدر صفا التماہی جلوہ کاه (فیہن خیرات حسان)
 ایتمشدر. زیرا نشوہ مندمل معنا وسر مست رحیق تحقیق (ان الله معنا)
 اوانلر ایچون محبتدن ماعدا روحہ غذا بولمہ جغنه نظر آخجہانہ
 حب صرفدن پیانہ نوش اولدم ذیل کرامت میل کر منامہ دہ عارف
 شئونات، شیخ شانی ستودہ سہادتدن سلام اہدایورلمش اولمسی دخی
 بشقہ جہ موجب مسار اولمسیلہ تشکرہ ابتدار ایلدم اولباہدہ

(بر مکتوب)

عزتلو اقدم

خزینہ روزکار، برزر کامل العیار ایلہ نیجہ زمان زینتدار ایدی.
 اقبال دولت آنی بر وقت خاتم کبرای وکالت ایلہ دخی مشرف
 ایلدی. نہ چارہ عادت دیرینہ دوران، زر دگل، کوہری بیلہ عاقبت الامر
 زیر تر آبدہ نہان ایلک اولدیغندن صدر اسبق ودریای رحمت الہیہ یہ
 مستغرق اولان کامل پاشادخی جہانہ بویہ کلدی کیتدی. بدر کامل،
 افول ایتدی. مشار الیہک آثار ادبیہ سنی ییللر جہ کندی حضورندہ
 او قوردمو او قودجہ انبساط روحانی ونشاط جوادانی بولوردم. ترجمہ حال
 احتفال اشمالده، رقم زدہ کاک براءت نکار ادیبانہ لری بولندیغی

اوزده، مرحوم مصردن محمد علی دورنده لمصلحه عزم خطه روم
ایلدیکی هنکامده، بهشت نشین پدرم دعاوی ناظری ومصر قپو
کتخداسی بولندیغی جهته کامل پاشا ساحلخانه مزه تشریف
وبوراقه الحروفی سنایک کوچک اولدیغ صرده (بکم سکامصردن
بر اخرج آت هدیہ کتیردم) التفاتیه تلطف ایلش اولمقدنشاشی
اشته کامل العصرہ اودم خرمدن بداء ایلہ اختصاص و اخلاص
خاص حاصل ایتدیکمہ مبنی در عزت مدارندن عمر کرانمایاری
خاتمانه قدر دور اولماشیدم. میانده بابا اوغل معامله سی و طرفینک
لطائفده مکالمه سی، روضه طرازان بهارستان شرف اولان
اکابرک بیله غبطه لرینی دعوت ایدردی. بنابرین صحیفه ایامک اثار
ادبیة کامل ایلہ تزیین اولمسنی چوقدنبرو امید وانتظار ایتکده
ایکن مکر بوخدمت و همت ذات بهیہ لرندن ظهوره کش ایش.
(احسن هزار بارک الله) محبکیز ايسه (اثر کامل) عنوانی التمدد
بر مجله عرفان، آرایش بخشای محفل ارباب اتقان اولدیغنه هیچ
وقوفم اولمدیغدن سعادتلو پدر پاشا حضرت تلرینه بوبابده ابراز آرزو
ایشیدم. طرف نجیبالرینه تبلیغ کیفیتله او تحفه قیمتمدار وفوائد نشر
تمیقه مخصوصه لريله اصل جای انتظار اولنجه خدا بیلور غایت
مسرور ونشوه مند رحیق حبور اوله رق ثنای جملاری یاد و حصول
رفعت وسعادت بهیہ لری دعا سی رفع برین بارگاه جناب رب عباد
قلمش اولغله مجرد بیان ممنونیت و اتیان مودت سیاقنده ترقیم
جوابنامه ستایشوری یه ابتدار ایلدم اقدام.

عبدالنافع افندی حضرت تلرینه

الضار والنافع هو الله درگاهنی پناه ایدن هر بر آگاه ایچون

بوروباط ارتباطده تفقد نجر ددن اجل امل محتمل دکلدر . انجلای
روح، انشراح صدرایله مشروح اولدیغندن صدر کرم مائل و بدر
شمائلک حق عیدانه مدده علو عنای، خاک خاشا کداره تنزل ماء رحمتی
ایما یتیمه بناء = دمیدر طوطی کویای قلم = شکر خالقه شکر خالق
ایده = دمدمه سیله جنان، تحدیت نعمته و جبین، محراب محمدته
اولدینی حالده الوف التفاتی متضمن تحریرات حریری آیات علیه لری،
راحه آرای تکریم اولدی. تجدد توجهاد و تأکد تعظافات سامیه لریله
تلطیف بندکانه مه ارزان بیوریلان مساعده باعث مفخرت فوق العاده
اولمیسند ناشی تقدیم تشکراته ابتدار و دعوات دولت و اقبال
عالی لری تکرار قلندینی معلوم کریمانه لری بیورلدقه اولبابده .

(برجوابنامه)

صفحه رنگینی، بلبل خزان زده یه برک کادن و مال لطف آکینی
مبتلای احزانه نشوؤ ملدن نشان ویرن تحریرات همکاریلری
المنة الله مانند خورشید صبحگاه، نور بخش جباه و نگاه اولمشدر.
الحق خضالشعاع عباراتیه کوز لرم طو لمشدر. بوزریان پرتوپاش، بر مرتبه
شایان سایشدر که هر خامه و هر نامه ستایشنده نمایش ایلر واقعا
تلطیف بال ملم قلم بدایع اشمال سامیلری اولدیغنه برهان عال العال،
ینه اثر کلک براعت مقال احسانلری اولمغه، تبریک مأموریت و تمنی
ترقی و رفعت ایچون ابراز بیوریلان طرز و فاضل طراز مفخرت فرمای
بنده مخالفت پرداز اولدی. فقط نقصانده کمالی و عرض عجزده

بیلہ عجز حالی مشہود، بو عبد بی وجودك دائرۂ معارفہ اتصالی مجرد
بر لطف عالی بولندیغی جہتلہ تشکر الطاف و تذکر اوصاف سنیہ لری
خدمتندہ اولان محب قدیملرینک موفقیتہ دعای اجابت پیا ایماسنی
مشعر و مبشر بعد ازین دخی کرمنامہ ارسالی وابستہ عنایت وشایستہ
عاطفت علیہ لری اولدیغندن ہر حالہ امر و فرمان

مسجد اقصی تعمیراتی خدمتیلہ قدس شریف جانبندہ بولنان
قدرت بك اقدیہ

تجربرات وفا آیات علیہ لری کہ، کتاب مستور و بیاض تحفہ سی
طراز طور در؛ مفسر معنای عین الیقین وضیا افزای چشم حسرت بین
اولدی. بو وادی مقدس (اللہ بس باقی ہوس) تجلیکاهی بولمغدارزو
دوست دیدارینہ منحصر، اما نہ چارہ؛ دست امید فخر اولدیغندن ندای
لن ترانی، ولولہ انداز کوش ہوش انسانیدر؛ مادامکہ دروازہ نگاہہ
پردہ دوری کشیدہ قلمشدر؛ ادم، تعلم نطق ایچون جناب کلیم
ایلہ ہمد اولسہ ینہ درد افتراقدن خاموش قالہ جغندن بزدہ بیہودہ
تطویل کلام ایتیمہلم. بنابرین اینیہ مقدسہ تعمیراتی زمینندہ طرح
بیان بہترین، دہارنکیں کور نمککہ شو خدمت کلک پسندیدہ نکارہ
عائد اولسون فی الواقع استقصای احوال مسجد اقصی، حظیرۃ القدس
خاطرہ ساطع اولدقدہ خامۂ عباس عمامہ سجدۂ شکر ایلدی. قلم،
نور ہدای تحریرہ آلت اولمندنناشی ساحۂ ثنایہ وضع جین
ایدنچہ بیت خدای تعمیرہ دلالت ایلین ذات قدرت نمود، (سیاہم
فی وجوہہم من اثر السجود) عبادینہ ملحق ومظہر رضای حق

اوله جغنده اشتباه، لایق شان اهل انتباه دکدر . فقط علو همت
 اصحابی کوکل کعبه سنی تنویره اشتغال افضل اعمال اولدیغنی
 ادراک و فهم حقایق ماعبدناک ایلمش اولدقلرندن قالبی، بیت نور
 افشانه وقلبی، ذات عظیم الشانه دوندیرمشلردر. اما سرادقات ناسوت
 نقاب عرایس ملک ملکوت اولدیغنی جهتله حرمرای وحدته
 بی واسطه دخول ممکن اوله مدیغندن بو یولده هر نفس مددرس
 کرکدر. (سرزهوا تافتن از سرور یست. ترک هدا قوت پیغمبر یست)
 اکر چه نسیم فیض روحانی، سایه آل عباد، قلوب عباد بوی ریحانی
 کتور رسده خاشا کستان امکاندن بوستان لامکانه راه آسان چارطاق
 عنصرده مربع نشین کلشن بدن اولان بر انسان کامل ملاقاتنه
 وابسته ایکن شام جنت مشام سیاحتی افدمره بو نعمتی دخی
 قزاندیرمش اولدیغنه تشکر ایدرم باقی بزم عرفانه محبت ساقی اوله
 هر حالده لطف واراده افندمکدر . فی ۱۳ محرم سنه ۸۸

(بر مکتوب)

پرتو اقبال جهان برق جهان کی بر نظرده کوزدن نایب اوله جغندن
 اهل بصیرته کوره رونق طالع افول ایدرجک کوکبه مشابه بولمغله
 صاحب عقل سلیم، مساعده روز کاردن متغیر دکدر. اخلاق افساد
 ودوستی دوستدن یادیدن موهومات که، انسانی دام افتقارده مرغ
 شکسته پره وزمان اقتدارده شیر نره دوندیرر؛ آواره آدم بازیچه
 انقلاب کونا کون، زبون بخت و اثر کون اولدیغنی حالده ذاتی فلاطون

فطنت رسطو طبیعت ذهابیله کل یوم هدف لوم قوم ایدر. بو حقایق
 نیجه ایام نزد دقایق دانیلرنده اعتبار و اختصاره لایق کورلدیکندن
 مطموره ملامتده، تنکنسای عزل و عزلتده اوضاع نامموار دهر
 ناپایداره دأثر مقالات و التزام طور وفاکاری ایچون تأمینات جریان
 ایدردی نه چاره که «ارباب جاه اکثر غفلتله بی خبردر. تاطیف
 پادشاهان داروی هوشبردر. «میخانه سندن دست امله صونیان بر
 جام شعله جوش، آتش افکن متاع هوش اولدیغندن ینه یاران قدیم
 اونودلدی. هر نه ایشه تجربه دارالامتخاندده اوراق آفاقدن سبتمخوان
 عبرت اولدیغ جهتله شو ورد نوشکفته بی حدیقه عرفان عالیرینه
 عرض ایلدم اولبابده

منفیاً قبریلسده بولنان برذات طرفندن هنکام صدارتنده
 عالی پاشایه اولمق اوزره قلمه النان استعظافنامه در

امید عفو و عطاء، غمکسار اهل جرم و خطا اولسیله هر مجرم
 متألّم، بونی استدعادن غیر خالی و مرحمت و عنایت، مکارم اخلاق
 جناب صدارت پناهیلرینه مخصوص شان عالی اولدیغندن آستان شفقت
 داستان خدیوانه لرینه رویمال و تقدیم عرض حال ابتهال مال ایلرم.
 اگرچه صبر و تحمل، اسبابه توسلدن انساب ودها زیاده موافق ادب
 ایهده سنی آتشی دویرمش اولان بر بیچاره نك عمری، شو محنته
 اون سنه ایله محکوم برمدته فصل مقابله ایدر و تفکر تأثر فرماسنده
 ایکن جناب خدای بیچون وجود مسعود عالیرینی اسقام و آلامدن

مصون بیورسون ؛ چکنده نزول علت مدهشه سیله جسم علیل
 عاجزانه مک بر طرفی قوت اصلیه سندن ساقط اولدینی مثلاً کویا که
 احوال مکدره چا کرانه می سوبلتمک ایچون حکم قدر ، لسان
 عجز بیانمه دخی شودرد ناکظهور ایله آغر بر اثر براقیدن
 معلوماتلری تجربه دن عبارت بولنوب بوراده لقمان عنوانده
 کچینان اطباء علت واقعه بندکانه مله تجارب حکمیله لینی تزیدایتمشدر
 دینسه واقعه مطابق اولور . قبرسک وخامت هواسنه کلنجه امراض
 متنوعه هر نفسده انسانی برقاج کره معاینه ایدر واسامی* علیه
 نهایت اولمدیغنی اهالیسی سویلر . حالات مخربه شوصورنله موجود
 وجسم حقیرانه مده ارتق صحتی صحابت ایده جک طاقت مفقودایسه ده
 باری علتک تکرر وقوعی خلجانی تبدیل مکان ایله مزاجا ممکن
 تسکین وبقیه عمر عاجزانه می دعوات خیریه شهنشاهی وادعیه
 حضرت صدارتیناهی ایله تزین ایتک اوزره ، محل اقامت
 مستمندانه مک مدلولیه تحویله مساعدده واجرایی مرحمت فوق العاده
 بیورلمسنی الطاف مالانهایه افتاده نوازی وچاره سازی داورانه لرندن
 نیازه جسارت ایلدیکم محاط علم سامی رحمانه لری بیورلدقده اولبایده
 امر و فرمان

او ذات طرفندن عالی پاشایه تشکر نامه

موجود وطن ورنجور محن اولان بو عبد ناتوانک خط خطاسنه
 قلم عطا کشیده سیله محل اقامت چا کرانه م مدلول جزیره سنه تحویل
 ودودمان بی سرو سامان احقرانه م حق لرنده اجرایی لطف جلیل

بیوراش اولمسی، سبقت نمای سوابق احسان بر کرم کرامت عنوان
اولدیغندن قالب فرسوده، شوغنائتک مصدر فیض مابنه و قلب خون
آلوده، چاکسینه محرابنه رویمال ایله ادعیه لازم التأدیه خداوندیلری
آورده زبان رقیق قلندی قلب و جسم علیل بندکانه مه حیات تازه ویرن
لطف عالینک تشکرینه کانجه حقیقه ایفا می ناقابل اولوب قوللرنده
ایسه ضعف و عجزدن ماعدا سرمایه مفقود بولمسیله انک ایچون
دخی بذل مکارم و عفو جرایم اوصافنک صاحب ذیشان اولان
ذات ستوده صفات صدارت پناهیلرینه عرض حال مستمندانه به جسارت
جای سلامت کورندیکندن جبین ضراعت سوده سنک رکاب
عاطقلری قلندیغی معلوم حضرت وکالت پناهیلری بیورادیده اولباید
امروفرمان

مخالصنامه

جرعه نوش جام وفاق و سبوبردوش بزم اتفاق اولان سرمستان
محبت، هر آن بر نشوؤ جدید فیض بدید ایله سکران حقیقت
اولدیغندن کردش کردون دون نظرلرنده دوریاله سرنکون قدر
حالت بخش و آب حیوان بوکروه انبوهک پای شتابنه رخس اوله مز.
بویله بر مجلس ملک بسند و فلاک پیونده وصول، هر بی ادراک
ایچون ممتنع الحصول بولمسیله (باده کیم آب رخ جشمیددر.
جوهر آینه امیددر) طربخانه سنده آغاز ذوق خیرانجام و میل
نوش جام ایدن ارباب وفا، مطلقا آشنای صفای صهای بزم ارواح
ونشئه مئد رحیق تحقیق عالم اشباح اولمسی لازم کلوب، شو دخی

بینم زده جاری و شوق روح افزای عروق و اعصابه ساری اولان
 کیفیت، محبت دلیل بی عدلیله مبتدر . چونکه ذات کریمانه لر یله
 ظهوره کلان مناسبت ، محصول یکبزم الفت اولسنه منی ساقی
 باقی نوازش ، ینه اویوزدن نمایش ابراز ایلدیکندن ارسال بیور-
 یلان دستیلر (درگاه عشقه دل خم لبریز فیضدن . طولدیر
 همیشه کاسه بی طالیر همان سبو) جریانی اوزره مخلصلرینی مست
 سرور ایلش اولمغله (دوشمیه جام می دولت الکنن بردم بزم
 اقبال مرتب طوره تاروز قینام ..) دعوات صافیه سنی مصطفی
 محبتده قدح دعاسی کبی تکرار ایلدم اولباید لطف و اراده

تجریات مخصوصه

(سعادت ازلی قابل زوال اولمز کونش زمینه دخی دوشسه
 پایمال اولمز) اقبال پرتو پیرا ، ذاتاً عارضه ظلمتدن مبرا بوسیله
 هر افقده ظهور و بروزی ، مطلقاً روز شعشه افروزی وجوده
 کتوره جکندن خورشید شعله پیا ، حضیضدن معاینه ایدلسه بیل
 حقیقتده پنجه کیر کریبان سمادر اما مبتلای شب دیجور مهجوری
 اولمز ایچون (ظهور ذریه مهر منیر اولور باعث) بارقه سیله
 طلوع شمس تابانه انتظار اقدم آرزو و افکار کورندیکی جهته
 ولی نعمت سروش سیرت اقدمزک مباعدتی بالجمله بنسداکنک
 و بتخفیف بو عبدخاکسار و ناتوانک موجب مأیوسیتی اولدی . یوم
 وداع که سیلابه سرشک تحسیر ، دیده فلاکت دیدهدن اقشدر . اولیه
 بردم حزن انکیزده کوکل نه حاله کیرر؟ وجدان حقایقده ان ولی نعمت

کاشف اسرار، واقف هرکار اولسه ، احوال قلب رقیقدن بحث
ایدرم . مراعات لادب اندنخی کف لسان ایدم . حضرت
خدای منان ذات سامی اصفانه لری باعمر و عافیت فراوان توالی
معالی ایله خندان وعن قریب مطموره کزینان هجرانی دیدار فیض
اثار لریله شادان بیورسون امین بجرمت نبی الامین قطب احوالده
امر وفرمان .

برمکتوب

بنفشه زار سوادنده نکعت تراکت نهفته وملفوفی اولان
رسم کل صدر برکده صور صوامع قدس شریف شکفته ، نونامه
نفیس کرمکاری ، ورد بهاری کبی آجیلدی خامه بهنکار بهزاد
طبیعت ، مواقع مقدسه بی ترسیمه نقدر صرف همت ایلسه ایکی
ورق رنگین میاننده مجموعه مانیه مانند بویه بر اثره صورت بند
اولدمیه جغندن قطعات تصاویرک صفحات فیض قنوجتنه امانه نظر
ایلدکجه (سن شارح کتاب کل و ملیمسین نه سین) ستایشی ادایه،
توافر فراقبال سامیلری ایچون دعا یه باشدم . جناب مسیح نبوت
مأی ، سماء رابعده چاربالش نشین آفتاب بولمغله شمیدده قدسک
مثال بی مثالی ، پرکار زرین کار شعاع شمس ایله انعکاسی پذیر بجائی
اعین عالی اولمی (فاعتبروایا اولی الابصار) معلعنده شعشعه نازدر؛
خلاصه شوکلده حقایق بسته نک تعریف لطافت ردیفده
هزاران هزار معنای ملیح استحصال اولتوب ، مثلاً دل آگاه
جوهر مجرد روح قدسیدن خزان الله وسومنا سوایه تعلقی

حسیله تباہ پناہ اولہ رق من جهة جلاب تجلیات وجہت اخرادن
 مطرح منات اولدینی مثللو قطعات تصاویردندی انوار فلاح
 (ولقد کتبنا له فی الالواح) لامع ودرخشان وینہ بونک طرح دیگرندہ
 دارالاصنام نصارا عیان اولدیغندن ہر صورتی برکونہ عبرتی تأیید
 و تحریرات سنیہ لرینہ علاوہ برکذار قیمتدار ارسالی عنایتلرینی
 وجوہ عدیدہ ایلہ تأکید ایش اولقلہ عرض محمدتہ مسارعت
 قلندی اولیابده .

برمکتوب

(قافله شعرا) عنوانیلہ صحیفہ آراء برائر غرایہ موفقیت علیہ لری
 اعلانی مطالعہ اولندی . یوکاربانسرا دہ مهمان اولان اہل نہا
 (جرس فریاد میدارد کہ بر بندید محملہا) غلغلہ سنک تعداد اہتزازاتیلہ
 متوغل و طی مراحل تفقد قوافلہ حاصل اولہ جنی وارستہ دلائلدر .
 بناءً علی ذلک ، قافلہ یولنہ سالک اولوب بعض اثارمک تسبیارینہ
 جرأت ایلدم . انجق زاملہ بندان ہدایتہ التحاق ایچون پیش قافلہ دہ
 ابتدا وصف نبی خدا ایلہ صدا ، موافق ادب وسبب ظہور
 رحمت رب ، عد اولندیغندن حضور والارینہ برنعت شریف اہدا
 وچند قطعہ غزلیات اسراسیلہ برابر ترجمہ حال خالصانہ مدخی
 خلاصہ طرزندہ بالاملا عرض ایدلدی باقی لطف وارادہ

ہر سگ متصرفی حسن بک افندی یہ

(ان احسن الحسن الخلق الحسن) توصیف لطیف کتابہ جیہ

عالی‌رنده جنی و روشن اولدیغندن خصال و فائصال سامی‌لری
 تلخیص افئدهٔ اصدقایه مائل و علی‌الخصوص بوعبد مخصوص
 من‌القدیم التفات کرمکاریارینه نائل بولنمسیله فرق فرقد قرار
 چا کرانه‌مده پرتونشار ظهور و انوار فیض مراری جوش
 اورچشمهٔ هور اولان توجهات جلیله‌لرینک ایفای ذرهٔ تشکرده
 درمانده و لال و ثنایای سینه‌لریله انتظار فرمای عقداللائل ایکن
 هر حرفی مثال مروارید رونق حبل‌الورید اولمغه شایان تسعیدنامهٔ
 سعادت عنوان، آرایش چشم جان و مائل معالی‌نشانی بندکان مصادقت
 منشانی حیران ایده‌جک مرتبه‌ده بر مرآت صفوت عیان اولدیغی
 جهتهٔ صفحهٔ نظررباسنه دقت ایله‌کجه (هایون نامهات چون نقش
 مانیسست. جواب آن نوشتن نقش مانیسست) بیانی قلم قدسی نوایه
 وایه اوله‌رق ترتیب مقدمات عجزه شروع و عبودیت عاجزانمله
 عنایت علیه‌لری باندده التزام اصول و فروع قلندیغی معلوم محاسن
 ملزوملری اولدوقده بعدمانخی بوبندهٔ خیرخواهی توالی تعطفات
 عالی‌لریله مباهی بیورلمق منوط شمیة کریم‌لیردر.

مأموریت مخصوصه ایله کرید جانبنده بولنان مصطفی
 نائلی پاشا حضرینک مخدومه تحریرات

حائز شان حکمداری و فائز عنوان کامکاری اولان هر مالک
 دیم و تاج، دنیاده ایکی شیئه محتاج اولوب انک بری اهل علم
 و بصیرت معناسنی مبین بولنان قلم پسندیده انار و دیکری صاحب

علم و شجاعت مفهوم قطعین متضمن اولان سیف جوهر دارد که
 قلم محافظه حقوق عهود دولت و سیف قطع عروق ارباب یعنی
 و شقاوت ایستکلا بلاد آباد و معمور و عباد نائل رفاه و حضور اولور .
 بناءً علیه کافه دول، اصلاح خلل مال ایچون سیف و قلمک لزومی
 شمدیه قدر سیان عد ایملر ایسه ده حفظ اسایش عمومی امر
 اهنده قلمک فرأند فوئدی جهل شدن اولق اوزره پولتیه نامیله
 برضبی عدیل لازم التحصیل ده صورت های مجالی بروز اولمشدر که
 تأثیر کلام اینده حل ایدی لان مشکل استعماان کهام ایله حاصل اوله مامق
 در جه سنه تقرب ایتدیکنندن لزوم اهل قلم جهات عدیده ایله مسلم
 اولغله الحاله هذه قوه عسکریه لرینک کلانی مشاهده ایتدیکنم
 دولترک اسایشی دیپلوماسیانک تأثیرات و نمایشله تزايد و ایجاب
 عصره کوره پولتیه نک رنگی تجدد ایدیلدیکی کبی تأیید ایوان
 دولت و تشید بنیان مدنیت دخی هر وقت بر صاحب شوکتک
 وجودینه منحصر و موقوف بولنوب مظهر ظلال اجلالی اولان
 ملک و ملت همت بلند مرتبتندن کسب معموریت و طالع فرضنده
 مطالعندن تحصیل شرف و سعادت ایلر که ایکی ماده دخی اول
 دولتک سبب حسن حالی و خصمک موجب اضمحلالی اولور .
 و بومقدمه نک تمدیدینه کریدک احوال حاضرده سی کافی کورینور .
 چونکه محل مذکورده اشعال آتش اختلال و امنیت عمومییه
 اخلال ایتمکدن غرض اصلی شرق مسئله سنک اهمیتی اراؤه و اظهار
 و دولت علیه بی تضییق و اضرار ایلمک ایکن بدایت مصلحتده جانب
 سلطنت سنیه دن اجرا بیوریالات تأمینات قلمیه مخاطرات ملحوظه یی
 دافع و مؤخرآ اولطرفه سوق و ارسال قلمان جنود ظفر نمود

شاهانه‌ك شمشیر عدو تدمیری کریوه نورد خیال محال و کسراغ
 جبال احتیال اولان کروه مکروه عصاتک انظار مفسدت اثری
 مقابله‌سندۀ اثبات شان عثمانیان ایچون برهان قاطع اولمشدر .
 (سیف یدالله اولوب اشکار . کجدی قلیجدن فتن روز کار) . الحق بویله
 بر عسکرك جلادت قهرمانانه‌سی مدایحی صفحه‌ سیف معلوله‌نقش
 اولنان سوره‌ جلیله (انافتحننا) کبی زبان یزیبان شعرا ده کورسونلر
 تا که کسکین قلمله کسکین قلیجک قوتی یکدیگرندن فرق وتمیز
 وبلا نزاع لوح خطرده تصویر جنک وستیز ایلیم . اشته پدرم فخرم
 عالمری حضر تلری دخی بو حکمته‌مبنی طرف اشرف کیتی ستاینیدن
 (ای کریدیلیر) عنوانیله موشح اولان اعلاننامه‌ مخصوصی حمل
 وسطوت قاهره‌ اسلامیه‌یی شرذمه‌ شقاوته‌ ناقل یعنی بر الدۀ قلم
 عفو کشیده، برالدۀ تیغ خون چکیده ایله کریده داخل اولدیلر .
 حین مواصلت دولترنده صوب صوابهای مهم آشنایلرندن اتخاذ
 بیوریلان تدابیر له‌الحمد موافق تقدیر اولغله جزیره‌ده دوام ایدن
 اشوب و شورش، آن‌بان مبذل امن و آسایش اولدییی کوشزد
 خیرخواهان و بریاندخی ولوله‌ مظفریت رسیدۀ اذان عالمیان اولدقچه
 خطیب منبرنه پایه‌ آسمان اولان جبریل امین (آفرین ای علم
 افراخته سردار دلیر . صفدر قلعه‌ کشا صف شکن دشمن کیر)
 ستایشیله طنین انداز زمان وزمین و غلغله‌ پرداز مسماع سکان فلك
 برین اولمقده والحاصل اوصاف مضاف اتصاف شجیعانه‌لری یردن
 کوکه قدر یاد قلمقده ایدوکنندن اشوب قوت شیرانه وحشمت ارد
 شیرانه‌ك تشکر و تهنیتی وبعد ازین دخی تمامی موفقیّت سینه‌لری
 مقصد خیریه‌ آغاز اولنان کابانك دعوات صادقۀك اجابتی ایچون

زینت بخشای صفوف سر و ش و نصرت و فرمای صنوف جیوش اولان
 قائل کریمه نصر من الله حضرتلرینک درگاه عظمت دستکاهنه
 فرش جین ضراعت قلندی رهن علم سامیلری بیورلدقده اولباده

قدسده مأموریتله بولنان بر ذاته یازلمشدر

(کل ای کوکل اوله لم دلکشود چشم شهود. یتر بو کوری
 دل وهوان بود ونبود سنی خطایر قدسه وصولدن آلیقور .
 شو دامکهده کرفتاری دوشاخ وجود) پرده شکافان حر مکاه
 انتباه نظر لرنده پوشیده و مستور اولمدینی وجهله ، مقلوبی هدر
 و مجلوبی دربدر اولان بو دهر ناپایدار ، بر دار عبرتدر که خشت
 جدارنده غنصر ترابی صددارا صورت آرا و طاق زرین نطاق
 مدار کسر کسرادر « عرصه عالم کاه عرضه پیش پشنک و کاه حیرت
 بخش هوش هوشنک اولدیغندن هرتاجدار تخت نشین ، تقسیم
 ممالک مهالکنده ترک خواب نوشین ایلشدر . لکن غشاوه
 غفلتی چاک ایله بر کره کره ارضه دقت اولنسه رؤس عالیه
 جبال ، سرکشیده فلک برین و جانب دیکردن بوسه خوام
 زانوی زمین بولندیغنی تعین ایدر . اما پیرامن و دامنندن هویدا
 و تلونات طبع بی بشردن نمونه نما اولان ازهار بوتلمون نکاره
 کوهسار دیده ادرا که ارأئه رنک نیرنک ایلده جکندن ساحه غبراده
 پیراسته زیتون و تین ، ریاضین و بساتین دام مرغ خاطر اولور . آدم
 ایچون رباط تنزل و بساط تذلل اعتبارینه سزاوار ، شو مرغزار

خزان آثار و حزن نثار، برکنجشک ضعیفک جنبش پروباله تنک
 دکلیدر؟ فسحت اباد جهانی استیلايه و نام و شانی اعلايه انهماك
 ایدن انسان مادونه حجر حکمنی ویرمکه اظهار تجبر و خشونت
 و بریاندن دخی صحرا خارالرینی جلب و جمعه شدت ایلوب، طویلاته
 بیلدیکی سنکپاره لرله بنای بیت متین و دروننده اجرای رأی زرین
 ایلر. تفکر قلنسه هر صخره صما، بر مور ناتوانك مأواسیدر. اشته
 علی التوالی دولته امرار ایام و لیالی ایدن صدر عالی، عاقبت غائله
 دنیایی ترکه مجبور و مثال خامه شکسته زبان سرفرو برده قعر قبور
 اولمسیله برابر کستاخانه مداوم دولتخانه، بر آلاي نامردان، جمله
 باب خلوصدن روکردان اولدقدن بشقه کندولرینه واجبه ذمت
 شمدی مذمت اولدی. (قنی کندی قولکم دیو پرستش ایدن = ایلز
 یولده دوچار اولسه بیلر رد سلام. قنی کوردجه کمان و شخم ایدن قامتی
 زخم اچار تیر صفت شمدی صدور ایتسه کلام) نتیجه مرام انقلابات
 ایام، حیرت ساز عقول انام ایدو کندن محسوس و مشهودی طرف
 سامیلرینه اعلام، جایگیر ضمیر عبد مستهام اولدینی صروده تحریرات
 کرم آیات منعیمیله دست تعظیمه واصل و مطویاً ارسال بیوریلان
 تصویردن ملاقات مغنویه حاصل اولمشدر. التفات علیه لرینه رسمی
 اولمیه رق تشکر ایدرم. تصویره باقدجه لاجل الاکل تغییر شکل
 ایدلمش دیه بیلور ایشه مده ذات عالیلری محب جناب بدوی اولدقلرندن
 اوصورتده کورینلدیکنه ذهاب احسن طریق اولمغه سوء ظندن
 اجتناب قلندینی معلوم والالری بیورلدقده هر حالده امر و فرمان.

خداوندگار والیسی ثریا پاشا خضر تهرینه خانه

خصوصنه دائر تحریرات

معسار بدیع الانار طبیعت، بیت متین انشاسنده زحمت چکمز
ایکن ینه برسختندان روشندل بودار قسوت مدارده کندوسنه منزل
بوله مدیغندن کاه بیت معمور سمایه وگاه قصر پرنور ثریایه نظرله
سیر منازل و جان اوندن دفع حزن هائل ایلهرک (خدا دیوار
دولتخانه ارباب اقبالی . کئی برلانۀ کنجشک بی آرام ایچون
صاقلر) زمین خیالنه طرح بنای ابتهاال ایدر. نه غریبدر صوب صواب
نیزه قوناق، قوناق کیدر. خداوندا معلوم والای اصفانه لریدرکه
اساس معروض موافق حال بنده صداقت مفروض اولمسيله کچن
سنه سردی، سرمدان بوغاز ایچنده پک چوق زحمت چکلمش
ایدو کندن بمنه تغالی حلول ایده جک موسمده دولتخانه خدیوانه لری
بکجیلکمنک هر نه وجهله اراده بیوریلور ایسه بنده لرینه احسان
بیورلمسی بابنده امر و فرمان .

مخالصتنامه

سجن مؤمن اولان بودنیاده یوسف جان، خوف و خلجاندن
نصل راه رها بولسون، بلا اخواندن کنجه بیکانه دن شکایت عبثله
اشتعالدر . خدائک ولی واصلی دخی عالمده المده بولنه جنی
نزد عرفان پناهیلرنده مستغنی، تعریف اولمسيله مؤمنین، اصابت سهم
مصیبتدن این اتمه مک کر کدر . زیرا چند روز شو فضای قضاده

دلسوز اولمق، مقتضای حکمت رب رحیم و سبب خروش خشمه تسنیم اولدیغندن، خارخار روز کار ایله کاشن بندده آچیلان مرداغ درد، بلا کشان (قلوایی) ایچون باغ نعیمده برر تازده وردا اولور. مقدمات مسرووده طرفینه، بوخنیده خنین و سروده وسیله اوله جق احوالی حامل بولمغله تکراری موجب الم اولان وقایعندن اتقا عزیمت خالصه سی خیلی زماندر بنده لرینه رفع رقعۀ محالستدن کف ید ایتدیرمکده ایسه ده نام خیر اتسام لرینه محفل دلدۀ قرائت اخلاص ایدن روح روان، جانب فیض مطلقدن تاب و توان بوله رق ینه بر عریضۀ ثنا فریضه ایله اظهار شوق و غرامه موفق اولمشدر. سعادت اول مرد بر مراده که مقامات مبارکه خدمتده بذل وجه و (بارکنا حوله) حریمده قیام و قعود و رکوع و سجود برله رب جلیلدن مقتبس نور جبین و خوان جلیلدن نواله چین اولدقجه غفل مراحل (یؤخذ بالانواعی) بوعبد عاصی بی توفیق تام و حسن ختم دعواسنه مظهر ایلر باقی امر و اراده

سعید غالب افندی یه یازلمشدر

بر سحر که برودت هوا و شدت سرما دن شاهد فروزان عذار
 اقباب، اکتسای فروه سنجاب سحاب ایتمشیدی . و چشمه
 خورشیدک تاثیر زمهریردن آبی یخ بسته و تابی شکسته اولوب چمن
 زمرد رنگ آسمانک لطافتی کتمشیدی . (افسوس کوزی یاشنه
 لطف ایتدی دوران . واریسه صو ایتمش کی بلبله کی مایه) نشیده
 ناشینده سنک مالی عندلیب ناشکیلک و بلکه خانه خراب قهر دهر

اولان هر غریبک موافق حالی بولندیغندن دل و جان، سمندر آتشین
 پرکبی کنار ناردده طرح آشیایان و تماشای برف و باران ایدرک کرم
 و سرد روز کاری و اوضاع بارده فلك غداری مشاهده ایلر ایکن
 قاصد مقاصد خیر و برید سریع السیر تعبیر دلپذیرینه لایق و احرا
 نامه مطرالرئ دست و داده زیور افزا و هدیه بهیه لری اولان فروء
 روباه لقا دوش قبوله سایه سا اولدی . استاد شتا اطفال نهاله تعلیم
 قنون شتا ایلدکجه جناب رب مجید طالع والالرینی سعید و هربار
 ذات هنر مندی لرینی اقرانه غالیته مظهر فیض برمزید بیور مق
 دعاسی تذکار قلمشدر اقدام

(محالصتنامه)

مکاتبه به مشاغل حائل ایسه ده اخلاص صحیفه دله مکتوب
 بولندیغنی جهتله تسوید اوراقه حاجت وارمی؟ چونکه ذات عارفانه لریله
 حصوله کیش اولان محبت، علاقه دنیویه دن انبعاث ایتدیکنه مبنی
 بونک بقاسنی اثبات مرکزنده دنیاده موجود وسائطه مراجعت
 بیهوده و هر نوع اوراق بالاخره فرسوده در . حب ازلی روحه
 عابد روح ایسه عالم امره صاعد ایکن ا کا مخصوص دادوستاد خلقت
 توغلاتنه مقیس اوله میه جغندن تحریر و تفسیر کلفتی اختیار ایتک
 دیکر لرینه یار و بار اوله بیلیر . - قلم اینجا رسید و سر بشکست -
 مفادی مخلص قدیم لرینه ک ترجمان فؤادی اوله رق نادئ دقائق
 بادئ مرشدانه لرینه اتخاف سنبیل سلامه و نشر ریاحین احترامه
 مبادرت قلندی داما خیر دعا متمنادر عزیز و محترم اقدام .

انقره ایران شهبندری جواد خانه یازمشد

تمهید قواثم مخدنتی و تأیید لوازم مودتی محتوی ارسال بیوریلان
 ۱۴ ایلول سنه ۳۱۱ تاریخی نامه نامیه طراز برک بهاری کبی چمن
 ازای نشاط و انجمن پیرای انبساط اولمق خاصه سیله موقع ورود و زیلتساز
 اولدی، منقبه ولادت حضرت رسالت پناهی قراشته و روز فیروز بروز
 جناب پادشاهی لیلہ منوره سنک شهر آیین مسعدت قرینی ضیافتند
 اگرچه ذات بهیه لری موجود دکل ایدی لکن خوشه شفاعت
 ایچون دست ابتهال برداشته درگاه ایزدمتعال قلندیغی حین روحانیت
 رهینده سزیده یاد و اول شب شرف کوکب تجیلاتنه مرتب ضیافتند
 حسن خلق والالریغی تعداد ایشدم . موالاتما! مدت مفارقت
 شمندوفر خطندن دهامدید اولمشدر . واقعا سبب سیر و سفر
 معلوم بولمق حسابیله تمام یولنده بر حرکت وانک ضمنتده برکت
 کوریلور ایسه ده دوستان وفا داستان، بونی تمز توکنمز بر یول
 عند ایدم بیلور انقره دن انفکاک، دیگر رفقا کزده برو تیره انسلاک
 تهیه ایتمکه مسدر قومرباج ارضرومه موقتاً تحویل مأموریت
 وموسیو لیلوا کچن کون در سعادت عزیمت ایشلردر . شونلره
 پیشوا ارانلسه انکشت اشارت جانب آشنا شناسیلرینه تعیین جهت
 ایدر (- اطباب در مکانه دوست خوش تراست -) ساحه فسیحه سنده
 بو صورتله تطویل مقال وزمین تأمین حب و ولاده طرح بنیان
 حسب حال قلندی باقی دوام عافیت اقدام .

قره حصار صاحبده مشایخ مولویه دن بر ذاته یازمشدر .

اون بش سنه مقدم قونیه و الیملکیله عزیمت ثناوری و قوعبولدیغندن ویدر محترملری مرحوم اولوقت بر حیات اولدیغندن درگاه شریفده مسافر قالمشدم . شوسبیلله میانده متحصل موالات مقتضاسنجه سعادتحال عارفانه لری دلخواه اولدیغی کبی مقروماوایه عائد معموریت دخی بالطبع ارزو ایدلمکده ایکن بوکره بقضاء الله تعالی قره حصارده شراره ریز بروز اولان حریق خانمانسوزدن مملکتک بر قسم مهمی درگاه ایله برابر یاندیغی اکلاشمسیله بوخبر باعث کال کدر اولدی . سایه قدر توایه حضرت خلافتناهیده تلافی مافات اولنه جنی وبلده ازر نو مبانی ایله زینت بوله جنی درکار اولوب حریق زدکانه معاونات سریعه اجرا سیده جمله اراده مراحم معتاده جناب ملکداریدن اولدیغنه بناءً ایجاب مصاحبه تشبث قلنمش ایسه ده هر یرده بالتجربه ثابتدرکه اخشابدن یاپیش ویکدیگره ملاصق بیوت واما کن اتشدن مصون قالمیه جغندن انشالله الرحمن عهده قریبده ینه آبادان اوله حق مملکتک یانان محللری طاشدن اعمال اولنلق وسوقاقلر طارلقدن قوتاریلوب نظامه موافق یولده آچلمق آتی ایچون خسارناردن تحفظه مدارقوی اوله جنی جهتله بوامینه خیریه نک تأمیننه اعتنا ایدلمسی مقام ولایته اهمیتله بیلدرلدی . اشراف بلده نک درایتلری اقتضاسنجه منفعت ومضرت نقطه سندن نظرله ملاحظه الحجام واکاکوره تمشیت امورده اهتمام ایلیه جککری مجزوم ایدوکنندن تعزیت واستفسار خاطر ضمنده ترقیم نیمفه خالصانه یه مبادرت قلتدی اقدم .

جوابنامه

طریقت علیہ نقشبندیہ مشایخ عظامندن حاجی عبدالله افندی
 حضر تلمینک ارتحال دار نعیم ایلدیک ۱۲ مارت سنه ۳۱۹ تاریخی
 تلغرافنامه لرندہ از بار قلنمشدر. عزیز مشارالیه مشکاة سادات
 اولدیغندن، سیدی شهرندہ شب چراغ ارشادایله تنویر قلوب ایدردی.
 قونیه والیلکنندہ بولندیغ هنکامده دوراً سیدی شهرینه کلهرک
 کرک کندی و کرک آشنای سر الطباع نقشبندی، مرحوم شیخ
 یوسف افندی طرفلرندن مشاهدہ اولغان اطوار قدسیه، حالا
 سر لوحه خاطرات قلبیه در. چونکہ بومثللو ذوات ستوده صفات
 تجلیات سبحانییه مجلا، برر مرآت اولدقلرندن سیای سما پیلری
 کمال صفوتده و جمالارینه اخلاص ایله نظر ایدنلر بالطبع محبتده در.
 حال زندگانیلرندہ عین روح و آخرتہ انتقاللرندہ روحانیلری باعث
 فیض فتوح اولمق بولردہ مخصوص عطیة الہیہ اولمسیله، دنیا و عقباده
 همملرندن استفاضه طریق کشاده ایکن قید عناصردن تجردلری،
 منتسب و مجلردہ حسب البشریه داغ درون اولور. بناءً علیہ
 تلغرافنامه کیزک مالی قلبیک بادی حزن و ملالی اولمقله برابر هر ایکیسینک
 ارواح طیبه لرینه فاتحه خوان اولمغه اشعار کز باعث اولدی. بالاده
 افاده قلندیغی و جہله سیدی شهرینه کلدیکم زمان سزکله دخی
 کوریشامش و مودت حاصل ایدلمش اولدیغندن اشبو تحریرات جوابیه
 دلیل محادنت صمیمیه عد ایدیلہ چکی مأمولندہ ایم اقدم.

(جوابنامه)

اسکیشهر مولویخانه سی پوست نشینی حسن دده افندی، درکاهات

طعامیه سنه مشروط سیوی بخصار داخلنده کی مزارعت حدودینی تعیین
ایتدیرمک ارزوسنده بولندیغندن قضا قائمه مقاملغنه توصیه ایدلمسی
التمانی حاوی تحریرات کریمانه لیرنی افندی مومی الیه انقرده
بالورود دست ابجالد تودیع ایلدی. کندوسیله معارفه قدیمه اولمق
حسیله ملاقات، باعث مسرات اولدینی کی شووسیله ایلهموالنامه
دنلوازیلری ده ظهور و مخلص دیرینه یی نشوه یاب رحیق جبور
ایتدیکندن قلب اخلاص آشنا انبساط و نشاط ایلهرهین انجلا اولمشدر.
خصوص مذکور حقنده معاونت و تسهیلات ایفاسی قائمه مقاملغنه یازلدی.
کرنامه لرنده ایکی خصلت ذکر اولنوب بریسی طریقه دیکریده
ولایته رمز و اشارت بیوریلور. پک اسکی سویلایکم بر غزلک بویتنی
تخطر ایلیم. (- قریه قلبدن فقیرانه - حالی قیلدق ولایته انها)
ایشته محب بیریا شو مرکزده پارجا اولتجه حقیقت نمایاندر. نائل
اولدیغ نوازش عطوفیلرینه تشکراً ترقیم عربضیه ایتدار اولندی
اولبازده .

(بر جوابنامه)

بدرقه بارقه توفیق، حمازه کش طریق اولمسيله کواکده حاجیلر
یولی دینیلان کهکشان سرادقات سمان ، یر یوزینه منعکس
مهوشان آسا تجلی و تسلی ایدرک مکة مبارکده مواصلتی وحداً
لله تعالی سایه قدسیت وایه حضرت خلافتناهیده اکل فریضه
حج شریف ایله درعلیه سالماً معاودت میسر اولدیغک نوید
فرح بدیدینی ومولد سعادت مورد جناب سیدالمرسلینک تسعیدینی

متضمن ۱۴ اگستوس سنه ۳۱۱۹ تاریخی تحریرات فاضلانہ لری شرف
افزای دست انجال و بیت الله المکرم و مقامات معظمه ملائک خدم
زیارتیہ ا کتساب فیوضات و نام مخلصینک اوحین روحنیت رهنمده
ادعیه خیریه ایلہ یاد ایدیلدک محبت و الفت قدیمہ نک ماثر خالصہ می
اثبات بیورلمش اولمسی مورت حبور بال اولدیغندن کرک بوجہت
و کرک عافیت علیہ لرینک تبشیری حقنہ کی عمت، اخوت و خات
مقتضیات جمیلہ سندن بولندیغی اشکار و بناء علیہ لسان و جناہ مناقب
محمودہ العواقب کریمیلرینی تذکار ایلہ زینتدار اولدی . حرکات
وسکونات و عبادات و زیارات واقعہ بشقہ بشقہ موجب ثبوتات
ساطعہ کورلمسیلہ جہلمسیدہ تبریکہ شایان ولیلہ مقدسہ مولدالنہی
علیہ السلامات حق عارفانہ لرندہ دخی مستتبع انواع مسعدت اولمسی
تمنیاتی پیرایہ زبان اولدیغنه مبنی شو وسائل حسنہ ایلہ موالات
قدردانیلرینہ مبادرت ایلدم ارادہ افندم حضر تلرینکدر .

جوابنامہ

خبر خیر برابر تندرستی سیدانہ لرین مبشر نامہ نامیہ طراز
ورد مطرا کی سایہ ساز ائمہ اعزاز اولدیغندن بیان ممنونیتہ و اتیان
نخبہ بر زمین نوین تدارکی تصورندہ ایکن کج سنہ اولدیغی کی
بو سال سعادت سلسلاک شهر صفری آخرندہ واقع یوم معینده
حضرات سادات تبرکی اولان نسخہ شریفہ نک ارسال بیورلدیغی
مثلاو دیگر تحریرات رشادتپناہیلری دخی واصل اوله رق دل
اخلاص مؤلده مسرت تضاعف ایلدی . بویله صور کونا کونا ایلہ

تلطیف باله رغبت تشکر امرنده محبالتی نشووه مُند رحیق حیرت
ایتدیکندن مجرد تقیل یدمحرّم مقصدیله شو ورقه درقا پروازی
سوی مرشدانه‌ترینہ اطّاره ایلدم دوام احسن انظار متعنا
مخلصیدر اقدام . فی ۹ حزیران سنه ۳۱۶

مدینه منوره ده شافعی مفتیسی سادات برزنجیه دن سیداتلو
جعفر افندی حضر تلرینه

۱۷ رمضان المبارک سنه ۳۱۴ تاریخیه منقوش تحریرات
سیدانه‌لری ، شوال شریف اواخرنده واصل وفوایح مسکیه
معانیدن انبساط درون حاصل اولدی . میانه‌ده یمناً
موجود واثار خلت نشاری رونمود اولان حب وولا ایجابجه
طرفینک یکدیگره میلانی معلوم ایکن شو نطقه بهیه‌لرنده اولجه
کوندریلان نطقه فاضلانه‌لرینک جوابی انه‌مدینی بیان ایدلمسی
بادی تأسف اولدی . چونکه مقدا جوابنامه تسطیر وپوسته ایله
تسیر قلنمشدر . بونک عدم وصولی پوسته‌خانه‌لرک سهوینه محمول
وحضور فالض النور حضرت فخر الانبیا علیه اکمل التحایده نام
عجز اتسام خلاصی یادیله استشفاعه همت سیدانه‌لری بحثنده کی تبشیرات
مورث المسرات شابان شکران بولمیدیغندن - ان نلت یاریخ الصبا یوماً
الی بیت الحرام - بلغ سلامی روضه فیها‌النبی المحترم . - غرام تامیله
تنویر ضمیر قلنه‌رق تلاوت دعوات خیر آیات خصوصنجه کما کان
بذل همم بیوریله جنی شیمه وفاکاریلرندن مأمول اولدیغنه‌مبنی تأیید

مناسبات و دادیه سیاقمنده تحقیق نمیه ستمیشوری به ابتدار قلندی
اولیاده

کلیبولی مولویخانه سی پوست نشینی رشادتلو مصطفی
دانش افندیك نادى شریفلرینه

رشادتلو جمیل الشیم افندم
عاطفت سنیه حضرت پادشاهی به مظهریت مجیدن طولانی
تبریک و تهنیتی و ابراز ممنونیت و محبتی حاوی ۲۴ تموز سنه ۱۳۱۰
تاریخلو تحریرات دلووازیلری رسیده دست ابتهاج اولدی. میانده
متحصل مخاندن بی که وگاست و نای قلمک نواسی بومقامده راست
اولمسیله طرفینک حسیات و اهتزازانی متقابل و ایکی کوکل یکدیگرینه
مائل ابد و کندن آهنگ انبساط موجود و فقط دوری صوری
جهتندن - روزها باسوزها همراه شد. حالاتی رونمود اوله رق
مع مافیه مخاطبات خیالیه نشوه فرمای روح روان اولمسیله دوام
و داد فؤاد عارفانه لری خاطر خواه شناخوان بی اشتباهدر افندم

سایمانیه ده درگاه حمیده پوست نشینی رشادتلو شیخ
محمد محوی افندی حضر تلرینه

رشادتلو بهی الهمم افندم
در سعادتدن معاودت شریفه لرتده سیواسده وقوع بولان ملاقات
و مصاحبتدن بختله تجدید و تأیید حب و ولای حوی ۱۷ شعبان

سنه ۳۱۵ تاریخى تحریرات وفا آیاتلری اشبو رمضان مغفرت نشان
 اواخرنده دست ابحاله واصل و مطالعة معاینسندن ایکی وجهله انبساط
 حاصل اولدی. انک بریسی پیام عافیت و دیکریده دوام محبت
 مرشدانه لریدر؛ چونکه خیلی سنه لردنبرو نامه موالات علامه لری
 وارد و پرسش احواله مخلصلرینک ایامیده مساعد اولمديغندن یالکیز
 ادل اخلاص مؤئله ذات بهیه لرینه مخصوص حرمت و محبت باقی
 و حلاوت و مصاحبت آثارى ایسه مترقی ایدی. بوکره الفت
 و مخادنت سابقه ازسرنو تجدد ایش اولدیغنه بناء بیان تشکر
 و وداد ضمننده ترقیم جوابنامه محبییه مباردت وشو وسیله ایله
 تسعید عید فطرده مبارت قلندی افندم

قره حصارده سلطان دیوانی درگاه شریفی پوست نشینی
 سیادتلو جلال الدین افندییه

بالسلامه قره حصاره موصلت اولندیغنی متضمن ۲۰ ایلول سنه
 ۳۱۲ تاریخى شقه شریفه لری، صور صافیة اخلاصه مرأت اولمسیله
 صفحه سنه نظر ایدلرکه اثنیة جمیله لری تذکار قلندیغندن بیان
 محظوظیت و استقرار مودت سیاقنده ترقیم جوابنامه خالصیه
 مسادرت اولندی افندم

رجانامه

انقره نك سنغورلى قضاسى قائمقاملغندن بنگازى سنجاغى

داخلنده مرج قائمقاملغنه تحویل مأموریت ایدن عزتلو سعید غالب
افندی حقنده خشنودی بی مشعر و ابقای نیازی نه دائر سنغورلی
مأمورین و اهالیسی طرفلرندن کوندربلان مضبوطه و محضر ایله
کندیسی جانبدن بعض افاده و استرحای حاوی ویریلان مذکره
۱۲ اغستوس سنه ۳۱۱ تاریخ و یوزسکسان اتی نومرولی عریضه
بندکانه مله داخلیه نظارت جلیله سنه تقدیم قلندی شو معروضاتک
بشقه جه مطالعه بیورلمسینی رجا ایدرم سعید غالب افدینک متوفی
پدری دیار بکرده شافعیلر مفتیسی دیمکله معروف علما و عرفان
برذات ایدی . صحبتی لطیف اولدیغندن یکرمی بش سنه مقدم مسند
صدارتده بولنان افاحم و اعظم دولتک محافلده فائز عز و قبول
وحائز التفات کرم شمول اولمش و بهشت نشین پاشا مرحومک
دخی التفات و لطفی کورمشدر . مخدومی مومی الیه ایله موجود
الفت مستمندانه سلاسل سنین و امتثال مسلتک محسنین ایله آراسته
و شاعر و منشی بولمنسی حسیله ده کندوس بزم انستیه شایسته
اولدیغنه مبنی اولجه دیار بکردن در سعادته اضطراری اوله رق
اعزامی و شمدیده (مرج البحرین یلتقیان بینهما برزخ لایبغیان)
کردابنده مرج قضای ظهور ایتمکله برمتاثرک قاییده محسوس
اضطراب و آلامی تعدیل حال و ملال مستدعی ایچون شفاعت و شفقت
با بنده علو عنایت جناب مستشاریلرینی استجلابه وسیله اولور ملا-
حظه سی بو ورقاره اختصاصکارینک تقدیمی ایجاب ایتدیردی
فرق عاجزیده بقای توجهات اصدقوا زیدری اقدام امل بولمغله
اولبابده .

(ارضروم والیٰ اسبقی ناظم پاشایه)

مرکز ولایتده وقوعه کلان حرکات ارضیه اختلاجات قلبیه
کبی بوراده دخی جمله تاثیر ایتدی . شو وقوعاته دائر متوالیاً
تلفرافنامه عطفیلری آلدیقه ضمنتده کی خبر عافیت ، مخلصیلریه
خویشان خیر اندیشان ایچون موجب تسلیت اولمقده ایدی . اخیراً
ارسال بیوریلان تحریرات علیه لرنده مخدوم نخبات موسومت
سرداده بالین بیماری اولدینی اشعار و اوردی چوق کچمکسزین
سر و شان بهشته التحاقی استخبار قلمسیله شو خبر اودا واقربایی
داغدار ایتدی . وقتیله نیم باشمه کان بومثللو کدر لر ذات والالره
یتده اصابت ایلدیکنه جداً متأسف اولدق جناب حق صبر واجره
موفق بیورسون اسامی ولایات متعدد ایکن ارض لفظیله بدأ اولنان
یا لکیز ارضرومدر ارضده حرکت افریش عالمدن بری قدیم بر
عادت حکمت آیت اولدینی جهتله بودفعه ینه او آثاری اظهار ایلدی
امور معاف حقنده ارسال بیوریلان مضبطه ترویج اولنه جقدر تسویه
طرق ماده سنه دائر تصورات کار اکاهیلری دخی موافق حال
و مصلحت اولدیغندن انشاءالله تعالی موفقیت رونما اولور استدامه
موالات اقدم ارزو اولمنه مبنی ترقیم حوابنامه عاجزیه ابتدار
قلمشدر اولباید

(انقره دن صدر اسبق سمید پاشایه تلفرافنامه)

جناب حق و فیاض مطلق ولی نعمت بیمنتزم پادشاهمز افندمن

حضرتلری الهامات و تأییدات غیبیه ایله موفق بیورمش اولدیغندن
 خاتم وکالت کبرا، بشنچی دفعه اوله رق ید اقتدار خدیو
 اعظمیلرنده بنان آرا اولمشدر. حمد الله الملك الوهاب، هرانکشت قدرت
 نمود داور افخمیلری بوخاتم مکرمدن فیض بی حساب، اکتساب
 ایلدیکی جهته عقود مشکله مهام دولت، دست حکمت پیوست
 خداوندیلرنده قرین انحلال اوله جنی رهین مرتبه بدهت و اشبو
 توجیه وجیه عالی کرامت و ملهمیته بر اشارت ایدوکنندن ادعیه
 واجب التادیة ازدیاد عمر و شکوه حضرت شهریاریه تردیفاً درود
 اجابت اندود جناب وکالتپناهیلری ار سرنو زیور زبان عبیدانهم
 اولدینی معروضدر .
 فی ۲۸ مایس سنه ۳۱۱

قبریس نای عطاءالله افندییه

ترفیع پایه فاضلانهرینه دلالت ثنایردن طولانی بیان
 ممنونیتی و تجدید مودتی شامل تحریرات بهیلهری واصل موقع
 اعزاز اولدی. اشعار بیورلدینی اوزره سیواسده ایکن بلادخسه
 مولوتی کیفیتیه وهله تخطر ایدیهمدی ايسهده اولوقت دخی خیر
 جوی کریمانهلری اولدیغکم خاطر فاضلانهرندن حیقعامش اولسی
 شیمه قدردانیده مزیت و فضیلت ذاتیهیه برهان دیگر اولدیغندن
 ثنای جمیل حقوقپروریلری تمکراریله ترقیم چوابنامه مخلصیه
 ابتدار قلندی اولبايده .

محوى افندى حضرت تلرينه

نادى، انبساط، بادی، ملاقات و مصاحبت، مبداء مودت، اولمق اوزره ذات مرشدانه لرینه اعماق قلبده مستراخلاص ایجابجه یادداشت منزله سنده تذکر و تحظر معتاد اولدینی حالدده ارمه صره نیمیقه شریفه لری بالورود، مخلص لرینی مواظب درود اینلکده بولندینی کبی کچنلرده لیلله برات رحمت آیات وسیله سیله الزان نامه دلنواز، واصل انمله، اعزاز اولمسیله بوندن متولد مسرتک اتیاسنه عید سعید فطرك تهنیتی زمین مساعد کورندیکندن محامد جمیله لری تذکار و ترقیم جوابنامه خالصیه ابتدار قلندی قلندی.

طرابلس غرب استقیناف رئیس راشد بلک افندی به

مأموراً او حوالیه کان ذوات ایله طرف والالرینه ابلاغ ایدی لان سلام، کلام استعلام مستلزم ممنونیت و شو صورت بادی تأکید مخالفت اولدیغنه دائر ۳ مارت سنه ۳۲۰ تاریخلی نیمیقه بهیه لری واصل و مال مخادنت اشمالک مطالعه سندن محظوظیت حاصل اولدی. بر وقت بلده سیواس، نشیمن استیناس اولدینی صروده کذران ایدن ایام، میانه ده مؤسس مودت اعتباریله اتحساف سلام وارداف پیام امرنده ایکی جهته ده بر وظیفه انسانیتکاری تحمیل ایلجه جکی بی اشتباه بولندیغندن ثنای جیلاری تذکار و ترقیم جوابنامه خالصیه ابتدار قلندی افندم

یلدیز ایللی قائمقامی رفعتلو عثمان بکه

موقع مأموریتہ حصول حسن وصولی شامل نیمیۃ مخالفتکـ
 ریلریلہ ملفوفی نشیدہ بالورود ایکسنگ مطالعہ سندن بشقہ بشقہ
 ممنونیت حاصل اولدی. کبوترنامہ، نظم ونثر ایلہ جناحینہ مالک اولنجه
 نسر طائر کبی اوج اعلاده بسط پر وبال وصریر وصفیری کوش
 هوشی اشغال ایدر. اهلیت نجیبانه لری جهتینی جامع بولن سندن طولانی
 آثار قلمیه لرنده مندیج معانی، او اقتدارک برهانی اولسیله بتوفیقہ
 تعالی تزاید و رفعتلری دعاسی تذکار و بیان محظوظیت و ابراز مودت
 سیاقده ترقیم جوابنامه یه ابتدار قلندی

آیدینده جزا محکمه سی رئیس ی عززتلو صائب افندی یه

ارسال اولنان مودتنامه لرله تجدید و تأیید ایدیلن مخالفت
 آثار ی بادی محظوظیت اولدی. خاندانمزه اختصاص بهیه لری
 قدیم وقویم اولدیغندن کثرت اشتغال حسیله مکتوب کوندره -
 مامکلمکم او نسبتی تغیر ایده من. مخادنت ینه باقی و مترقیدر. کلام
 قدیم بختنه کلنجه موروث پدر و خطوط نفیسه سینه نظرله نادر الامثال
 دینیلجک صورتده پرزیب و زیور آلتی قطعه مصاحف شریفه
 موجود اولسیله سزده کی مصحف شریف دخی آلمق حق الانصاف

موافق حال دکلدر. ایادی، تعظیممزدہ بونلری تلاوت و امید مغفرت و رحمت ایدہلم. تأمین معیشت و تہوین فحرت بر مشغولیت و خدمت بولمغہ وابستہ اولہرق شو جهت ایضاح ایدیورسہ ولایت جلیلہیہ صورت مخصوصہدہ اشعار ورجا اولنور اقدم.

جتاجہ متصرفیت علیہسنہ

محصولات صیدیہ عطوفیلرندن چوالاق ارسال قلندیغہ دائر تحریرات والالری رسیدہ دست انجال اولدی. مخاص قدملریدہ ہوسکار صیدوشکار ایسہمدہ بوکا زمان وامکان وحتی بدنا دخی تابوتوان اولدیغندن شوہدیہ علیہلرینی تماشا ایلد او ارزوی اجرا ایلدمدیہرک خیالاً مسرات حاصل اولدی. کچن سنہ دخی بویاہ برائر خاطر سازی ایلہ حقوق قدیمہیہ مراعات بیورلش اولسی تخطر قلنسی اوزرینہ محامد علیہلری تذکار و بیان تشکر ضمنندہ جوابنامہ خالصی ترقیمنہ ابتدار قلندی اولیابدہ

(جوابنامہ)

روابط و داد شعارینک تقویہسنہ دائر ۱۹ کانون اولسنہ ۳۱۲ تاریخلی تحریرات سعادتلری بالوصول مطالعہسندن ممنونیت حصول بولدی. ذات بہیہلری قدرشناس اولدقلری جہتلہ الفت خالصہی حسن محافظہیہ وسیلہ ارادقلری کبی ثناورلریدہ کثرت مشاغل حائل اولمسہ موالاتنامہ والالرینہ دہا اول جواب یازمغہ زمان

وامكان بولور ايدم. هر نه ايسه مقصد مشترك فقط معامله جه نظر
واثر متفاوت قالديني بي شك ايدو كندن اذ كار جيله سعادتلري
تذكار وترقيم نيمه خالصيه ابتدار قلندي اولبايده

نابلس متصرفي احمد جودت پاشا حضرتلرينه

كچنده برقطعه تحريرات والالري دست اعزازده رسیده اوله رق
خلاصه مالي، موالات ايله مالي اولديغندن سابقه آشنائي ياد و ذكر
جميل قدر دانيلري تعداد ايدملك طريقيه اكتساب محظوظيت
قالنمشدر. كثر مشاغل، طرفينه ابراز مآثر مودت خصوصنده
حائل اولسه بيله معارفه خالصه نك تحطري تقويه مناسباته بادي
اولق طبيعي ايدو كندن دعای حسن موفقيت سعادتلري تذكاريله
ترقيم جوابنامه خالصيه ابتدار قلندي اولبايده

ديار بكرده شوراي دولت اعضاسندن سامي افندي

حضرتلرينه

حقوق خالصه وثوق راسته ايله پيراسته اولنجه طرفين بي ريب
ورين يكديكيريني ياد و تذكره وارده صره تعاطي محتررات خصوصي
دخي لازمه مودتن اولق اوزره تصور ايدر؛ در سعادتن عزيمت
عليه عطفيلرندن صكره اكر چه تحريرات كريمه لريني اله مامش
ايسه مده نويد خير بديد عافيت كريمه لريني المقدن خالي قلمامش

اولديغ جيتله مکتوب ارسالنه کثرت مشاغل حائل اولديغني بيلمکه
برابر موفقیت قدر داینلری دعاسیده اداو ایفا قلنمقده ایدی. بو کره
۲۵ شوال سنه ۳۱۲ تاریخی تحریرات عطوفیلری اتمله ارای ابحال
ومطالعه معانی خاطر نوازیسی مورث سرور بال اولدیغندن اثنیه
سینه لرینی ازسرنو تذکار ایلدم. متن متین تحریرات علیه لرنده
نقش وتصویر بیورلدینی اوزره امتداد مفارقت مخلصلرنجه ده
تأثیری موجب اولوب ان شاءالله تعالی حسن معاودت عطوفیلریله
ملاقات وطرح انجمن موالات اولنور. دوام توجه ووداد قضیه سنده
مکانت و همت گرمیلری مسلم ومصدق بولمغله اولیابده

معمورة العزیز ولایت جلیلہ سنہ

راسمه استقبالی اجرا ولازمه تشیعیده ایفا ایلمش اولان بو
شناخوان قدیم، اثنای وداعده حقوق قدیمه اقتضاسنجه نوازشنامه
دواتلرینک دریغ اولمیه جفی اعتمادیه دوام موالات خصوصنده
تمنی عظیم ایتمشیدم. اولیه بر رجاء الفت دیرینه نظرآ عاجزلرنجه
بجا ایسه ده برید حسن قبول، نوید وصول ایله هنوز تطیب بال
ایتمدیکندن وظیفه نظیفه احترامیه ده بلکه بلنمیه رک برقصور واقع
اولدیده طرف باهر الشرف اصفانه لرندن تحریرات التفات آیاته
نائل اوله مدم فکر وذهابی ذهن بندکانه مک باعث یجتابی اولمقد
نناشی شو ورقپاره حضور عالی داوریلرینه کبوتر واری اطاره
قلندی اولیابده ۸ نیسان سنه ۳۱۱

جوابنامه

فضیلتو اقدام

تبریکنامه کریمانه‌ری واصل ید اعزاز و مال خاطر فری مدرکه
پیرای محب مخالفت پرداز اولدی. حق ثنا کاریده ابراز اولسان
مأثر و دادیه و محبت فؤادیه‌ری شایان شکران اولدیغندن دعای
موفقیت فضالانه‌ری نقش تحیفه بال ایلدم. اهل بصیرته نهفه
دکدرکه انسان هر نه رتبه نازل امانی و آمل و مرغ مرهم قوت
پرداخته بال اقبال اولسه جولانکاهی اوج فساد و محصول عمر
غادر. بناء علیه قطع مراتب معنویه و تحصیل رواتب اخرویه مصلوب
هوشمندان عرفان اولدیغی جهته بویولده توفیق تامه مظهریت
ایچون دعوات خیریه‌ری رجا اولنور. وان شالله تعالی بعدازین
دخی روضه رضای طرفین جویبار مداد و دادایله سروسبزوریان
قلنور اولبایده همت اقدامکدر .

چور و مده جامع کبیر خطیبی محمد عارف افندییه

سنغورلی اعشار احاله مأموریتلی بالاکمال چور و مده معاودت
قلندیغی و مخالفت قلیه لرینک دوامی متضمن ۱۷ ایلول سنه ۳۱۰
تاریخی نیه‌ری وصول و مطالعه‌سندن محظوظیت حصول بولدی.
یوزغادده رمضان مغفرت نشانده الحان ریحان فوائج ایله تلاوت
اولسان قرآن عظیمک تأثیرات روح افزایی حالا اهتراز انداز

نهانخانه قلب و بو حلاوت معنویه موجب جلب کورلمسیله بمنه تعالی
 سنه آتیه رمضان شریفنده انقریه عزیمت ایللری ارزو کرده
 خلصی اولمقده در . اووقته عافیت و سعادتله ایریشلنجه ینه طرفکزه
 اشعار و اخطار اولنور شمذیلک بیان منونیت ضمنتده ترقیم جوابنامه
 ابتدار ایلدم .

(جوابنامه)

بودروم موقوفینک اثر اعمالاتی اولق اوزره کوندریلان بر
 صندوقه واصل اولدی . عامللرینک حالی تصور قلندجه هر نقشی
 موجب عبرت کوروندیکندن تماشایی غریب کلدی . مع مافیه دنیا
 بر توقیفخانه و ایچنده بولمانلرک سعی و کوششی توقفه بهانه اولمسیله
 مسجون و منونی فرق و تمیز ایتک آسان دکدر اقدم .

بر مکتوب

۷ شعبان سنه ۳۱۲ تاریخی مشترک شقه کزی اخذ و مطالعه
 ایلدم . پدر محترمکز بر ادرمک ارتحالی قلمک مستلزم ملالی اولدی
 کندوسی اسمی کبی نظیف سرینه مظهر بر جوهر ایدی . جناب
 حق ، خزینه رحمتده انوار تجلیات ذاتیه سنه مستغرق و بزلریده طول
 عمر احسانیه با کمال عافیت رضای الهیسنی تحصیله موفق بیورسون
 مرحوم ایله میانده اولان اخوت قدیمه ایجابجه سز لک حصول
 سعادتنی آرزو ایلده حکم طبعی اولدیغندن طرفکزدن دخی دوام
 مودت منتظر بولمغله ترقیم رقیمه جوابیه ابتدار قلندی .

تلفراف

ج پاك اعتقاد مؤمنان صائم و محراب مناجاتده قائم اولمشلر
ایدی. رحمت الهیه ظهور و باران نزولیه قلوب زراع اهالی کسب
سرور ایتمش اولمشدن طولانی ثناورلریده مسرور اولدم جناب اللهه
شکر ایتدم .

بر مکتوب

نائیل اولدیغم عاطفت جناب پادشاهیدن طولانی تهنیتی حاوی
۱۸ تموز سنه ۳۱۰ تاریخلی تحریرات و ملفوفی بولسان منظومه
نکات آیات بهیهلری مطالعه اولندی. خیابان طبع نجیب و زیهکزدن
بر خاسته شو کلدسته نوبسته بهارستان مخالفت بر گذاری دیمک
اولمسیله قبوله شایسته اولدیغندن پک زیاده محظوظیتی استلزام ایتمسه
مبنی ثنای جیملاری تکرار قلنه رق تمیق نعیقه ستایشوری به منابر
اولندی .

بیرونده قدسلی استریادی افندی به

عزتلو محب قدیمز افندی

تبریک رتبه ثنآوری به دائر تاریخلی تحریرات مخصوصه لری
رسیده دست مودت و مستلزم کمال ممنونیت اولدی. میانده اساسگیر

استقرار و هر بار آثاری نمودار اولان و داد صفوت اعتیادك شیو
 وسیله ایله دخی ابرازینه رغبت خاطر شکاریلری شیمه قدرشناسییه
 دلیل و سزاوار ذکر جمیل اولدیغندن ائنه بهیلهری یاد ایدلمشدر .
 درعلیه عودت شاورى طرزوندن اولیوب سیواس ولایتدن
 ایدی سزیده قدس شریفده بیلور ایدم . اخیراً بیروته عزیمت
 ایتدکلی تلغرافدن استیباط قلندی . قدس شریفده مأنوس صدای
 ناقوس ایکن بیروت کبی آهنگ و هواسی هپ ذوق و شوقه دائر بر
 جای فرخنده عزیمت . تأمل تا اهلین و یا خود بونك حصولنه توسلدن
 عبارت اولق لازم کله جگنی زمین نوین لطیفه کاریده بیان ایدرم
 مجرد تأکید بنیان مودت و استبقای مخالفت سیاقنده تمیق نمیه
 جوابیه مبادرت اولمشدر اقدام .

آیدین متصرفی راغب پاشا حاضر تدرینه

حقوق قدیمه نك تجدید و تأکیدنی شامل ائمه البحاله واصل
 اولان ۱۵ مایس سنه ۳۱۱ تاریخی تحریرات علیهلری مطالعه سندن
 سرور موفور حاصل ایلده . گویا که گذران ایدن سنین پیشگاه
 نگاهده بر مرآت صفا جوهر اولدیده صور کونا کون چشم عبرت
 بینی تزیین ایلدی دیه بیلورم ؛ حتی ذات والاری انقره ولایتی اوقاف
 محاسبه جیلکننده ایکن ترفیعاً تحویل مأموریت ایچون یتش سکیز
 تاریخنده پدرم مرحومه « ظلمتخانه عالمك الك قره یری اولان
 انقره ده قالمقلمعه همت بهمتای داوریلری قائل اولمز » زمیننده
 کوندرمش اولدقلى رجنامه نی بو مخلصلری تسوید ایتش اولدیغندن

ایسته او زمانی تخطر والیوم شناورلری انقرده یواندیغمه تشکر
ایلدیم. زیرا بوملکک ظلمک ان قره یری دکل صبیح نورانی کبی
بیاض الوجه برشهر شهیر اولدیغی کوردیم. هر نه ایسه مقصد محبت
سوزی اوزاتمقدن عبارتدر. ارسالی اشعار بیوریلان شالیدن اوتوز
آرشون کوندرلدی. رنگارنگ موسمه موافق دوشمسی املیه اوتوز
آرشون بیکیه تقسیم ایدلدی پوستهیه تسلیماً اللان بیاتی لفاً تسیر
قلمشدر. وصولک وحسن قبولک ازبار ومحبت فوادیه ایه
مخلصلرینک منتدار بیورلمسی بابنده امر واراده.

(برمکیتوب)

سللاطین عظام عثمانیه دن جتیمکان سلطان محمد خان رابع
حضر تلرینک خط دستلریله محرر طغرای غرا، انفس آثار
متبرکدن اولدیغمه مبنی فوطوغراف واسطه سیله استحصال ایدیلان
قوییه سمندن برعدینی پوستهیه تودیمه ذات عالی قدر دانیلرینه رفیع
واهدا ایدیورم. فاتح بغداد سلطان فردوس آشیان حضر تلرینک
بغداده عزیمتلی ائساننده قونیه دن باورور صدرالدین قوی قدس
سرده العالی حضر تلرینک درگاه شریفلرنده شیخ اکبر قدس
سرده الاطهر حضر تلرینک محفوظ صندوقه احترام اولان خرقة
معادتلری یاقه منی تیناً بالاخذ مقابلنده ترک وتبرک بیوردقلری
سجاده که محرابنده کعبه الله العلیا منقوش وبوجهلنده مالشکاه جباه
سروشدر. ایسته شو سجاده اول حارس باغ داد اولان
شهریار قدسی شعارک راه مولاده جبهه سا اولدینی بر محراب
نورانی دیمک اولیور. بونکده فوطوغرافله لطفاً رسمی

آلديريله رق جانب بئدكانه مه احسان بيورلمسنى رجا ايدرم
 انجق فوطوغراف، برشكل اتخاف ايدم بيلوب الوان معين اولميه جغه
 نظراً سجادەنك نقوشى قننى رنككاري حاوى ايسه آانه جق
 فوطوغرافك اوراده بولان مأمورين فنيه دن بر ذات واسطه سيله
 سولى بوي ايله تلوين واصلنه مهما امكن موافق صورتده ارايه
 وتزين اولنمى اخص املدن اولمى سيله ايجاب ايدنلره امر مخصوص
 ويرلمى بفای توجهات عليه ولايت پناهيلرى تمنياتيه ذريعه اتخاذا
 ايدرك جواب عنايت مائيه ده منتظر اولم جغمك عرض وبياننه
 ابتدار ايلرم اولم ايدم

اماسيه متصرفيت بهيه سته

اماسيه تحريرات قلمى كته سندن اولوب كچمده درس عاده
 عزيمت و بوكره شمند و فرطريقه انقريه بالورود اولم فرفه عودت
 ايدن نجيب اقدى زيارت ايچون نزد مخلصيه كلد كنده كند و سنك
 ضرورت حالى ذاتاً معلوم اولديغندن تعيىنجه سؤال ايشيدم. مخصص
 معاشندن يوز او توز غروشنك قطع اولنديغنى رقتله سويلدى.
 سيواس ولايتى واليك كنده ايكن دوراً اماسيه كيدل كجه اقدى
 مومى اليك يازى ايشلر نده غيرت و اقدامنى كورر ايدم. شمدي
 شو صورتله تنقيص معاش، ترايد مضائقه سته نادى بر معامله دلخراش
 اولمق طبيعى ايد و كندن بونك شايد اعاده سى قابل دكل ايسه ديكر
 وجهله ترفيى خصوصنه مصروفى همم والارينى بالخاصه تمنى ايدر
 و بووسيله ايله تايد رابطه مودته مابرت ايلرم اولم ايدم

ردوسده استیناف جزا رئیس فضايلو ابراهيم

نجيب بك افندی یه

مظهر اولديغ عاطفت سنیه جناب پادشاهینک تبریکنی متضمن
۱ آغستوس ۳۱۰ تاریخنی و دادنامه فاضلانهری رسیدۀ دست
اعزاز اولدی. شو وسیله ایلده ابراز مآثر وفاکاری یه واقع اولان
همت استلزامن و مسرت اتمکله ثنای جمیل قدردانیلری یادوتد کار
قلندی. ذات بهیه لرینه مخصوص اولمق اوزره مخلصارنجیه سويدای دله
پیدا حب درون مخالفت نمون، حقیقت وجدیته مقرون ایدوکنندن
بونک طرف والالرندن دخی متقابلاً دوامی اخص امل اولدیغنی
بیانه ابتدار ایلدم اولبابده.

چوروم جزا رئیس عبداللطیف افندی یه

وارد اولان ۲۱ آغستوس سنه تاریخنی تحریرات بهیهلری
مطالعه اولندی. سندس ناموس وعفت، کران قیمت برعصیه غیبیه

اولديغندن جوهر جان کي بونک حسن محافظه سی الزم واکاتعرض
 ایدن ارباب تزویر حقارنده اصوله موافق مدافعه هر شیدن اقدم
 اولغله ذات شریفکیزی شوامر مهمده ثابتقدم بولدیغ ایچون محظوظ
 اولدم. امور مأموره لرنده بر قاتدها صرف مساعی وغیرتله ابراز اثار
 کاردانی یه همت ایملری سیاقنده .

محکمه تمیز جزا د اتر دسی میز لرندن فضیلتلو فهم افندی یه

معیت شناوری یه مأمور... افندی نک بر رتبه ایله تلطیفی اسباب نک
 استکماله دائر ۱۵ نیشان سنه ۳۱۱ تاریخلو تحریرات بهیملری
 وارد موقع اعزاز اولدی. افندی مومی الهک بورابه ورودنده
 دخی تحت حمایتده بولندیرلمسی توصیه ایدلمش و کندوسی اقرانی
 ارسنده ادیب و ذکی کورلمش اولمسایله حقنده معامله جمیله
 کوسرلمکده در . قالدیکه مکتب ملکیه شاهانه دن مأذون بولنوبده
 ولایت معیتده مأمور دها بش التی افندی موجود اوله رق بعضلریده
 ایکی اوچ سنه دنبرو استخدا م قلم مقده ایکن هنوز رتبه یه نائل
 اوله مامش لدر افندی نک فطانت ذاتیه سی ان شاه تعالی سایه
 حضرت شهریاریده کندیس نک ترقیسنه شاهراه کشاد ایدر . انجق
 بروجه مشروح دیکر قدملی رفقایسی رتبه ایله کامیاب اوله بیلیمک
 استعدادینی حاصل ایده مامش لری ایکن ایستیلان انها بالضروره تحویر

واسمرا قلعه میه جغندن اعتذاره وشو وسیله ایله ده مزاج الجلاجی
اختلاج (۱) والالرینی نطع مودتده استفساره ابتدار ایله افندمه.

احبادن برینه یازلمشدر

کور مکده اولدیغمز دنیامی؛ رؤیامی؛ عجیبا توایکیدن هانکیسنده
کوردکاریمزه اینانقی لازم کایر. اوت دنیاده یز کاه متع وکاه متألم
بولندیغمز آ کاهر. بوجهت فعلاً، ماده ثابتدر. انواع اطعمه نی اکل
ونقاب وثیاب ایله تبدیل شکل اییدیورز. بناء علیه دنیاده یز.
یوقسه بونلر ظندن عبارتیدر. خایر حال یالکیز ظنون دائره سنه
انحصار ایله ترتیب اشکال ایتیور. دنیاده یز که معرکه یه کیردک،
دشمنلرله مخاصمه ده معروض سیف و سنان واعضاء بدنن بعضیسنک
قطع وجرح قلندیغنی کور مکله کریانز. اگرچه رؤیاده دخی عین
مشاهدات منظور چشم حسیات ایسه ده اویقودن بیدار اولوب
اجزای وجودده فقدان ونقصان بونینجه بالطبع شادمانز. اوله
ایسه تمایل منام غیر صحیح و یقظه ده مشهود حالات واضح و صریح
بولندیغنه قرار ویره. لیکن شوق قرارک اعطاسی اویقودن اویاندقدن
صکیره ممکن اوله بیله جکنه نظراً خواب متمد اولسه کرک تنع و کرک
تألم بر دوام اوله جغندن دنیا و رؤیا وقوعاتی قلبه تأثیرده یکسن
صایلمق ایجاب ایدر.

اویقوچوق امتداد ایتمز اعتراضی درمیان اولندقدن بوکا جواباً

(۱) صاحب مکتوبله ارد صره سنطرنج اویون ایله وقت کچیردکاری
جهتله آکا تلمیجاً یازلمشدر.

دخی آتی آی ودها زیاده مدت اویقوده قالمق خسته لغنی چکنلر
اولدیغندن اورویا اطباسی شودرد حقنده تدقیقات اجراسیله بر
دوا کشفنه اوغراشدقلری روایت اولنیور. شمدی دنیاده ورؤیاده
کوردرکاریمزدن هانکیسنه اینانیدیغمزك تحقیق وتعمیقنه کیرلم: دنیاده
چوق شی مشهودیمز وچوق شی مسموعمز اولور اما مشهودات
ومسموعاتدن بعضسینی نفس الامرہ موافق عدد وبعضسینی ایچون
محتیجه تردد اظهاریله راه قبولی سدایلدیگمز هزاربار واقع اولوب
مثلا مرئیات مسئله سنده یوق یوق او بشقه برشی اولمی بن بویله
زغم ایدیورم واشتیدیگمز لقردیلرک برقسمنده سنک سویلدیگینی
یا کلاش بولیورم زمینده مدافعه ورد طریق ملتزمز ایکن مسیره
منامده نه کورمش نه اشیتمش اولسقی متردد وقبوانسده متعبد
اولقسزین رؤیت واستماع قلنان شیئه بلا اعتراض اطمینان حاصل
ایتمکدن نفسمزی آله میورز. ایشته دنیا ایله رؤیا آراسنده اذعان
واتقان جهتلرنجه فرق عظیم عیاندر. معترض دیه جک که رؤیاده محاکمه
ذهنیه ناقابل بولمقله مشاهداته اینانیلیور. بن بواعتراضه قارشیی
رائینک عقل وفکری اولمازسه کوردیکی ایشندیگینی فهم وادراک
ایلیه مزدی سمع وبصره روحدن افاضه ایدیلان قوه معنویه رائییه
عقل وفکر مجرالیله دستاویز تمیز بخش ایتدیگندن کوروب
طویدیغنه بوبودر حکمنی ویریور بی شعور اولسه ایدی کوردیکی
ایشندیگینی درک وتعریف ایده مزدی شو حالردن استدلال اولندیغنه
کوره روح تصرفاتی قسماً عناصره تودیع ایلدیگجه انسانده اشتباهات
موجود فقط روح دنیا تعلقاتنک ثقلندن بالاسجرد عالم مثاله تصاعد
ایتدکده فعالیت دها زیاده کندیسنده قالمقله آنک مقبول ومعقول

بولدیغی شیلری معاینه چینده تعلیل کیفیتی بی آدمده مفقوددر ؛
 بالاده افاده قلنان صورتلردن بری دنیا بریده رؤیا اولمق اوزرد
 تعریف ایدلمشسیدی . دنیا احوالنده شکوک و ظنون رونما ورؤیا
 تمثالنده لوح طمانیت هویدا اولدیغندن آواره انسان ایکی خواب
 کران میساننده سرگردان اولوب طورییور . حتی او یانق بولندیغی
 وقتده چکدیککی عذاب و صعوبات کافی دکل ایش کی استراحت
 مقصدیله دنیاسندن کوز یومدیغی صیرهده ینه عقاب عقوبات پنجه سینه
 دوشه رک مضطرب اولیور زمان امان و یرمه دیکی دملرده رؤیاسنده
 ارتیاح و انشراح حصولیله تسلیت بولیور او یله ایسه ترجیح نوم
 مستوجب لوم اوله ماز . مشکلات اشکال رؤیا هون شرومن جهته «فرحت
 آور نوع بشر در» تمایل حوادث دوش کی چکمکده ای غافل - جهندن
 کوزیومار آخر کرک انسان کرک جنی - جهان خواب و خیال حسن
 تعبیر ایش یوسف - آرانی اَعَصِرْ خَيْرًا نَقَالَ الْآخِرُ اِنِّی .. آیت
 قرآنیهدن اقتباساً انشاد ایلدیکم شوقطعه نک لسان بیانی ناطق اولدیغی
 وجهله شئون کردون شعله جواله مثللو نمودی بود دائره سنده
 برده پوش عیون و بالجله احوال تقلباته مقرون و احکام تجلیات
 داخل مراخل «کل امر بوقته مرهون» بولندیغی ادراک و عجز
 بشری اعتراف ایله جهته عبودیتی سجده برخاک ایدنلر دنیا عین
 رؤیا و کافه ظهورات تمثلات اوهام و خولیا اولدیغنه وجداناً قائل
 واشبو اطمینانک تاثیر بدیعندن انظار اعتبارلرنده دنیانک هر شیش
 ظل زائلد . کهواره نشین طفل شیرنوش و مصطبه کزین مرد
 صاحب هوش رحم مادر دن کوزلی اوله رق عالمه وضع قدم ایتدیکی
 کوندبرو مرایای رؤیایه ناظر و صور کونا کون تماشاسیله نیت

و بد تفريقده متحیر و اويا نقلغنده دخی حال واستقبال ملاحظه سی
 قیودیله متفکر ومتأثر اولملریله سالف الذکر مناظر مختلفه دن مستولی
 کابوس مردم بر مرادی بیله مایوس ایدر. فقط (لمحرره) کوزی
 آچیقار کدر سیر بوستان - او یورسک خواب خرکوش اختیار
 ایت .. نه تکه اهنده دیده عبرتی باز و خدای بی انبازدن توفیق نیاز
 ایدن ارباب بصیرت دنیا رؤیادر ترانه سنه آغاز ایله روحنه ثقلت
 وقوت کتیرمه مکه چالیشیر. بزم عرفانک جام بدست رند مدا می
 جناب ملا جامی «کل ما فی الکنون وهم او خیال: او عکوس فی المرایا
 او ظلال: لاح فی ظل السوی شمس الهدی: لاتکن حیران
 فی تنه الضلال» قطعه باهر البراعه سیله احباب غفلته کوشمال کو سترمشدر.

(دیگری)

دنیا ده استردادی ناقابل اولان شیلرک بریسیده انفاس حیاتیه
 بشردر؛ کیدن کیدر بشقه نفس آنی تعقیب ایدر سده او کیدن
 کپرویه کلدی بونده عجیب حکمت وار بر شیدنی ویر مکسزین دیگرینی
 آلمق ممکن اوله میور. اشته دوره حیاتک آلیش ویریشی دیدیکم
 اصوله مربوطدر. بنابرین واردات و صرفیات مسئله سی مهم اولدینی
 تمیزه مقتدر ارباب عقل و درایت ایکی نفس بینسده رهین هبا
 اوله حق وقته دقت ایدرک و قمتک پک قیمتدار و جلب منفعت و دفع
 مضرت خصوصسده مدارکار بولندیغه قناعت کتیره جکی جهته
 فرصتی فوت اتمه مک ایچون امکان دائره سنده تدابیر اتخاذه لزومی
 دوشونور. بزم فکر بجه عقل فرصتی ایجاد ایله مستفید اولور عاقل

ظهوره کان فرصتدن نصیب آلور شو ایکیدن فائده مند اولیان
 غافل و مغبوندر . لیکن دنیا یه طوغدیغی زمان معلول کش برولد
 اسباب کامرانی بی تعقل و تأملدن فطره ابد بولندیغنه منی مبجتمز
 اولم اولره عائد و وارد اولدماز . یوقسه معتدل الاعضا و تام العقل
 اوله رق عالمه وضع قدم ایدن ابنای بشر تفریق خیر و شر اقتدارینه
 مالک اولنجه نافع و مضر احواله کوره حرکت کوستررده زمان
 زندکانینک برکات و درکاتی تطبیق ایله اشتغال و استحصال آمال
 ایلر . مع مافیه اسبابه توسل مانع توکل اولدیغنی شریعت اسلامییه
 بسط و تنبیه ایتشدرد . مدعی بر تشبیه ایله تصویر ایدلم اهل شکاره
 آشکاردرکه قوش چیمی تعبیر اولنور بر زمان اولوب ضیور او ایامده
 آلائی آلائی مرور ایدم جکندن آوجیلر بونلری طوتمقله تمتع
 قیدنده بولونیرلر هانکی جنسندن قوش کچه جک ایسه اونوعدن
 بسله دیکی طیوری کذرگاهه قفسلردروننده وضعله کله جک قوشلره
 انتظار و آلات و ادوات صیدیه بی احضار ایدرلر هوادن اوچوب
 کیدن قوشلرک سینی ایشیدن قفس نشین مرغ طیبیده بال همجنسینک
 آوازینه میال اولمقله اشلرینه اسماع صدای حزین و یاخود کندی
 لساننه موافق شیووده استمدادی معین اینن ایتسندن کچن قوشلر
 سور و سیله آلات صیدیه یه قونه رق طوتیلور . تمیله می اثبات صدندنه
 بو صنعتک مخترعنی عقل و کامل و بعد الاختراع ادوات مبحوثدن
 انتفاع ایدنلری عاقل و طوزاغه اوزاغه یا لکیز کوز کزدر مکله
 الی بوش قالا نلری مغبون و غافل صایه بیلیرز . حاصلی تجربه
 و تدیر عقلا نک امورنده تأثیر کوستر مکدن خالی اولمیوب آنجق
 آلائی ایله کچن بعض قوشلری نهسس ونده نزوله هوس طیراندن

توقیف ایتدیکی کی انسانک قدرتی یتدیکی ایشلره تصادف و تاسف قلند قجه عجز وضعف بشری ملاحظه و کار و افکار شخصیه سندہ یأس کتور میوب منافعنی کما کان محافظه ایتک واجباتند ر. مرغان لطیف الاحادن اقسام کثیره دامه دوشمه مک ایچون کلیشی کوزل آرزو هوا سنده لانه ساز مسیره و بر قسمیده گوشه گیر خشک خیابان جزیره اولدینی مشهود و جمیع شئونات مقتضای تقدیر رب معبود اولمسیله قدیم دبر و قوش طوتمق اوزره (اوکسه) یاپیلان ساقز آطه سنده اکثر دکان قوش کجیمی فصلندن حصه یاب فر او ان اولمش کورلدکده بر سر گذشتمی یاد ایلدم. زیرا اون بش سنه اول یوز غادده شعله پاش اولان نائرده اختلالی اطفایه مأمور آشدت سرما و جبال برف پیمای پرودتی چکدرک اورایه کیتدیکم صروده اطرافنی کویدن بعید یقیق بر دیوارک اوستندده ایکی بایقوش کوردن بن ایسه مرکز لواده متحدث اغتشاشی تسکینه عازم ایدم. مدار وجداری پراکنده و فرسوده بر محله آسوده بوملر قاناد کرییورلردی. کویا که نسر طائر سما یوق یوق اسمی معلوم و جسمی موهوم ها و یا خود تخیل اولنان کوده قافده پرکشا عنقا کی شبکه سیاددن مصون اولدق طوریورلردی. صور بوقلمون نمون کردونه متعجب قلدیغمدن آتیده کی قطعه یی سوبله مشیدم «ویران مکانی بوم طوتار خوش ضفاسی وار. معمور دنک بیلیر نیجه دام بلاسی وار. اوچاقده مقصدک قوش اول اما که بایقوش اول. عالمده قوشلرک دخی بای و کداسی وار». خلاصه کلام کثرت ایچنده آسایش حال و آرامش بال مطلوب مرتبه ده استکمال قلنه مدیغندن آزادده سر عربلر «بیت الراحه» «بیت المسکنه» «بیت الذله» تعریفاتیله

بر مسکن معیشت تصور ایتشیلردر . بیت الراحه آب و هوایی
 صاف و جید وادیلره مع عائله و بلاغائله دوه لرینی و اغمانی سورهرک
 کوچدکلی جای فرح فزاده رکزخیام و آرام و سربازانه اجرای
 مرام ایلدکلرندن کنایه اولوب « بیت المسکنه » اهالی قرانک
 مانند عنکبوت انشای بیوت ایتدکلی م واقعدرکه کویله فقر ایله
 محصور و ساکنلریده تکالیف متعدده حکومتله اکثر وقت بی حضوردر
 « بیت الذله » قصبات و شهور دیمک اوله رق متمکنلری میاننده مزین
 و ملون اماکن و منازلک اصحابی موجود ابلهده اولبلده قرارگاه
 حکومت اولمسندن و حرکات و سکنات انام لایعد قیود ایله محاط
 بولمسندن طولانی کرک طبقه اشراف و سائر صنعتله مألوف اصناف
 انواع تکالیف و تعنیف تحتنده هربار رنجوردر . ایشته کثرته
 راحت دشوار و حدیده انشراح روح بیدار اولغله قوش کجیمی
 ایامنی وسیله ایدرک منطق الطیر رموز اتندن بالاستعاره شو یازدیغ
 سطرلری اطاره ایلدم کبوتر نامه بزم موت خالصانهدر .

جهانده جوخ یشادوخ بیلمه دوك جهانده نه وار
 اولوم کلیدی کیدیدوك كورك اویانده نه وار

بر دهقان صاحب ایقانک تام ترك لسانی اوزره سویله مش
 اولدیغی بالاده کی بیت مغنیداردر . جهان کله می اگرچه فارسی
 ایسه ده لسانمزده کثرت استعمالی سببیله ترکیه یه کچمیشدر . سالف الذکر
 بیتده چوق یشادق دینیلور . لکن ابتدای خلقتده دنیایه کان
 انسانلر قدر شمدی یشامق میسر اوله مدیغنی کتب منزله اثبات
 ایدر . مثلاً حضرت نوح طقوز یوز سنه دن زیاده معمر اولمشدر .
 ام ماضیه نك اعوام کثیری ادراك ایتدکلریده نقل و حکایه اولونیور

اما شاعرك دعواى كې چوق يصادق تفاخرينه دليل مستحيلدر .
 مذكور بيتمه بيلمهك جهانده نه وار تركيبي نفس الاصره توافق
 ايدر . چونكه بازيجي كاهمز اولان جهانك هر جهتي كشف ومعينه
 ايدنش اولديغى كې ميقرولر و غازلرله بعض معدنيات و نباتاتك
 كشفيات و تحليلاتنه ده اليوم اوغراشيلور . حاصل الثبوتك جسمدن
 اك كوچوكنه وارنجيه دكين هنوز علممز محيط اولميان شيلر
 موجود اولديغنه نظراً كرنديكمز جهانده هنوز بيلمهديكمز اجسامى
 اوكرتمك دورنده يز . اجرام منيره فلكيه يي كوريورز ماهياتى
 بيلمهديكمز دن كوزومرك اوكنده حيرت رونموددر . برده بز
 نردن كادك نرده مكان طوتدق نرده كيمده جكمز آزاجق دوشونهلم
 معتقداته كوره عالم ارواحدن تراب اوسته افاضه اولندق تشكلمز
 طور اقدندر . آنجق عالم ارواحك احوالنه وقومز اولمقدن
 ماعدا آغوشنده يشاديغمز عالمك هر شينى آراشديرمقله آن بان
 مشغولز كيمده جكمز محل عاقبت عالم آخرت اوله جق بونكله دنيا مرك
 آردسندنه برزخ ناميله برير دهها خبر ويريلور اوده بر علمدر .
 شو مسروداته كوره درت نوع علمده دوران وسيران ايله مكلف
 بر مخلوق عد اولنه بيليرز . افسوس روحز مقدا كوروب بيلديكى
 علمى اونومش و ياخود روح واقف ايسه ده روحك خطابى ايشتمكه
 زده جان قولاعى طيقامش اولمسييله روحلى كلام طويقمكن
 اوليور . يشاديغمز جهانده خورد و خواب ومشى و شتاب و حرمان
 آمال وضعف حالدن اندوه بى حساب ايله اوقاتمز چيور كافه حيواناتك
 كذلك يمك ايچمك اوچوب يورومك خواهش و نمايشنده
 انسانلردن فرقى يوق اولنلرده يالئكيز حس وار بزلرده عقل وفكر

ایکی قاناد حکمنی آلدیغندن مد بصر مزك ایزشیدیکی یرلره خیالاً وصول ایله ذوقیاب اولورز . یوکسلمک طبیعتده انهمالك مرکز بولمسیله عصر حاضرده انسانلر اوجاق هوسندن طیاره لرینی بالاخترع قوشلری تعقیب ایدرجه سنه هوا پرستانه و شهرتگیرانه اوضاع طاقتدی . ترکه ده « اوجاق » جنه دیرلر . نهایت روحنك اوجانبه اوجه حق اولدیغنه اعتقادایله برابر دنیادن ایرملق ایسته مبورز . غالباً سسپی محو اوله جغز و همندن انبعث و دنیادن رحلتده عقاب برزخ و آخرتده عذاب دوزخ تفکراتی قلوبه خوف ایراث ایدیور . نه چاره دنیادن کوچك امر مقرر بولندیغنی حیاته مالك اولان اجناس مخلوقك پیشگاه نکاهمزده صورت زوال و انتقالی کوستریور زوال و انتقال بدیهی ایسه ده ارضك قوه جاذبه سی موجوداتی تره ایتیه چکی مقتضای حکمت اولمقله بعدالارتحال محو اولورز خولیوسی اوهام بی مألدر . موت حلولنده اجزای بدنمز عناصر قدیمه سنی ماوی اتخاذ ایدر . اجزا متفرق بولونیر بو تقدیرجه موجودیت مزه خلل کلیور . مهجوریت و مفارقت روحدن عبارت قالیر . دریغا مسیره عالم ارواح مستور و برزخ و عقبا عالمی غی منظور والحاله هذه تکاپوده اولدیغمز عالمده هزاران مجهولات پرده بند چشم شعور ایکن مبتلای نسیان در بدر انسان نه وجهله شادمان اولسون مدت حیاتیه تعمیر اجل کریبانکیر اولدیغنی تعقل ایتنکله دنیای سیر و تماشا یه مفتون ایسه کده جانخراش مسبوعات واقسمه کولات و مشروباتك جسمه یوکتمدیکی بار طاقت شکن و انواع رنج و محن اویقو دییار پوشیدمی اطباق احداثمه تحمیل ایلدیکنه ن باقائه طویه دیغمز و آلایشه طالب دیغمز دنیادن کوزلرمزی یوموپ برآز

استراحت باقلم دیورز . بو کرده عالم مثال نقوش نمای عین خیال
اولیور . باری مثال عالمده کوریلن هپ دلخواه موافق اولسه خایر
اوله دکل مشاهدات کاه خاطر نواز وکاه بیم اندازدر . غریب انسان
سرسری نظامنامه سنه تابع افراد پریشان مثابه سنده عالمدن عالمه آتیه رق
افتان وخیزان ولرزان وکریزان اولمقدن قور تلیور . مع ذلك دور
ایتدیکی عوالمک حقائقه عدم اطلاع دن ناشی متحیر قالیور . ظنمجه
روح انسانلری اولکی عالمه چکمک ایچون جان طاشیانلره کل یوم
تحفه نوم کتیره رک دنیادن اعراض لزومنی افهام ایتکده در .
دنیاده خلود نابود اولدیغنی لیل ونهار تعاقب آثار ایله فهم ایدن
طبقات ناس تغیرات ووسواس وترددات وهراس جدلکاهنده
یکدیگریله استیناس ایتمک ایسترلرده اسباب کونا کون کندیلرینه
راحت درون ویرمدیکی کوردکجه دنیاده متمد صفا وسکون
بوله مدقلرندن متأمل درلر . غبطه او مرد باریک بینه که تحولات قلبیه
آگاه ورازدان تجلیات جناب الهدر . بوقسم رجال واجب الایحال
تقلباتدن چندان متغیر ومتأثر اولمیورلر . صنوف سائریه نقل مقال
ایدلکده رشحات خواطر پیمانه پیمان فیکن قلبه متقاطر اولسندن
طولانی تأملات وتأملات اونلره تلخابه ریز ذائقه حیات اولمقده در .
قنب تشوشه دوشمه سنی زمان زندکافی مهما امکان فائز عن کامرانی
اوله بیله جک کبی کورینور . عجبا قلب بدن اعتدالی وحسن حالی
وقایه ایده میور « طول امل » « حرص وحدت » « فکر انتقام »
« ترتیب حباله حیل » منللو مزعجات ومؤثرات بنی آدمی پنجه
تغلبنه قویدیفندن انسانلر دم فرصته یرتیجی حیوانلر طبیعتی
طوته رق همجنسک محاسنه کتمکدن نفسنی آله میور . من الجملة

ثروتدار برینه حسد دن اونك النده کی سیم و زر حریصه بادی اغبرار
 و کدر اولنجه آغافل آدم بهوده الم حکمه شو کو ستر دیکم قصعه ده
 جوف ارض هپ فضا و ذهب معادن مملودر . سامان فرواننه
 دیده دوز اولدیغك صاحب ثروت طویراقلری دویرتدی کلیچه لر
 قازاندی سن دخی تیشه اندیشه ایله آلتون کومش معدنلرندن
 جوهر اخراجنه غیرت طریقنی التزام ایتملیسن نصیحتی ویراسه
 قبول تعبدن روکردان و منحصرأ اهل ثروتك مال مدخرینه
 نکران اولوب راحت قلبیه سنی اخلاص ایلك آکا دوره حیاته
 آچلمش بر مزار آزار فرض اولنزمی .

بنابرین عقول قاصره اصحابی مادام الحیات حرص و طمع ابوابی
 سائللرندن معدود اولغله هر بار کجکول بدست ذل و افتقاردر .
 غنای قلب ایله متحلی بولنالر حائز کنجینه مسار اولدقلرندن بی
 نوعنك خیر و حسناته متائل متولارینی کورمکه نشودمند رحیق
 حبور اولورلر . بالاده اشعار قلندی بی اوزره فکر انتقام موقع
 مرتفع اعتباریله صاحبنه اجرای مرام داعیه سنی ویرر . شو طبقه بی
 استیلا ایدن شخص جبار کندیسنی الی الابد قوی الاقدار قالدحق
 مزیتده زعم ایتدیکندن خلقت و صورتده بر برینك عینی بیکارجه
 آدمك اوزر لرینه غلیان غرضدن متحصل انفعاله قیلدرق سلاحه
 سارلمش قوتلرله بالهجوم اکثرینی خاک هلاکه سرر یازق یازق
 بهائمدر صحرا ده پلنك و دریاده خرچنك یکدیگر یله مصادمه کیرنجه
 انسانلر کی جمعیت عظیمه سوقیله جنس قیرمق تشبثنده بولنمور .
 اولیه ایسه اتلافاتده ائ غدار و خونخوار و مکار و تبهکار ابنای بشر
 اولدیغی ناقابل رد و انکاردر . امر و قهرده موقعنك قوته مغرور
 انسان غلبه غفلتله ضعف و عجز فطریسنی نسیان ایدرك قدراشلینی

اتلافدن ال چکمیدی مشاهده قلند قجه ضعفا انك جبر وقهرینه
 اوغراماق ایچون ظلال ظلمه التجادن غیرى جای رجا بوله مدینى
 صیرمه طاغری یردن آتمق قدر تنده کورینان او متقم ظالم
 خرده بین واسطه سیله آنجق رؤیى ممکن بر میقرو بک شدت صولتدن
 عدم آباده جزع وفزع چکه رك رحلت ایتسی موجب عبرت
 صایلمزى ؟. فلهدا همیشه علمده مشهود تمثال عجز و کمال قدرت
 اولمغه قادر مطلق حضرت رب متعال وانسان تعبیر اولنان مخلوق
 و دائماً عاجز و معروض زوالدر. حتی بر میقرو بک نیش زهر آلودینه
 مقاومت ایده مامسى ثبوت ناتوانی یه دالدر « خیر الکلام ماقل و دل »

مکتوب صورتیدر

آلام ایامدن مشتی پک زکی بر ذات ایله میانده الفت کرما کرم
 و قلبلر من متقابلاً انسیتده نرم ایدی. بخت اوروپا خلقنک علوم
 و فنون جدیده دن متحصل ترقیاتی مراحلنه واصل اولدی اوروپانک
 ثمرات معارفدن اقتطاف واجتنا و مکاتبتک اصلاحنه ده اعتنا ایتلی یز
 مع هذا مکتبلر مزده طلبه نك عقائده متعلق درسارینی دخی تکثیر
 و تقویه و دیانت و ملیتمز داره سنده بونلری تربیه ایلک اهم و الزمدر
 دیدم. معزز مخاطبم عقائد درساری اوقونمیور دکل لیکن دیدیککیز
 اینانمق مسئله سیدر کوچ اولان جهت دخی بودر جوابنده بولنمشیدی
 اساس اعتبار یله ماده غایت مهم و مدافعه متحتم اولمغه علی وجه الاختصار
 اجوبه آتیه نك در میاننه ابتدار ایلشدم.

شویله که مسئله ایکی یه انقسام ایدیور بریسی معتقدات دینییه
 دیکری امور دنیویه اولوب لساناً اقرار و قلباً تصدیق ایله مکلف

اولدیغیز وحدانیت الهمیه ورسالت نبویه وافعل واعمال مقابلنده
 مکافات و مجازات اخرویه مثللو شیردر که کتب مقدسه دن معلومیز
 اولمشدر . کتب منزله نك احکامی پیغمبران عظام طرفلرندن ائم
 سالفیه تبلیغ قلنمش و بونده اخلاق انسانییه یی تهذیب و فضائل
 و محاسن مدنییه یی ترکیب ایده جک اوامر و مسائل موجود بولنمش
 معتقداته قلباً ایمان و مابین الناس حسن معاشرت و استیناس ساحه سنده
 قلباً التزام عدل و احسان اتمکله دنیا و عقبایز معمر و آبادان
 و مصون خرابی و خسیران اوله جقدر اعتقادنده یز . اوامر حکم مظاهر
 مبسوطه هبوط جناب آدم دن خاتم الانبیا علیه ا کمل التحایا ا قند مزك
 زمان سعد اقترانه قدر اجمالاً و تفصیلاً صحف و صفحاتده تخریر
 واجداد و آبا السنه سنندن منقول و متواتر و قلوب مزده او وثائق ایله
 « کالغش فی الحجر » منحوت و مستقر در . بر شیئه اینانمق آنی
 ایشیده ایشیده قولاقلر طولمش و روایتجه سختنده شت قلاماش
 و تبایفات واقعه انسانلق علمنه مطلقا الزم کورنمش اولسنندن و شو
 تحقیقاتی عکسنه اوله رق تعریفه کیدر ایسک اوشینک طوغری
 بواندیغی مروی اولغله برابر متأمک قابی اشتباهه دوشدیکندن
 اینانماق بطاقلغه صابلاشم بولمنندن ایدری کادیکنی اکلار زبویه
 ایسه فایه کان و قایدن کچن شیرلی مقایسه ایدلم . بالفرض فلان آدم آنی
 قایلدر دیدکاری کندیسندن کوتولک بکنمیه جکنی ایمیه محمول
 اوله رق یوقسه قلبنه هیچ کوتولک کیمور معاشنی تضمن ایتمز . خافه
 فارسی آنی شی ابنای جنسه ضرر کتیرمیه جک قول و فعلده بولمقدرد .
 انسانلره کوتولک ایسته مین قلب نفسنجه البته اییلاک دوشونجه نندن
 آریله ماز . بنی بشرک تشکلاتی اقتضاسنجه اعضاء وجود متوالی
 اشغالانده اولغله کوز کورمک بورون شم ایتمک فولاق ایشتمک

ایستر . خلاصه کلام حواس خمسہ بر طویغودن ملتذ بولنیور . جوارح واعضای بدنیه بر منوال محرر بر استلذاذ ایله دمکنذار و قلب ایلیک کوتولک مجراسی اولمق سبیلہ وجدان صاحبی اولنلر ایلیکی حقانیتده کوردیکندن حقی طلبکاردر . حواس سائرہ طویغولر بسله دیکی کبی سویدای قلب انسانی تعبد هیجانی انچنده اولسنه مبنی خواهش پرستشدن ذوق آلهرق کونشه آتسه وحشت آباد بوادیده اژدر سرکشه طایمق ایله کذارنده لیل ونهاردر . بنابرین مقتضای تکوین قلبده نامعقول و یا مقبول صفتلرله آن بآن خواطر ظاهر اولور . خاطره شول نسنه دیرلر که قلبده قوتله هیجان ایده . مثلاً بر نسنه قلبه اول واقع اولوب ینه اودمده زائل اولانه « هاجس » و بر مقدار توقله زوال بولانه « واجس » و شدت وقوتله اولانه « خاطره » اطلاق اولمش و قلبده طورهرق قرار ایدنه « فکر » تسمیه قلمشدر . قلبمزه بر خاطره کلنجه دقت ایتمه لیز . ایلیک صورتنده و یا خود کوتولک قیافتنده میدر . قبول ورد بزده ایکی ید مثابه سنده اولدیغندن ارجح اولانی آلور . اقبیح بولنانی آتارز . قلب جوهر ایمان خزینه سی اولدیغنه مبنی اورایه سارق قویماز . زیرا خزینه مزده مدخر کونین بها مجوهرات حسن اعتقاد و مکارم اخلاق و عدل و داد نامرلیه مسمادر . کرچه بعض کیمسلر « وواتر » ک ادیانہ اینامایکز افسانه سنه قاپیلهرق اوامر و نواهی الهیه دن تجرید نفس ایتمک حفره سنه غلطان اولمشلردر . عجباً اینانماق یولی می اینانمق مزلقه سنی می اختیار ایتدیلر . پک جزوی تفکر ایدلسون اینانماق قولیلہ اینانمش اولیورلر . « وواتر » و امثالی اباطیل کستر نبوته عدم اعتمادده بولونیور و کندی اقاویل سخیفه لرینه چکیمک

ایچون ساده دلاره افسون او قویور بو خدعه در . زیرا اینامقدن
 تحویل ایله نبوی ابطاله و قوردقلری دیسیسه خسیسه خلقه قارشى
 دام شکلی آلدیغندن اینامق موقعی شخصلارینه قالدجه اشته بو صورتله
 مقام مبارک نبوت و رسالته حاشا اتصاله چالشمشدر . بناءً علیه
 اینامامغه اینامش اولار و ولترک ویا آنک کی بر بترک امتی صاییلور لر
 بالاده افاده اینامشیدک . کافه امه کتب مقدسه بی اراشه و تودیع ایدن
 ذوات مرسلین ستوده صفات اولوب حال حیاتلرنده انسانیت
 و مدنیته تقدیر سعادت و شرف بخش ایلدیلر عیاندیر . برده دروغ کو ،
 زشترو ، بوقلمون خو ، مداوم تکاپو اولان و ولتری دوشونه لم شو عالم
 کون و فسادده نه وجهه یاشادی اقوال و افعالی میزان اذعانیه آله ملده
 محترم رسولک و او شخص مدخولک سوزلرندن آئی بی کوتوی آیرمق
 آساندر . معتقداتدن نه فائده ملحوظ ایمش محاکمه سینه کیربلنجه
 دنیایه پانهاده اوله لی عمرک نصل کچدیکنی حساب ایدم چو جخلق
 ستمنده جهان نهدر بیلمه مدی . اکثر اوقات خواب کران و بمضاً
 درد بی درمان و الم فراوان و آمالدن حرمان ایله گذران اولدی .
 مدت حیاتیه ایسه قصیر و محدود آرزولر کثیر و نامعدوددر . افسوس
 وقت موعود کله جک اجل امان زمان ویرمیه جک دکلی شمدی
 بنده بر آرمافی البالمی اکلاتهیم . کتب سماوییه جدآ ایمان ایتدم
 مصائب کونا کونه قاتلاندیغم دیادن کو جدیدکده نعمی غیر مقصور
 بشقه برعالمه عبور و کرم رب غفور ایله غمرات جفانده تائل حور
 و حبور واصل نور حضور اوله جغمی بالملاحظه اعتدالمی محافظه
 ایدیورم . لیکن مترددین دین و دنیا ده ایکن بخت و اثر کونک تأثیراتندن
 معنویاته چنبدان ربط چنسان ایدیله مملکه محول الحول و الاحوال

طالع‌می انکشافه تحویل ایدر دیره‌ک صفای بال بولوبده پنجه
 مأیوسیتدن قورتیله‌میور . زعمه کوره آخرت موهومدر دیانلر
 اولسون بن محقق اعتقادیه اونلردن زیاده منشرح اوله‌رق امرار
 عمر ایلمکده‌یم . بنم اعتقادم اوزره حقیقت تبیین و تعیین ایتدکده
 آلدانماش و معمر اولدیغم مدتجه قلبه فرح رسان تسلیت بولمیش
 اولدم . معتقداتدن تجرد ایلیانلر حفره مماته و دار مجازاته وصولده
 عقاب و عذاب ظهور ایدرسه نه یابه‌جقلر مسئله وضوح بولدی یا
 حسن اعتقاده حالاً و استقبالاً فائده و کتساب الله احکامنه
 اینانماقدن دنیا و عقباجه تألمات و مضرات زائده تحصیل ایدم‌چکنندن
 شاکردان مکاتبت عقائده دائر اولان درس‌لرینی تکثیر و تقویه
 ایتمک فرض مثابه‌سنددر . قلبه اینانماق کلیور و اهمه‌سی ینسه
 تکرار اولنه‌جقله یوقاریده بیان قانندیغی اوزره قلبه ورود ایدن
 خواطر درت مرتبه‌ده سرنمای بروز اولوب بو خاطر دلر من
 قبل الرحمن لاجل الامتحان نمایاندر . اعتقاده طوقه‌حق خاطر دبی
 اهل ایمان ردایدنجه خواطر وارد ددن مسئولیت ترتب ایتمه مکلده‌نیاده
 حلاوت حیات ممتد و عقباده نعمت نجات مخلد اولور . تأیید مدعا
 ضمانتده بر مثال ده‌ا ایرادی قابلدر . اگر بر عاقل دشمنلرینک
 مکاتبتنه فریفته ایه نافلدر چونکه دشمن طوغم و یول توبیه‌سند
 بولنایه‌چکنندن مخالفی او چور و مدن یو و ارلامق سغینده طولاشیر
 دشمن و ارسون دیلد بکنی سویله‌سون عاقل استماع کلام ایدر اما
 خصمندن امین اوله‌ماق حبیبیه انک مقالاتی وجداناً قبول ایتیر
 انسانه دخی شیطان مسلط و نفس اغوا آتد نکران بولندیغی بی‌نیات
 تمایلی دلاتیله اظهر و ششو ایکی بدخواه عبادده عد و اکبر اولمقله

تسویلات واقعیه وجود ویرمدرجه صور خواطر مرایای قلوبه
انعکاس ایتسه بیله صفوت جوهر ایمان ژنک اشتباهدن طاهر قالیر.
دنیلهرک بجه ختام ویرلمشیدی بوکره واصل انامل اعزاز اولان
تحریرات کریمانه لرند اصول زراعت و تجارت و ماکنه یه متعلق
مؤلفاتدن صنعته خادم اوله حق درس لرك ولایات مکاتبه یه توسیعی
اطفال وطنه دها زیاده باعث استفاده اوله جنی افاده بیوریلیور
فکر و فناوری یه کوره مکتبلرده علوم و فنون جدیدنک جاهه سی
اوقوتدیرملقله برابر عقائد اسلامیه جهتی شاگردانه لایق و جهله
تعلیم اولمیلیدر. بالاده مفصلاً یازدیغ سطور ایکی سنه مقدم معقدات
حقنقه بر مباحثه یه کیرلمش اولمقله اونک زبده سیدر. ذات عالیلرینه
رعایت و محبت خالصانه مک درجائی شهادت قلییه علیه لریله مبرهن
وروشنا اوله جنی اعتمادی شو یاه اوزون سوزلر یازلمسینه بادی
اولدی. تحریره بر سبیده قوی الاعتقاد بولندقلری عند خاصیده
مسلم ایدو کندن اولکی مخاطبیه میانه ده جریان ایدن مکانه و مباحثه یی
بیلدیرمک مقصدینه مبتیدر. مخاطب عجباً کیم ایدی استیضاحنه
کیمیه حکارندن امین اولدیغی دخی بیان ایله برابر ختم کلام و زمان
نشاط رسان تلاقی ایچون اظهار شوق و غرام ایدرم اولبابده



سوسیالیزمک اسبابندن سوسیالیستلرک حیات اجتماعییه کی
و نظائریله تعقیب استدکاری مقصد و نایه دن بجه «روز تورونلر»
یازمش اولدیغی کتابی حیدر رفعت بک افندی ترجمه ایش اونسایه
مطبوع نسخهنی اوقودم. بونک صفحاتنده مندرج عباراتدن
اساسه عائد بولنانلری حرفیاً و بر قسمینده ملاً ضبط و ترقیم ایله

قوسلر ایچنه آلدیم دیگر سطور محرره بنم یازدیغم مطالعات و بر آزی
ثمرهٔ تبتعاتدر . ترجمه ده شو زمین آچیلور « سوسیالیستلکک
مضمون خاص حاضری وسائط استحصالیه نك جمعیت بشریه
بالاشتراك ولا ینقسم صورتده مال ایدلمسی کیفیت اولدینی وسائط
استحصالیه تعبیرندن مقصد طوپراق ، معادن ، طاش اوجاقلری،
صولر ، اماکن ، ماکنهلر ، عموم آلات و ادوات بولندی
بیان قلینور . بو عباره یی تلخیص ایتدیگم زده کیسه نك مالی
اولیه حق اموال و اشیا هر کسک اوله حق نتیجه سی چقیور .
« واقعاً ثروت صاحبی بولنوبده مستریخ یاشایانلر جمعیت بشریه
« نسبتله عدداً قلیل اولقله برابر معموره لرده رفاه و سعادتله عمر
« سور مکده درلر . سائر انسانلر که عمله ورنجبر کرویدر عددجه
« اکثریت عظیمه یی بولنر تشکیل ایدیورکن کویلرده طاغلرده
« وازجله درین مغاره لی معدنلرک مسموم هوالریله محاط یرلرده
« سفالترلرله امرار حیات ایتکده اولدقلرندن یوقاریده صایدیغمز
« شیلر احجابی ایادیسنندن نزعله اشتراك اوزره تقسیمه قونیله حق
« جمعیت بشریه ایچنده هر فردک حقوق اقتصادی سی بر برینه
« مساوی اوله حق افرادک امنیتی ایچون بر ضابطه بزده صوک
« درجه بسیط شکه افراغ ایدلمش بر نوع محاکم بولنه حق بوشرائط
« دائره سننده اشتراك ایتمش اولان مساعی پروران آره سننده
« استحصال و امر توزیع محکم و متین اساسلره باغلانله حق دینیلور
« حالا پارسده ایشله مکده بولانان « اتحاد عمومی عمل جمعیتی
« سوسیالیستلک تشکیلات آتیه سننک بر مثال رسمیمی عد
« اولنه بیله جکی « کوستریلیور « الیوم کیملرک اللرنده اموال منقوله »

« و غیر منقوله اطلاقه شایان شیلر وارسه صاحب قدیملر غاصب »
 « و مختکر صایلوب یدلرندن طوعاً و یا کره‌ا استرداد ایه جمله »
 « قسمت ایچون چالیشله جنی » آ کلاتیلور .

« عمله دن مختلف سندیقار یاییله جنی و سندیقارلردن اتحاد ملی »
 « جمعیتی وجود بوله جنی و هر جمعیتک باشنده بر مرکز قومیتیه سی »
 « اوله جنی و ایش بورسه لری آچیله جنی » بسط و تمهید ایدیلور
 دیمک اولور که بو کون دنیا مزده حکومت و مالکیت و اصول
 اداره مملکت کافه یکی بر قابله قولبق ایسته نیلیور .

« شو فکر مالک و ترویج نه مه مالک خالقک چوقلا شمعده اولدیغی »
 « و تعقیب قلنان امل مستلزم فوائد مالی » اوله جنی اتیان اولنیور .
 ناسک بر هدفه حصر نظره حرکتی سیلر بیابانه مقیاس اولدیغندن
 و خصوصیه تنکی معیشت و امید منفعت انسانلره جرأت و یرمک
 طبیعت بشریه ده مرکوز بولندیغندن سوسیالیستلک مسالککنده
 تکثیر ایلیه جات اهالی نیک یوما من الایام قیام ایه قباروب طاشه جقلری
 و بر انقلاب عظیم چیقارده رق بنیاد انقیادی ییقبوب اوستندن آشه جقلری
 شو عالم کون و فسادنه ظهوره کش اولان امثالی اختلالرله استدلال
 اولنور . لیکن بویه بر شورش اولسه بیه دنیا نیک اقلیمی بشقه بشقه
 اولمعه هر اقلیمده بوانسان خلق دیگر خطه نیک عادات و امرجه
 اهالی سینه بکزمیه جکی جهتله اظهاری آرزو اولنان ماده و خلجانه
 تابع و طابکار تزايد حریت و منافع انسانلر بواندیغی حسابه قتانجه
 بلکه اوراده قریش قلاق حدوتی ملحوظ ایسه ده ضوتیه جق طریق
 مخوف . جمهوریتیده هر ج مرج و مالک ثروت و یسار اولنلرک مال
 و منالی برهمیانه اخذ و درج ایلیه جکی دوشونولمجه حکومت جمهوری

شده و چونکه مشروطيتك مافوق بولنان جمهوريتي سقوط تهلكه سنده
 كورن دولتر اوليه بر داهيه دن قورينق و مدكارينك سكون
 و آسايشنى وقايله باقق اوزره اداره حاضره جمهوريه قوتله
 معاونتده غيرته كله چكى پك محتملدر. فرض محال، ظهورى متصور
 احوال تعيين اشكال ايلسه « مجدداً جمعيتلر محكمه لر ضابطه لر بسيط
 قانونلر تنظيم » و حریت كامله و عدالت شامله تعميم ايديله چك ديلم.
 بوكيفيت اسكى يي ييرتوب يكي به صورت و يرمك دكلى؛ طرز جديدك
 اجر اسنده منفعت عامه نك تأمینی و قلوبك متساویاً اراحه و تطمینی
 مواعیدی سرد ایدیلور اما بیوك استفاده لر هر بیوك ایشه باشلامق
 خواهشنده کی طلیق اللسان انسانلره نصیب اولد کلدیکنی اختلافات
 نمائله نتایجیله اونومه ملی؛ هایدی آنارشی استیلا سندن قانلر دو کیلر ك
 نیجه جانلر کیدر ك و سائط استحصالیه قورتلرلش و سطور سالفه ده
 محرر قاعده یه توفیقاً مستحقینه توزیع قلمش اولسون محكمه لر
 قانونلر ضابطه اورته دن قالدیرلوقینه ممکن اوله میه جفی مثللو بشریتده
 تفاوت عقول و تشکیلاتدن تغیر اصول ملاحظه ایدیلانجه بین الانام
 دعوالر دغدغه لر ختام بولور می؛ جهان جهان اولدی لایعد اساسلر
 بوزلش، جدیدی یرینه قونلش سکان ساحه فسیحه عالم، رفاه و راحت
 کاله ایرشدیکنی هنوز کورمه مشدر. قانون طبیعت موجودانه
 مطلوب مرتبه ده مسعودیت بخش ایتیمور. مشتری به مال بکنندیرمك
 تقدیر کوچ ایسه انسانلره ایش بکنندیرمك دهاا کوچدر. سوزه
 ابتدا آلدانیر بالاخره آلدانیدغه ندامت چکر. نسخه مترجمه ده
 مساوات مباحثی مکرر چکدیکنی کبی قانون طبیعت دخی تکرار
 اولمقددر. قدرت تکوینیه ده مساوات بشر آنحق سیمالرك لونیله

محدود در. چهره لرده بیاض، سیاه، اسمر کوریلین رنگارنگ بیله
 بریسنک دیکرندن فرقی کوزه چارپار. مساواتک وجودنی تساوی
 لیل ونهار عجبا تمهیده مدار اولورمی خولیاسنه طلدم بونده دخی
 عجز وحیرت حصه سنی آلدیم زیرا آفاقده تخلف مطالع بر اقلیمک
 تساوی لیل ونهارنی کشور آخرک حسابنه برابر کتیرمدیکندن
 کوکده یرده دوام مساواته استعداد بوانه میور. انسان کتله سنک
 فکر وعقل وعلم وجهل میزانیله و بوکا مشابه حالات وتصورات
 جریانیله آرلرنده تفاوت تامه رومون اولدیغندن نعمت مساوات
 انسانلری حلاوتیاب ایتمه مش و اطفال نوسال کیمی ناقص الاعضا
 وزشرو وضعیف کیمی تام الخلقه قوی وجهاً لطیف اشکالده
 طوع مش اولدیغنی تفکر ایتمه لیز. نه یاییلیر مساوات تقسیم ازایده
 بو منوال اوزره احکامه مربوط قالمشدر. برده سوسیالیستک
 مسئله دینه بی بر کیفیت خصوصیه عدایله مسئله اجتماعیه دن آیری
 طوطدیغنی بیانی متعاقب « نصرانیت سوسیالیزمه مساعد میدز بحثنه »
 « یکیلدرک » حضرت عیسی « ثروت و سامانک نصر فنده کی ظالمنه »
 « مناسبتمز لکک علیهنده ایدی شو علمدارلق الک ایلری بوانان »
 « سوسیالیستلکلرک کندن اشاغی دکادر مسیحک فقرا حقارنده
 « تمیات خالصه سی ابذالا مصروف ایدی. هپ خطابه لرنده »
 « جمعینک کوزه باتان مساواتسز لقلارنی لوم ایتمش و وعظه لرنده »
 « ویل اوزنکیتلره که » عباردلی نقرات تشکیل ایشدر. «
 « حواریون ایسه محکمه لره بد دعاده بو اثری بالتعقیب « سن
 « بازیل » زنکین خرسزدر. « سن قلمه مان » بحق « دوشونلنه »
 « هر شی هر کسک مالی اولوب ملکیت شخصییه وجود »

« ویرن ظلم و عداوتدر بیاناننده بولمشددر . حضرت عیسی »
 « تسویه ثروتی حسیات و مرحمت و شفقتی تحریک ایله زکات »
 « وصدقاچه آرادی . سوسیالیستلر عین مقصدی دوشونمشلر »
 « داهاکسیدیرمه داهاقطعی بر یولدن کیتمک ایستورلر . »
 « سوسیالیزمک واضعی » قارول ماقس « شرائط مادیة حیاتیةیی »
 « معقول و منطقی و محق اساسلره وضعیله انسانلرک تصفیةسی قابل »
 « اوله جنی اجتماعندهدر . سوسیالیستلک سالیکلره خرسیتیان »
 « قاله بیلیرسکیز دیور . نصرانیت خرسیتیانلره سوسیالیستلکی منع »
 « ایدیور . » توضیحاتی تعصب دینی دعوت ایتیمکمزین کویا که
 عودالصلیب و بخور مریم دینیلان کوزل رایخلی نباتاتی مسافره
 رعایت مقامنده توتسلیوب جناب مسیحک نامنی وکلانی حرمتله
 یاد و حواریون لسانندن ایشیدلمش سوزلری تعداد و ایراد ایلیه رک
 خرسیتیانلره سوسیالیستلر فرقه سنجه معناً و ماده آری سچی
 اولمدیغی جهتله اختلافی ائلافه تحویل بابنده خوش کویانه ادا ایله
 آچیق قیو پولنیقه سی طوتیلیور . اوت سوسیالیزمک انسانی مراد
 اولننجه اوروپا و آمریکا خلقی سطحی صورتده حضرت عیسانک
 دیننه متمسک بولندقلرندن سوسیالیستلک مسلککنده تأسیس اتحاد
 اولنلرک عمومی و داد دائره سمنه جذب و جلبه آلت مؤثره در ،
 « سوسیالیزم مناسبات عالیه ده تعدیلات اجرا ایده جکدر . فقط »
 « بو مناسبات تکامل بشریتک هر صفحه سی ایله برابر ذاتاً تحول »
 « ایده کلشددر . بر زمان عالیه باباسی حرمی و چو جقلری اوزرنده »
 « هر حقی حائزایدی . اولنلری دیلر سه اولدیرر دیلر سه بر اقایردی . »
 « بر زمان زانیه رجم ایدیلیر بر زمان ملا ناسنده قامچیلرله ضرب »

« اولونیردی . سوسیالیزم حیات عاقله شیکل جدید اجتماعیه توافق »
 « ایتمک اوزره تعدیلاته اوغراته جقدر . روح عاقله اوله رق »
 « ارککک یرینه قادین قبوز ایدلمسی دوشونمیش اولمش اولمسیله »
 « بو حالد چو جقدر پدرلرینک یرینه والدهلرینه نسبت ایدیه جکدر »
 « شو فکری دوشونلر اولا والدهیه نسبه پدره نسبتدن دها »
 « محق اولدیغنی ثانیاً چو جقدر حقنده والدهلرک شفقتی پدردن »
 « قوتلی بولندیغنی، ثالثاً تعین نسب خصوصنده ارکک یرینه قادین »
 « اتخاذا ایدیلنجه نامشروع نامیله بر صنف محقره نسبت ایدیلن »
 « و عمری بو کلمه نك ثقل خجالتی آلتنده قالان بر قسم افراد »
 « بشرک بغیر حق قربان سفالت اولملری احنالی قالدیر پله جغنی »
 « دوشونمشلردر . ازدواج قانوننک رفی کندی حیاتلری ایچنده »
 « تهلیکلی بعض مناسبتلرله اسقاط جنین مجبوریتدن قورتاره جقدر . »
 « سوسیالیستلر قادینلری بر آلت استحصال اولمقدن تخلیص »
 « ایدوب اولملری یوکسک پاك نجیب بر مرتبه بلند عزته اعلا »
 « ایتمک فکر نده درلر . محدود جیبیلرده تراکم ایدن آلتون صاحب لرینی »
 « چیلدیر تیور . بو مهیب هجوم اوکننده ملکه عصمت و بکارت »
 « مقاومت ایدمه یور . شمدییه قدر قادین ارککه تابع اولمشدر . »
 « عصرلر مقدما اسارتله کچدی . شمدییه دور وصایت کیردی »
 « تحت وصایتده بولونیور . تابعیت قادینلرک نور عرفانی سوندوریور . »
 « عزت نفسنی بوغویور . مملوکیته دائماً محقریتی ایجاب ایتمشدر . »
 « سوسیالیزم قادینلری آلت تذوق اولمقدن قورتاره رق آکا لایق »
 « اولدیغنی حریتی ایجاب نحابتی علویته تأمین ایتمکی تفکر ایلدور »
 « عباراتی بر قاچ لقردی سویله مکده فرصت ویردی . انسانلری وجداناً »

ضبط وربطه سوقان الك زياده تأثير حسييله ايكي شيدرد . بونك
 بريسى مذهبدن منبعث اعتقاد وپرستش و ديكریده نسوانه ميل
 وخواهش كيفيتارى اولوب بشريتده سائر روابط كونا كون تأثير
 جهتيه او ايكي مؤثر دن دوندر . بالاده سبق ايدن دين مبحثده
 افرادى سوسياليستلكه صيد وقيد امنيه سيله بر دام تهيه ايدلمشيدى .
 نوبت نسوانك نازك اعصابنده حركت كورلك و اونلرى دخى
 سوسياليزم آغوشنه چككمك لزومى احساس ايتديكندن وقايدنلر
 رفته رفته اله كتيريليرسه سوسياليستلك ايچون اركلره نفوذ
 يوريتيه چكندن طائفه غير خائفه نسايه كنش ساحه لرده سحر
 بيانات اينه سوسياليزم حرارت انكيز نوازش اظهار و تمثيل و آمزش
 يوللارنى اختيار ايديلور . بز اصل مهم اولان صدهده كلهلم :
 فى الحقيقه زمان جاهليتده اركاك طوغماد قلرندن طولاي قيز چوققلر
 اولديريلوردى .

اسلاميت عالم انسانيت ومدنيته تحفه سلامت وسعادت اولمق
 اوزره اتلاف اولاد فعل فجيعة قطعياً منع وزجر ايله حياته معين
 اوله رق جانلره جان قاندى . زانيه نك رجبى امر مقتضاسندن
 ايسه ده زناي اثبات ايتك امكانك صوك درجه سنده مشكلاته
 قولش وفحشادن عدم اجتناب موجب عقاب اوله جنى بيلاير اشدر .
 زانى محكمه يه خود بخود كلوبده حدود شرعيه نك اقامه سنى طلب
 ايتسه حاكم يوق يوق نفسكه بهتان ايله سن اويله برايش ياماز ساك
 ايقاظيله آنى بالذفات انكاره دعوت ايدر . زانى اعترافده اصرار
 ايلديكى حاله حكيم ضرب بالضروره اجرا ايديلوردى . حاكم
 زانى يه انكار ميداننده قاچاق يولنى آچدى . زانى اصرالهمى يي

دنیاده یرینه کتیره درک مؤاخذه اُخرویه دن خلاصنی ترجیح ایته دی .
 حاکم نه یاسون بجرمی عفو ایده من حق کلام مقر جرم اولانکدر .
 نته کیم بر جانی قاتل اولدیغنی اقرار ایتمکه جزایی کندیسی بویته
 آلمش اولور ، قادینک زانیه ایدوکنی موقع ثبوته ایصال ضمنتده
 شهود محکمه یه بالورود اخبارده بولنمش اولسه لر . زمان و مکان
 تعیینله میلی مکمله ده کوردکلرینی افاده ایدرک شهادت ایلیمه جکلر در .
 بو طرز مشاهده ایه ممتنع صایایر . همده شاهد درت اوله جق
 اوچی اووجهله کوردک بریسی میلی مکمله یی فرق ایده مدم قادینله
 ارککی صارلمش کوردم دیسه ویاخود زمان و مکانده مختلف افادات
 در میان ایتسه لر حاکم شاهدلرک ردیه فصل دعوی ایدر . رجم ساقط
 اولور . بوندن فضله عریض و عمیق استنتاج و تدقیق واردر .
 بن شو صفحه ده تفصیلاته کیر مدم . او شاهدلر بعدما بشقه دعوالر
 ایچون محکمه ده شهادته قبول اولمازلر . بو ایشده کذب اختیار
 ایتدکلری ثبوت بولور ایه مؤلم مجازات کوررلر . اشته ضرب
 و رجم احکامی علی العمیا اجرا ایدیلیر بر مسئله اولمیوب اقرار
 وانکاره و شهود اربعه اقامه سیله ظاهره اخراجی دشوار الحاصل
 تدقیق واستجواب وتحقیق مجر الرنده رهین استتاردر . کتاب صواب
 نصاب دررده مندرج بولندیی اوزره شخص واحده برانجیه
 مرأه کوتوروب بوقادین سنک عرسکدر دنیله درک اوارکک کان
 مره بی وطئی ایلسه حد وورلماز قادینک مهری واطئی اوستته
 لازم کلیر . حضرت امام علی رضی الله عنه بووجهله واول قادین
 ایچون عدت ایله قضا ایشمدر . کذلک مارالدکر کتابده بررجل
 مکلف برقادینه زنا ایتک ایچون استیجار وآنکه زنا یاسه صاحب

مذهب امام اعظمك اجتہادندہ ہر ایکسینہ حد و ورلمور . زیرا
 عہد جناب عمر الفاروقدہ بر خاتون بر کیمسہدن مال ایستہدی .
 رجل نفسکی بکا تمکین ایدر ایسک مال ویریرم جوابندہ بولندی .
 قادین راضیہ اولدی . وقعہی حضرت عمرہ بیلدیریلر . شو
 اجرت مرأئہنک مہریدر . بیوریلوب حد و ورلرمدادی . اورو بالدرک
 احکام شریعت اسلامیہ تعریضاً سرد ایتدکری مقالات غوامض
 مسائل فقہیہ و قوقسز لقلرنددر . نسب مادہسنہ کانجہ شریعت
 دقیق ورقیق طورده بولنوز . وفات ایدن بر مسلم مزارہ قونلدیغی
 وقت امام تلقین اثناسندہ میتک والدی اسمنی سویلہ مز . مادری
 نامی ذکرلہ فلانک اوغلی ویا قیزی دیہرک وظیفہسنی اکل ایلر .
 حال حیاتده کاه پدر وکاه مادر آدلری آکیلہرق بوچوجق فلان
 کشیدن متولددر . وبعضاً یالکزر والدهسنک اسمی اوستہ فلان
 قادینک اوغلیدر . تعریفلہ نسبی معلوم اولور . ازدواج قانوننک
 قالدیرلمسی ارککلرلہ قادینلری چفتلشدیرمکہ قولای وسیلہ تہیہ
 ایدر . انحق معاملہنک قالب مشرودہ اندراجی امر ازدواجی
 آشنالرہ بیلدیرمکہ تقرر ایتمشدر . بوایش مکتوم طوتلدیغندہ
 قادینلہ ارکاک برلشنجہ خلق زوجہسیدر . ظنندہ بولنموب مترسیدر .
 قیاسندن او قادین آرتق اوزمان اسنادات لکھی آتندہ قالیر .
 اسلامیتده قادین وارکک ، بیلرندہ عقدہ شرعاً مأذونددر . روح
 مسئلہ ایجاب و قبول طرفینده حصول بولمقدرد . اعلان نکاح ، سنت
 سنیه حضرت پیغمبریدن اولدیغنه مبنی تزوجی تصمیم ایدن آدم
 دینداشلرندن ایکی کیمسہی نکاحہ چاغرمش ویا وقوع عقدی ایکی
 شخصہ منکوحہ سیلہ برابر مقرر بولنش اولسہ امر مسنون دخی

یرینه کلیر . اگرچه فی زماننا محله امامی جلب اولونیور . نکاح
یا بلدی دفتی مخصوصه قید ایله سجل نفوس اداره سنه معلومات
ویریلیور ایسه ده شو تشبثات احکام دینه ایجاباندن اوله مسیله
دولتجه انضباط و احتیاط نقطه لرندن متخذ قاعده رسمیه در .
خرستیان نکاح لرینه عطف مقال ایدلده مطلقا پاپاس کتیرملی
مدعوین جمعیتده بولملی نکاح قییلدیغی رئیس روحانییه بیلدیرملی
خیلی مصر فله ناچار قتلاملی اسلامیتده بویه مزعج و معوج
تکلفاته دیناً احتیاج کورلمه مش و عقل و منطق دائره سنده
مرام بالسهوله رام ایدلشدر . هله مسلمانلرده زوج
منکوحه سنه هر صورتله ایفایه جالیشه جفی معاملات حرمتکاری
واطوار رفقیه، محاسن اخلاق انسانیه باینده وثائق قویه دندر .
قلدی که ارککک یانه قادین، تعیین نسب خصوصنده مناسب
کورسه قادین بوچوجق بنم اوغلمدر دیه جک، اوله یا طوغوران
اودر، انجق ترلایه تخمی کیم اکش مجهول قایلر، خایر محصول الده
تخمی صورمغه حاجت یوقدر، دنیله جک ایسه بونده ناموسه
و حقوقه تعرضدن غیری نه وار، او خالده عصمتی نجاتی علوتی
محفوظ زعم ایدیلان قادین لکه دار اولیور، ارککک اجتماعده سعی
وابونده حق ابطال ایدیلیور، ده اغربی تخمک مزرعه یه زردن
سرپیلدیکنی قادین دخی بیله میور، مولود مودودک کردننده
بررشته یچا پیچ اشتباه نظراره ایلیشیور، چوجق آی بارچه سی کی
طوغدی، زهره بیلدیزینه ده مشابته مشاهده اولونیوردی، فقط
سنایودخه آی آمان علت زهرویه علائی وجودنده کورنمک باشلادی،
شو جانسوز مرض مهلك زردن ککش مکر آناسی برکیجه قر

آخرڪ هالهه سنه کيرديڪندن سيالات برقيه اصابتيله حامل قاهره رق
ولد دنيايه قدم باصممش درده باق که طفل بلوغه ايردي کيمک ايله
هم فراش اولديسه زهرلی خسته لغنی تلقیح ايدییور . حیات بشره
صرر ویریور . شو حاللر نسا و ذ کورده عفت صیانت اولنه مامسندن
نشئت ایلکده در . « محدود جیبلرده متراکم آلتونک صاحبلیینه
ملکة عصمت » « و بکارت مقاومت ایده میور » فقره سنی دخی
قورچالامق لازمدر . بزجه کمال حکمت الهیه و بعض ذهابه کوره
طبیعتک بناته بذل ایتدیکی بر عطیه که بکارتدر . بونک قیزلرده
موجودیتی عفتک محفوظیتی اساسیله اوکنجینه عصمت تخطی
اولمديغنه اشارتدر . بر قیزی رفیقه حیات ایتک شو قدده اولان آدم
کنجینه بی محکم بولمق ایستدر . دریچه دفینه مفتوح ایسه لابد
وسوسه یه دوشدر . چونکه باکر توصیفیله آنی آلمشیدی . عکسی
حک انکشافندن قسما نخلق رونما وامنیت قلییه ده ضعف هویدا
اولور . غیرت رجولیت وجذبات محبت رقبا ايله مشارکت شابه سندن
ذهنده خواطر ظهورینه سبب ویره رک آرمیه ناخوشلق کیره جکی یر تیجی
واو چیجی مخلوقاتک اوضاعیله مثبتدر . سیر ایدیلمور می وحوش و طیور
اجناسندن اولان حیواناته باقلنجه ارککک کندی دیشیسنی جنسی
یالنده قیصقاندیغی ، بیکانه یه نچه و متقارایه صالیردیغی ، اشنی یالکیز
براققدن صاقدیمی آشکاردر . بناء علیه وصایت ونظارت حدودینک
خارجنده سلمه السلام رفتار و خرام ایده جک بنات و حواتین
عجبا ! تک طوررمی ؟) پک طوغریدر آتون دوکیله رک متین قلعه لرک
فتح اولدینی مثللو نسخه مترجمده سیموزر عصمت و بکارتک
تسخیرینه رهبر اوله کیشدر . دلیلی مصدق اولمله برابر فسونکارلق

هپ ثروتك اجبارينه حمل ايديله من . اهالى قرا فقرا زمره سنه
 ملحق ايكن غابت سرمايه دار بر آدمن يابه جغنى فقير اولنلر آلتون
 صاحقسز ين يايور . عامل مؤتر منحصر آسيم وزر دكل طبيعت
 بشريده مستكن قوه شهوانيه در . الفت وملاعبة طرفين تأليف
 بين خصوصنده يكتا بيشوادر . « سوسياليزم قادينلرى آلت »
 « تذوق اولمقدن قور تاروب آ كا لايق اولدينى حريتى نجاتى علوى
 تأمين اينك تفكر نده در » مبسوطاتنده كى عبارته نك معنای حقيقى
 استخراج ايديله مدى . سببى افاده مشرو حده وضوح وبرهان مقنع
 اولماسند در . كتابك بر صحيفه سنده « سوسيالستلك عموم قادينلرى
 عموم از ككلرله همزه بولنلرى داعيه سنده بولنلر بول قدا اولديغه شبهه
 اولميان بو حال فنا ايسه اصل مروجى سرمايه دار لقدر . ثروتى
 تعادل ايتديرن ار ككه اولدينى قدر قادينده حق سعى ويرن
 سوسيالستلكه سقوط اخلاق تسهيل اولميور منع ايديليور .
 زمينده يوريديلن محاكمه نك مناسى ثروته پيوسته ايسده آلتون
 كليچه سنه مالك بر توانكر و آتش فقر دن كل ايچنده باتان رنجبر
 فعل فحشه بر ابر اولدينى اوست سطر لرده بيان قلمش وحتى مايونلر
 در جه سنده صاحبه نقود قادينلرك غلبه هوا واشتهادن طولاني بعض
 كرىوه لره صائمقدن چكنم دكلرى بديهى بولنش ايكن مجبر ومؤثر
 ثروتدر . مركززنده ديرهنوب طور مق نصل جائز اولور . مقدمه
 كتابده وسائط استحصاليله نك عموم جمعيت بشريه تعميمى مقصداً
 يازلمشدر .

النده بولان مالى بر كيمسه قولايقله آخره وير من جبر آلتير
 ويا خود صاحب مال خصلت سخاوتله اونى بالا هدا وجداناً ذوق

استحصل ایدر قلبلری محبت ربانیه ایله مشحون حضرات حواریون
دنیاغه مفتون اولمدقلرندن « زنکین خرسزدر » « هرشی هرکسک
مالیدر » اناده سنده بولندیلر و ضمناً دیمک ایسته دلرکه خرسزقله
بیرکری بلان مال صاحب اولنه انتقال ایتلیدر واقعا دفعه^۱ لایعدنقود
واموال اله کچیرمک محربه ده مظفریته موقوفدر پیغمبران عظامدن
معلوم الاسامی ذوات جهاده مأمور اولدیلر . سائرانییا و مرسلین
ناسه لساناً تبلیغ دین ایتدیلر . کنیدیلر هر نهیه مالک بولمشلر ایسه
فقرایه یدیردیلر حضرت عیسی علیه السلامک مدت نبوت و رسالتی
اوچ سنده و سیریته اتباع کوسترن حواریون اون ایکی کشیدن
عبارت اولوب اون ایکیدن بریسیده صکره پیغمبرینه خیانت ایتدی
جهاده کثرت اعوان اقتضایدر بونک فقدانیه جهادمکن اولدیمیغه
مبنی فتوحات ثمره سندن ثروت فراوان وقت مبارک روح اللهده
نمایان اولمدی . فتح و تسخیر میسر اولسه غنائمی فقرایه ویردجکلری
آزاده ارتیاب ایدی . خاتم الرسل علیه افضل الصلوات حضرت تلرینه
جهاد امر سبحانیسی کلدی . انجق اخطاره حاجت کورنمدیکی اوزره
قرآن شریفده دینی قبول ایچون عباداللهی اجبارایتک آیت کریمه
ایله ممنوع اولدیغدن اهالی^۲ بلاد دین ویا جزیه قبولی بیننده تحبیر
اولندیلر . جزیه یی ادا ده مخالفت ایدنلره محاربه اعلان قنوردی جزیه یه
موافقت ایلیانلر حقوق مدنییه ده متساوی اولورلردی مجرد دینه
کنیرمک یولنده اسلامک قطره^۳ واحده قان دوکمه سی حرام اولدیغنی
آیات بینات بیلدیردی مسلمانلر بویه برفعلدن منع ایدلدی آرتق
اولاد اولدیرمک قان دعواسی کوتمک افعول فضیحه سی مظاهرت
دین بلده لرده چوللر دده کی خلقدن قلدرمقله حیات انسانیه یی تأمین

ایلدی اموالی تقسیم ماده سنه نقل کلام اولنجه مکه دن مدینه یه
 هجرت نبویه ده مهاجرینه انصار مال و اشیا و ایکی حرمی اولان برینی
 بالتطایق مهاجرلره فدا ایله حمیت و انسانیت و ظافقی ایفا ایتدی .
 جهاده کیدیه چکی صیرده جانب جناب رسالتپناهیدن مؤمنلر اعانه
 امواله ترغیب بیوریلنجه صدیق اکبر رضی الله عنه خانه ده موجود
 بتون مالنی تقدیم ایتمکه کندیسلی لباسه بدل حصیره بورینه رک
 حضور اقدس پیغمبری یه کادی . سائر اصحاب کزین جناب صدیقک
 ایثار و نثارینی تقلیده چالشدی . آرزمان کچدی او مردان حقائقدان ،
 شرق و غربیه شعاع آفتاب آسا یاییلوب فتوحاته نائل و خزان بیکران
 دولت کسرایه واصل اولدیلر اله کچن غنائم کلیه فی سبیل الله مستحقینه
 توزیع قلمسیله نفسلرنجه حرص و طمع آناری حس اولمزدی .
 وفرت اموال ، وسعت حال توصیفنه سزا بولنان او عصر نصرته
 رسول رب الانام و صحابه کرام آریه اونندن نان و خرما و کاه غسل
 و لبن تناول و مظاهرت و معاونت اخوان ایله رضای باری یه توسل
 ایدرلردی آخرته انتقاللرنده ترک لرندن قسام تحریر ایده جک امتعه
 چیقمازدی احتشامه تنزل ادخار دینار و تکشیر یسار فیکریله توغل ایتدیلر !
 تجارت و صنعتده طوغریلقدن آیرلمدیلر همیشه « اخوت » « عدالت »
 « حریت » « مساوات » نعمتلیله بربرلرینه اکرآمده بولندیلر .
 ثروتک کنز حالنه قونئسی موجب عتاب اوله جنی قرآن کریمده
 منصوصدر « نشر اشفاق » بذل و انفق « بین العباد حب و وفاق » امر
 مشروعه اتحاد و اتفاق « ترک نفاق و شقاق » و الحاصل جلائل
 فضائل اخلاق دین مبین اسلامده بلا نقصان عیان و مرور دهور
 ملابسه سیله او امرک بعض اقسامنه امتثالده تراخی و نسیان نمایان

اولشدر اساساً وادیان سائر به قیاساً رجحانی حازر بر حصن رصین
 الیوم پایداری ایستاده صدافسوس قلعه محافطری مبتلای خواب نوشین
 اولدقلری عین عبرت بین ایله کورولور؛ دها چوق شیرل یازمق
 ایستدم اماربان خامه ده ابکمیت کوردم حریت کلامه مالک اولنه مازمی
 خاطره سی تبادر ایدنجه حضرت موسی علیه السلام، کانیم الله ایکن
 وادی تجلیات بادی طورده «وَأَحْبَلُّ عَقْدَةً مِنْ لِسَانِي»
 زمزمه سیله سهولت و وسعت کلام حقنده تضرع ایلدیکنی دوشوندم. افاده
 حقیقته حریت تامه نصیب عامه اوله میه جقدر حکمنی اعطایه مجبور
 اولدم. عالم دیدیکمز ساهره غبرایه و تنکدستی ضعیفاً و فقرایه اماله نگاه
 ایلدکده هانکی ملتن اولورسه اولسون انسانلرک احتیاجات
 کونا کوننه کریمه بار تلفف اولماق انسانلغه یاقشماز. لکن دنیای
 طوفان اغتشاشه بوغغق بلاندر بلا و منتج مهالک و اوایلا اوله جنی
 کبی سوسیالیزمک تصوراتنک تماماً حیز حصوله و وصولی اصعب
 بولنسیله تسهیلاً للمصلحه بشقه بر تدبیر کوسترمک لازم کلیور.
 مثلاً جهانک اوجی بوجاغی اولمیان اراضی خالیه سندن مناسب
 قطعه یه باشلانغج اوله رق بر ایکی ملیون خلقک اسکانیله زراعت
 وفلاحتیه و اجرای صنعت و حرفته مواقع تدارک و تخصیص ایلهرک
 بونلره مقتضی وسائط استحصالیه بی بالاده کی تعریف وجهله و یروب
 افراد مسکونه ایچون ضابطه و صوک درجه بسیط محاکم تشکیله
 واشته بو فضای فسیحده ابنای بشر اقدار و کامور قلنهرق عقود
 و حدودک تعدیلنه نوین نمونه عدالت و بهین بر طرز مدنیت ابراز
 و تجربه صورتیله موفقیت احراز ایدلسه فانی دنیاده باقی اثر خیر
 اولور ظننده میم مخاطبیم بکا قارشی خیال مسرود مردود صائناز.

فقط بر ایکی ملیون انسانی طویلامق وهرشیئی بولق مشکلدن
 اعتراضی در میان ایلر ایسه اخطار ایلدیکم مطالعه مختصر و مفیددر.
 بونده عسرت تخیل قلنجه عالمیانی آرزو اولزان اصولده جمع ایتک
 فوق مایتصور متعذر وبعیددر جوانی ویریرم. بعده سوزیمی ینه
 کسمیوب مادامکه نیت استکمال سعادت ائمه خدمت قضیه سیدر.
 اختلالر ایقاعیله هدم بنای حیات و ترجیح ممات اولنه جغنه انسانلرک
 مالا و بدنا درلو مضایقه ده تباه اولدقلرینی تأمل ایله تخفیف بار ثقیل
 اضطرابه تدبیر آخر یوقیدر دیه رک « عمله چوق چالیشیر آرزقازانیر »
 « وجودی متاعب ونواشدن خیر بالانیر اولاد و عیالی کچنیر مکده »
 « عاجز ایکن قازانچندن حکومت ویرکو آیرر بونکله ده ایش »
 « بیتمز عسکرلکه کیدر نفرلکده قالدینی مدتجه محاربه یه طوتنر سه »
 « جانی قورشوندن قورتارر کوینه دوزر جنک اولور سه حیاتی »
 « مخاطره یه کیرر ماوا ی قدیمه عودتله عاٹله یه قاووشمه سی طالع »
 « باغلیدر بناء علیه ویرکو وعسکرلک کویلر اهالیسنک بللرینی »
 « بوکویور مفاهیمی مشتمل افاداتنه تصادف اولندی . »

البته هر دولت کندی تبعه سندن ویرکو وعسکر آیلر اموال دن
 طویلان هجق نقود ایله حکومت اداره اولونیور قوای بریه و بحریه نك
 نواقصی اکال قلینور ونفوسدن عسکر اخذیله اردولر ترتیب
 ایدیلیور بونلر یاپئاسه دولترک دشمنی ینه دولتر اولدیغندن
 عسکری ومهماتی مکمل دولت تدارک لوازماتده بطائت اختیار
 ایتمش اولان دولته اعلان حرب ایله احراز غالییت ایلر عصر مزده
 علوم وقنونک توسعندن اختراعات زیاده لشدی زرهلی بر سفینه
 حربیه نك قیمتی بر بحق ملیون لیرای آشدی شو سفینه کودیکر

طوپلرله مجهز سطح دریاده کزه جک و برده تحت البحر سیر
 و سرعته قدرت ویرلمش طور پیلارله دونادلمش سفائن ایجاد قلند یعدن
 طور پیلک آتش افشان صدمه سیله دکز اوستنده کزن سفینه
 جسیمه بی قعر عمامه طالدریور بر بچق ملیون ایرا بش اون دقیقه
 ظرفنده هوایه صاوریلیور . سفائنه نقداً صرفیات طاقت فرسا ،
 طور پیل تصادفی کورنمز بر قضا در . دونمالره مصروف خزائن
 شو منوالده اولوب اردولرک ملیون ملیون افرادینی بسلمه مک
 ویدلرینه یکی سیستمده اسلحه یتشدیرمک و کافه تجهیزاتاتی تهیه ایلمک
 صایقله توکنمز آلتونه محتاج بولونیور . طول زمان کذران
 ایتمکسزین ارباب فنونک مهارتیه داها یکی بر نوع طوپ و تفنگ
 معرکه اشتهاره قونولیور اسکی آلات جنک تعطیله اوغرایور
 مجددینی بولوب آلمغه کذلک خزینهلر ایجاب ایدیور صرف اولنه جق
 اچقنک قسم اعظمی ایسه ویر کولردن طوپلانیور . هم انسان همده
 مال تلف وهدر اولماق آرزوی خالصانه سیله روسیه ایمپراطوری
 بر صالح محکمه سی تأسیسی دولتره تکلیف ایتشیدی دولتر بوکا
 موافقت کوستر دیکندن فلمنک دولتنک لاهی شهرنده قونفرانس
 یاپلدی مشهور دیپلوماتلر و علم حقوقده معروف ذوات هر حکومتدن
 اورایه کوندرلدی بین الملل دوام مسالمت و کارزاردن مجانبت حقنده
 مرخصین طرفلرندن معقول و مقبول نطقلر ایراد قلندی آرده سی
 چوق کچمکسزین عقب کیر تقدیر کچن فرصتدن سلشمشیر ایتمکه
 ژاپونیا و روسیه محاربه سی طراقه انداز جهان اولمشیدی روسیه نک
 بحر بالطقدن کلن دونماسی ژاپون دکزنده جنکه طوتیلوب چوقلری
 ژاپون آمیرالی شهرتشعار « طوغو » طرفندن ضبط ایدلدی بر

قسمیده باتیرلدی روسیه اردولرینی دخی ژاپونلر محاربات بریده
 بوزدی بیکلرجه اسیرلر آلدی محکمه بلده لاهی صانکه ملاعب
 وملاهی ایچون بر صحنه تماشا ایش حکمنی کوستردی صالح محکمه سنی
 احداثه دلالت مصانات پرورانه بر اثر همتدرقالدی که اوتکلیف دول
 معظمه آرد سنده ترویج قلمشدهی ملتیر جانبندن ظهوره کیش
 بر تکلیف اولدینی جهته ملتیر اوزاقدن اوزاغه بونی طویدی
 رلی یرنده طورددی . لاهی محکمه سی ایسه روس وژاپون
 محاربه سنی طوردیره مدی . احتراصات ایله قالمش قوی بر دولتی
 طوردیره حق هزیمت قطعه در . حربی تصمیم ایدن دولتیر قوای
 جیشیه سنی خصمنه قارشی سوق ایدر . طرفین اردوسی تماس ایدنجه
 لایعد انسانلر محو اولور بیتر . اردولر اولسه غوغا حقیقمازدی .
 بومسئله نك روحی حیات انسانیی محافظه ایچون جنك اجر اقلناما سنی
 تأمیندن عبارت قالیور دنیا به طوغان البته اوله جنك اما اجلیله ترك
 حیات اولمق مسعودتی نه بیوك بختیار لقدر ادوار ماضیه ده غوغا
 ملتیرك عداوتی اهل صلیب وقایعی کبی دین غیرتی ایله تحدت ایدردی
 او دورلر کچدیسه ده محاربه ینه بیتمیور . پولتیقه نفوذنده مرکزیت
 وتوسیع تجارت ومنفعت دواعیسندن متولدرقابت دولیه جنك وپیکاره
 مسائل ووسائل استحضر اینکده اولدینی کورولیور . مع هذا
 محارباتك مظفر وكرك منهزم اوله جنك دولته مالا وملكاً درجه
 درجه خسارات ویره چکی بدیهیدر . ضیاع نفوس وتدنی آبادانی
 ملك محروس طرفینه مضرات کوسترمیور می تحدید تسلیحاته دولتیر
 موفق اوله مدی . محافل سیاسیه ده بوکا دائر دیسقولرر سویله نادی
 چه سود سوز کچمیور دولتیر تدارکات حربیه ده الان برزده دامان

اولدقلرندن تأثیر کلام و حصول کام انجق اجزای عمومیۀ بشرک
 زمین اتفاق و التحاقده یک وجود بولنه بیلمسیله بلکہ امکان پذیر
 اولور. عجباً شورادهیه هانکی عصرده تقرب اولنه حق تخمینی آسان
 مواددن دکادر حالاپارسده «اتحاد عمومی» عمل جمعیتی «سوسیالیستک»
 تشکیلاتیله ایشله مکده اوندیغی کتابک برنجی صحیفه سنده مسطور
 بولندیغندن و فرانسه اردولری نفوس داخلیه مالکدن آلنه حق
 افراد ایله تشکیل قلنه جغندن حربه باعث اولان توسلات جاریه
 تحویل و تعدیل ایله یوز بیکلرجه انسان اقل اولنماق همده نفس الامر
 موافق بر چاره آرائلق تفکراتی ایچنده آتیا دوشوندیکم ایکنجی
 تدبیری دخی یازیورم اصحاب ثروتک مدخرات و عقاراتی بالتصیف
 افراد ناسک بیوایکانه آریله رق بوسرمایه ایله اسباب رفاهیت
 و معموریت و ویرکولرک تنزیل مقادیر یلده عدل و حقانیت التزام
 اولنسه و شوآمال ملیه اسعاف قلنمدیغی صورتده بزدن حکومت
 ویرکو و عسکر ویرلمهک و مقاصد معروضیه اوک آیاق اولنلری
 استیصال و تأدیب مرادیله حکومتدن شاید برامر صدور ی تقدیرده
 امری دکله مه مک مقرر در صداسنی السنه مکلفیندن سمع حکومت
 ایصاله سوسیالیزم ارکچ مقتدر اوله بیلوبده دیگر کشورلرده متمکن
 سوسیالیستلر آن بان عدد و جمعیتلرینی تزید ایله عین قیام و مدعیانده
 بولنورسه اراقه دمایه و آنارش ی آتشی ایله اما کن و مؤسسات
 قیمتداری تخریب و احیایه حاجت قالمق سزین وسائط استحصالیه
 قولایلقله الده ایدلمش اولور. حکومت مطالبات واقعهیه قولاً مخالفت
 ارئه سنه قالمقشدیغی صورتده عسکر قوتی امرندن روگردان
 کوره جکندن فعلاً تنکیلات اجرا سنه نتایج وخیمه و ملاحظه سیله

ابتداء از ایلیم من سوسیا لیستلره اوزلا شماغه باقه جتقدور. تدیر مشروح
انظار باریک بنیانده بر فکر مرغوب و ممدوح خاصیتی آلماسه دخی
خادم حیات بشر اولق اوزره تصویر قلمش مطالعاتدن معدود
بولندیغی اعتباریه بادی قسوت روح عد ایدلز مأمولندیم مع مافیه
هر خیال دنیادن واسع بر عالم لطیف و بی مثال اولدیغندن اوقودیم
ویازدیغ عبارت عالم خیالک ظلالیدر.

حیدر بك اسمنده برذاته یازیلشدر

محب خالص الجنان بك افندی

« وَالنَّاسُ الْخَدَّيْذُ » نص حکمت فصند، مندج، انوار ساطعه
بدرقه بارقه تأیید اوله رق تیموریول قطریله انقریه عزیمت واوراده
بر اسمه نسبتله یاپش چشمه نك صویندن بالاستفاده بعده قلعه جك
قضاسنه مواصلت ایدلیکی کچنره مورد نطقه مودت نمود
وف کاریلری مآلندن مستبد اولمشیدی. شمندوفر، طی مکان سرینی
اعلان ایدن بر واسطه پرفر بولندیغندن آنکله سیاحت تقریب
ساعات سفادته علامت و سرعت حرکت مقصودك عاجلاً حسن
حصوله اشارت و آب روان تمادی عافیت و حیاتیه بشرت اولدیغی
قال خیرینی آورده زبان ایشیدیم. خصات جمیله خاطر شناسیلری
مقتضاسیله پرسش حال و باله رغبت دلیل مخالفت کورندیکنه مبنی
« کرا عشقم ایسته م اسباب زیوری » بسدر بودلدل دله بررخت

حیدری .. فضای رضا اقتضاسنی زمین نوین بوله رق حب حیدرله
اكتفا وایمای معنای «دعما کدر خدما صفا» قلندیغنک بیانی ضمنده
تمیق جوا بنامه ستایشوری یه ابتدار ایلدم افندم .

ساقز آطه سنده یازلمشدر

مرسول غزته نك مداحبه قنيه قسمنده (نوراستی) یه دأر
مندرج مقاله یی اوقودم غزته ده اوقود قلیرمی برر قوس درونسه
آلهرق بعده مطالعاتمی علاوه یازدم :
(نوراستیکلرده دائما بر حزن مزمن واردر . بعضاً شطارت
آمیز بر مجلسك سریان نشووه سیله شن وشاطر اولورلر بوتأثیر کچدی
اسکی حاللرینه عودتله حیات درونیلری مفتور ومکدر بولنور)
دنیلیمور بن دییه حکم که حزن بنی آدمده مضمهر اولوب بونک
ظهوری اوچ سببله در برشی کورمک ویا آنسزین ایشتمک
ویا خود خاطرینه کلک حصول حزنه وسیله ویرر . مثلاً هیچ
حزنی اولیان برکیمسه زیارت مقصدیه بریلدیکینک خانه سنه کتسه
أوده تلاش کوره رك اسبابی سؤال ایتمی اوزرینه عائله بیتیه چه
وفات وقوعی سویلسه زائر حالاً متغیر اولور . زیرا کدرلی سسوز
ایشتمدی خانه یی قاریشق کوردی . انسانک کوزی انعکاساته مرأت
اولدینی کی استماع ومشاهده قلبه طویغو ویرر . حزن طرغار . حزنی
کوزده وقولاقده آرایه میه جغمز بدیمیدر . حزن وملاکک نشیمه گاهی
قلب اولوب قلب ایسه روحدن نصیب آلور . شو حجردیه غم والم

یاد ایدیلن بیکانه‌ی قویماق ایچون بر یابانچینک خانه‌سینه عزیمت
وآشنا ایله‌ده الفت ایتیمه‌لم. تا که حزن و ملالت اختلاط یولسندن
بزه ایریشمسون تأملاتیله عزالت احتیاس ایلسک عجباً محزونیتدن
وارسته قالمق قابیلدر «خایر» قلب بشر خواطره مجرا اولدیغندن
یالکیز قلمقله‌ده چوق شی خاطره کلور. من الجملة کیمش بر کیفیت
المله کدزان اولمش ایسه تفکرندن وکله جک شیلرکینه او یله اولمش
احتمالک تصورندن اضطراره معروض اولور. سالف الیان مقاله‌ده
(حزن و ملالت بر چوق لوازمی اولوب بولردن برنجیسی واک
.همی بدینلکدر حزن و ملالت خارجه عکسی بدینلکی تشکیل
ایدر بدین اولانه طبیعتده حیاته هر شی فئادر؛ او انسانلری
مکوناتی هر شی، مظلوم کورر. هیچ بر شی اولرک
ملول و صموت حیاتلرینه رشحه شطارت سرپه من اصل
مسعود بولنلر دولاب عین غمغه ایله دون، تکرر ایدن افعال
و حادثاتک اولدریحی یکنسقلغی حس ایتیلردر. مسعود او کیمسه لرکه
هیچ بر شیئک دشمندیکنی، هیچ بر شیئک کچمدیکنی بتون
اشیاده کی فتور و نومیدی یی کورمز لر «بارون» «روسو»
«ش. اتوبریان» و امثالی ادباده کی بدینلک هپ بونوعدن بولدیغی
و «بارون» حزنک سببی بیلمن نظمجه بو بر خسته لقدر.
اتخذ ایلدیکم تدابیر صحیه دن تبدیل هوا و سیاحتدنده فائده کوردمه.
روحده احتراصات طو تشدیغی زمان بر تهییج طویارم وجودده
قیرقلق عالمه کوسکونلک حسی کچردیمش اولدیغی (حکایه ایدیلیور.
خلاصه کلام جهان مدنیتک علما و ادبایی حزن و بدینیدن متحصیل
آلام اوستنه نه سویله مشر ایسه آلف الذکر مقاله‌ده تعداد و ایراد

اولیور . او ذوات نادره غایت ظاهری بین اولمیریه بدینیدن
 قورتیه مامشردر . اوت دین روابطی آنلرجه موهومات درکسنی
 بولمش اولدیغدن نظرلری ظواهره مقصور اولغله عوارضك
 تدوینسی کیآ ظاهرده آرارلر معنویادن بی خبردرلر . حزن وملال
 مسلمانلری دخی بعض کره صارار اما تأثیری امتداد ایتمز .
 تام الاعتقاد وصلاح ایله متزین بر مؤمن قضا و قدره ایمان ایتمش
 اولسنه مبنی حزن وملاله سبب ویرن ماده بی تصرفات ربانیه
 محیضنده کوره جکندن محول الحول والاحوال خدای متعال بکا
 الم ویردی حکمت خفیه سنه عقل یتشمز . الطاف الیه هر نفس
 مخلوقه مدد رسدر . ملاحظه سیله تسلیت بولور . حزن وملالی
 تخفف ایدر . حزن وملال اکر بر مرضك دوامندن منبعث ایسه
 اطبایه مراجعتله طلبکار مداوات اولور . جسمنده وجع وزخم
 اولیوبده قوت قلب حزن واندوه جلب ایدیورسه روحانی بر
 برطیبك صحبتی برکتندن قلبده ظلمت قالماز انجلا میسدر .
 بویه شی اولورمی اعتراضی درمیان ایده جك برمسلمان اوله
 اصحاب بطون ایله ملاقات ومصاحبت ایده مه مش کروهدن اوله جنی
 پك عیان ایدو کندن درد درونکزه درمان جستجو سنده اولیکز .
 قوت قلبك محکوم ومغسومی قالمق چهل ونادانییه جزادر . جوابیه
 سمت سکوت مراح طوتیلور . طیب روحانی « اولیا راهست
 قدرت از آلّه » تر جسته باز کرد اندزراه « بیتله جناب مولانانك
 منویده اوصافی بسطایتیکی اکبر امتدن کنایه در . صدر اسلامده
 اصحاب کزین بدین ودنیالغه متعلق موادك فقدانیه محزون
 واندوهکین اولمدیلر . لکن اودانش وینش زمانلرینی احتراصات

نخنه سندن تدقیق ایتمک غیر ممکن بولمغله بچاره انسان ظنون شکوک
کردابنده سرکردان اوله رق بحر عمیق الغور نیستی به چو کیور .

ساقز جزیره سنده ایکن یازلمشدر .

طوغان اطفاله ناق پیراهنی خون جگر دندر قضا خالی قومازانسانی غمدن رحم مادرده

هر مولود، بطن آمدن بر پوشیده دم آلودایله کهوارده عالمه ورود
ایتدیکی مشهوددر . اووجهله دنیایه چیقیدیغمه غالباً غمناک اولمشم .
کوزلرم هنوز آچلمادن دنیانک اکدارینی معناً کورمشم که دنیایه کلیر
کلز فغان ایتمک باشلانجه المی آياغمی باغلا یوب آدی بشیک ایمش
بی اونک ایچنه یاتوروب دائماً صاللا دیلر . دنیایه کلن قیددن
قورتمیه جغنی وتزلزلاته معروض اوله رق راحت بوله میه جغنی
دست بسته طمیل نوزاد ایکن بیلهمدم . آره آره نالشم آرتدجه
آغزیمه برشی اقتدیلمر صوصدم . راحت قالدیم بعض کره فریادی
هیچ کسمدیکمدن دیک اوستنه بشقه شی قویدیلر . کندی می
طوپلایه میوب طالدم . خیلی زمانلرم شو صورتله کچوردی . کاه کاه
دست و پایی چوزدرک بنی ایاقدده طور دیر دیلر . فلدا ندیم دوشدم یوردن
قلدیر دیلر . یانمده اولنلر کولور بن اغلیورم . بویله کوندوزلر
کیجه لر مرور ایتمکده ایدی . کیت کیده یورومک استعدادینی
حاصل ایلدم . قوشیوردم دوشدیکمده باغردم میدان مشی
وحر کتم تحدید قلندی . ایلرویه قوشانلر اکثریا دوشدیکمدن بنی

صاقتمشله دهها صکره لری اطرافده طولاشانلرک سسلرینه
 بکرتزه رک سس چیقارمغه یلتمدم. شو سسلر ایکی طرف ییننده
 مرام کلامغه مدار اولدی. بویم اولدن قیصه ایدی. یواش یواش
 یوکسادی. سولشمکهده الشدم. مقدما بکا ایچردکارینه سوت
 یدیردکارینه تریاق تسمیه اولنورمش سوت ایله بیوتمشله تریاق
 ووروب اویوتمشله کونک برنده اندامه اویغون، پارلاق ییموشاق
 شیلر کیدیرلدی. پارلاقلی خوشمه کتدی. صوردم ایپکلی لباسدر.
 بر بوجکی قاینارصوده خاشلامقله ایپک اولور. ایپکدن قماش یاپیلور
 دنیلدکه بوجک صوده اولمزمی سؤالنه انسانلرک زینت صاتمسه
 بوجکلر و انسانلرک قارنتی طویورمه سینه حیوانلر فدادر. انسانلرک
 طاشدن. اغاجدن مسکن یاپمه سینه یالچین قیالرده کی شاهین یووالری
 پارچه لایمق اولو اغاجلرده سرچه قوشلرینک قوندقلری دالرده
 بالطه اولمق جائز وروادر.

طاشدن تحتهدن انیه، اونلری کسمک دهویرمک ایله اولور.
 اجوبه سلسله سی طویجه بوایشله فنادرین ایسته مم دیه رک نه یقردم؛
 یانمده کیلر قهقهه صالووروب دنیا، سنیده فالق ایدنلرله کوروشدیرر
 سوزلرینی لسانلرندن ایشتدم. شاشدم، بکی تولد ایدن چوجق سوت
 امدیکی ایامی بیلیمک قابل اولورمی؛ البته خاطر لایه مم. آنتی یاشمه
 کیرمشیدم برکون بنی زیاده اویقو باصدی یاتدم آنادن طوغدیغمی
 کور، م بالاده نقل اولدن وقوعاتی رؤیامده مشاهده ایلدم. اویقودن
 اوایندم دوشونیوردم بکا بیاض بزلر اوستنده چیزکیلر کوسقلدی
 بزلر ایله چیزکیلری بیلیمک ایسته دم بز دکل کاغد چیزکیلر یازیدر
 جوابیله برابر حرقلری تعریفه قویولدیلر. از بلمک اصولنی اوکرتدیلر.

چیزکیلر هپ طوغرو اولسه اکر یلر آردیه قونماسه اولزمی دیدم.
 دنیاده اکر یلر طوغریلردن چوقدر سن طوغرونی سو اکر یلکه
 میل اتمه لقر دیلرینی سویله دیلر. حاصلی، کل یوم بیلمدکریمی
 اوکرتمه چالشدیلرینه بر کون رنکی صاری، کندیس قاتی،
 اوزری چیزکیلی بر شی ارائه سیله آلتوندر یمک ایچمک کینمک
 ایستدیکنی وجوده کتیرمک آلتون ایله اولوفاده سنده بولندقلرندن
 کیملر بونی طویلار چیزکیلر نه اوله جق استفسارینه قالدشدیغمده
 طویلا یانلر طاغده بایرده صوغوغه صیجاغه قارشی عمرلرینی
 چوریدن فقیر کویلیلردر. چالشمقله زحمتلره الشمقله آلتون
 بیر کدیر لر ایسه ده برر وسیله بولنه رق فقرانک اللرندن النور.
 کوردیکک شکله قونیلور. چیزکیلر التون اولدیغنی اثبات ایچون
 صفحه سنه یازیلور. دنیاده اییلکه، کوتولکه الت اولان شوصاری
 یوزلی شیدر. کیمده کثرتلی ایسه صاحبی دوشوندر. راحتنی
 قاجیرر خسته لکنه بیله باعث اولور. خسیسلر بونی الک یقینه ده
 ویرمه امنیت ایتمز. التونی اییلکه قوللانان دوستلر بولور. خیرلی
 دعا جیلر قازانیر. کوتولکه صرف ایدن دشمنلرینی ارتیرر. فضله
 التونه مالک اولدیغکده کوتولکدن اوزاق طور اییلکه یاقلانر.
 نصایحمز ذهنده طوت دییه رک بنی اوقشایانلر بری انام بری بابام
 ایدی. چونکه سایه لرنده اوقومق یازمق اوکرنم. کتبلره مرائی
 صاردم اوقاتمی مطالعه یه حضر ایتدم.

کوچوکلکم صره لرده دنیا طوغدیغم ملکتن عبارت صانیورده
 مکر هیچ اویله اولیوب اوجی بوجاغی یوق غایت کینش بولندیغنی
 و دنیا قوریله نیجه بیک سنه آنک اوستندن آلامشیکر هر حقی

صكره المانيانك اتفاقي قبول ايتدى. عزت نفس بوكا حائل اولمى.
شمى مخاصم حكومتلرله متاركه وقوع بولديغنه مبنى صلح نه شكل
باغلايه جق آكلاشلمقسزىن بر شى ياييله ميه جنى دركاردر .
مع مافيه دولت عليه نك اوروپا قطعه سنده ضنيع ايده جكى يرلر والنده
قاله جق محملر تعين ايلد كده معامله مزي حسابيه اويديرمغه باقه ليدر .
كر چه بالقان حكومتلرينك آجدقلى حرب بشيوز سنه مقدم كندى
حكومتلرينك متصرف اولدقلى قطعات مهمه نى بزدن آلمق
واورالرده متمكن عناصر مختلفه كه همجنس ليدر . شونلرله قاووشمق
ايچون ايدى . مصالحه ده بزه براقيله جق يرلر ك سسكنه سى عموماً
اهل اسلامدن اولمق احتمالى وارسه اداره من آلتنده شمانه چيقارمازلر .
ولكن بلغار و صرب و روم عنصر لريده تقسيم نقط اراضى اعتباريه
قسماً حصه مزه دوشه جكى تقديرده دائره حدودلرى يكيدين توسع
ايتمش حكوماته بزم طرفده قاله جق كسان جنسيت و مليت غيرتيله
التحاق طريقى آرامق داعيه سندن فراغت ايتيمه جكلى دولت
عليه نك متواليا باشنه چوكن فلاكتلرله نابتدر . بناء عليه بوجه دائمى
سكون رونمون اولورمى او مختلف عنصرلر واره يوغه قولپ
طاقه رق افسانه ترتيبيله اوتنه كى حكومتلر اداره مزه قارشى
اعتراضاتى جلب ايتمكه چاليشيورلر . برده اتفاق بالقان محيطنه مى منحصر
اوله جق يوقسه دولت بالقان خارجنده محاربه ايتمك مجبوريتنده
قالدينى صورتده متفقمز بالقان حكومتلرى بزه فعلاً معين
اوله جقلى شوراسى اصل دوشونمكه سزادر ؛ چونكه دولت
عليه ارضرومدن بداء ايله خطئه عراقيه بصريه غربستانه يمنه
وارنجه بويلي بويته ياباش بر حكومت قديمه اولديغندن و اقالم مذكورديه

کوز دیکمش قوی دولت لر بولندیغندن حسب الایجاب حرب آچیلورسه
 بالقان حکومتلرینک قوای جیشیهلری بزم اردومزله رفاقت ومدافعه
 اعدایه صرف مقدرت ایدرلرمی بومعمانک حلی آسان صایاناز مثلاً
 روسیه آنطولییه تخطی ایلدیکی حالد انکلتره دولتی بزه معاونت
 قعلیه ده بولمق اوزره آره مزده اوتوز ییل اول معاهده
 یاپلیدی. مقابلنده قهریس جزیره سنی انکلزلر موقتاً اشغال تعبیریه
 اداره سی تحتیه قویدی. سبب نهانیسی روسلر آنطولیدن یورودکلرنده
 فرات وادیسی اوکلرینه چیه جغندن و بوده کیت کیده هندستان
 منفعته طوقه جغندن انکلتره دولت علیه صورت ظاهرده
 ظهیر ومعناً هندستانه دستگیر اولمق عزیزله او معاهده بی امضا
 ایتمشدر. آسیا ایچون متفقمز انکلتره، اوروپاده بولنان ممالکمز
 تعرض ایدن اولنجه دفع صائله متعهد اولیور. و داد واتحاد
 تحول احوال امکنه وازمنه ایله تبدل ایدر. مثالی سوش قانالی
 اچیلوبده شرکنتک حصه سنداتی انکلتره دولتی نامنه طوپلاندقندن
 صکره سلطنت سنیه حقنده انکلزلرک نظریاتی رفته رفته متبدل
 اولسیدر. وهم وغفلتمزدن متحصل فرصتی بولدقده انکلتره
 متمرده نفوذنی یرلشدیرنجه پولتیقه سی داهادکشدی. ایران
 حکومتی تذبذب اوغرادقده روسلرله ائتلاف پیدا ایدرک شوایکی
 مؤتلف دولت مجمعه کثورنده منافع سیاسیه لرینی منطقه تعیینیه
 پایلاشدیلر. فرانسه وروسیه ایله ده انکلتره حکومتی بشقه جه عقد
 ائتلاف ایتمش اولدیغندن بالقان محاربه سنک نتیجه الیه سنی کورییورز.
 اولنرک دیپلوماتلری لسانلرندن تهدید کارانه صدور ایدن مقالات
 نایم مزده شراردلردو کیورقیرتمق ایستدکارینی اقدار آرزوسیه دولت

عليه بي بخشايش كوبي موقعه بولق خوشلرينه كيديور . بالقان
 هاله سندن طولاي درت حكومتله جنك لشك كونا كون عوارض
 واسباب عدم موفقيتمزي انتاج ايلدي . فرضا مذكور حكوماندن
 بر ويا ايكي سي ايله اتفاقه داخل اولديغمزده ديكر حكومتلر حقوقمه
 تجاوز ايدرسه متعرضلره قارشى طورلق قابلدلر . مددكارى طالع
 ايله غلبه بزه نصيب اولسه مغلوبك ظهوراغندن استفاده دول
 معظمه ينه مانع وحائلدر . زيرا اولمكدده بولنانلر اسلاو جنسندن
 ويا خود روم عرقندن اولملرى و اخيراً محاربه بي قازانه مديغمزك
 اوزرينه قرار دولى ايله بزدن آيرلمش بولنملرى حسيبله تكرار
 بواهالى بي دولت عليه نك اداره سنه صوقازلر . مقايسه ايدلم ! تمتعتمزك
 ماهيتى نه اوله حق ؟ دشمن اوستمزه هجوم كوستردنجه طوپ تفنگه
 كوكس كره جكز مظفريته ايرمش اولسه دخی مكان سابقمزه
 صفر ايد كیده جكز اليوم تمدنده مرقى كافه دول بر عصر ظرفنده
 مستملكه عنوانى ويره رك حدود ملكيه لرينى قات قات كنيشتلكه
 اوغراشمش لدر مسالمت و تجارت خلل طريانى اندیشه سيله ائتلاف
 و اتفاق مصطبلر نده دمكذار اولديلر . اختلافه سبب بر اقامق و من
 غير مأمول بر مسئله مهمه حدوشنده ديپلوماسى اصوليله تسويه سنه
 باقق جمله سنه دستور حركت بولنمش ايسه ده دوست دولتلر رقابت
 و سائر جهتن اوضاع خودكامانه بي چكهميه رك خزينه لر طيانمز
 مصارفاته تحمل ايله برآ و بجزراً الآن تداركات حربيه دن كچه ميورلر ؛
 حكيم بي امان زمان ديپلوماسينك تاثيرى اوله ميه حق نا كه ظهور بر ماده
 احداثنده اتفاق و ائتلاف دولتلرندن هر هانكيسى سلاحه صارلسه
 الكتريك ماكنه سى ايشلر جه سنه دستلرى دتره يوب حرب عمومى

آتش دکنده قرمده وولقانلره مماثل شدت التهاب اراؤه‌سنده
مدنیت و معموریت بر بردن مهجوریت در که‌سنه دوشه‌جکدر .
بلکه اولوقت بوغوش‌مقدن قیرلمقدن یزار اولمقله مهاجرات
ومصادمات غایته ایره‌جکدر . مجرب‌تدن اولدینی اوزره کرئه‌نسیمیده
یپراق قیملداتماز هوالر کوریلور . وهله دهشت انکیز بر
یرتندباد ظلمت آور بلاد سیاه بلوطلری سوق وصواعق وبرق‌ایله
استوار و قیمتدار مساکن واما کن خراب ویرباد اولمامشمیدر .
سلطنت سبحانیه‌ده مشهود شئونات آفرینش جهاندنبری هپ
منوال مشروحک جریانی اثبات ایتمکدن خالی قالمیور . مادامکه
اراده جزیه‌مقدر بشردر ؛ تدابیر اتخاذه مقتضی اولدیغندن بیوک
کوچوک دولتلر اساسات مختلفه‌ینی جامع روابطه ابتناء تأمین منفع
ایتمش اولدقلرینه باقلنجه دولت عثمانیه‌نک حال انفرادده بولنسی
آرتق اویه‌میه‌جغندن مصالحه‌پذیرای ختام اولدقده اولیای امور
ایجاب مصلحتی عیون بصیرت‌لرندن دور طوتمازلراعتما‌ندیم .

۱ کانون اول سنه ۱۲۲۸

صوک



PL

248

M457

Z53

1914